

# KANUNI

TOLEO LA 2023

*LiGi za*  
**WANAWAKE**

## UTANGULIZI

Kanuni hizi za Ligi Kuu ndio mwongozo wa Uendeshaji na Uchezaji wa Ligi Kuu Tanzania Bara ambapo Klabu za Ligi Kuu kwa kuwepo kwake katika Ligi Kuu zinawajibika na kulazimika kufuata, kuheshimu na kutii Kanuni hizi.

Shirikisho la Mpira wa Miguu Tanzania huzifanyia Marekebisho Kanuni za Ligi Kuu ili kuziboresha na kuendana na wakati. Mabadiliko ambayo lengo ni kuwa na Ligi iliyo bora zaidi, ambayo italeta Ushindani kwa Timu shiriki na pia kutoa Burudani zaidi kwa Watazamaji, pamoja na kuchochea wadhamini zaidi kujitokeza kwa ajili ya Kudhamini Ligi na Timu shiriki.

Ligi iliyo Bora itawezesha kupata Wachezaji Bora watakaouna timu Bora za Taifa zitakazoweza kufanya vizuri katika Mashindano ya Kimataifa na pia kupata Klabu zitakazowakilisha vema Tanzania katika Mashindano ya Kimataifa kwa ngazi ya Klabu. Mafanikio haya yataweza kukuza na kuendeleza kiwango cha Mpira wa Miguu katika nchi yetu na pia kuijengea heshima Tanzania katika Ulimwengu wa Mpira wa Miguu.

Shirikisho la Mpira wa Miguu Tanzania linafahamu na linaamini kuwa Mpira wa Miguu ni Mchezo wenye nguvu, Unaopendwa na watu wengi Duniani na Unaoweza kuvutia watu kutoka sekta mbalimbali kuwekeza iwapo Kanuni, Taratibu na Sheria za mchezo huu zitafuatwa na kuheshimiwa na pia Kanuni za Uchezaji wa Kiungwana (Fair Play) zitazingatiwa na Wachezaji, Makocha, Waamuzi, Viongozi, Washabiki na wengine wote ambao kwa njia mojawapo wanahuksika na mchezo wa Mpira wa Miguu.

Shirikisho la Mpira wa Miguu Tanzania linaagiza Klabu, Makocha na Waamuzi kuzisoma kwa makini Kanuni hizi na kuhakikisha zinaeleweka na kufuatwa kwa faida ya Ligi Kuu na Mchezo wa Mpira wa Miguu. Shirikisho linapenda kuwakumbusha watu wote kuwa Mchezo wa Mpira wa Miguu unalindwa na Sheria, Kanuni na Taratibu. Bila Sheria na Kanuni, Mpira wa Miguu utakuwa Vurugu tupu. Shirikisho la Mpira wa Miguu linaziomba Klabu kuhakikisha kuwa Kanuni hizi pia zinaeleweka vizuri kwa Wachezaji na washabiki wake kwa lengo la kusaidia kuwafanya wafahamu Kanuni na Taratibu za Mpira wa Miguu vizuri zaidi na kwa kuzifahamu Kanuni zaidi zitawafanya kuwa wachezaji Bora zaidi watakaojiepusha na kuadhibiwa kwa makosa yanayoweza kuepukika.

Kanuni na Sheria zimekekwa kwa ajili ya Kuufanya mchezo uwe na Ladha katika kuucheza na pia uwe na Ladha katika Kuutazama na hivyo kukamilisha Burudani na kupata Burudani zaidi. Tukitumia Nguvu, Ari na Misingi ya Mpira wa Miguu inavyotakiwa tutaweza kujenga jamii na Dunia Bora yenye Afya zaidi, Upendo, Amani, Furaha na Usawa.

Shirikisho la Mpira wa Miguu Tanzania litahakikisha siku zote Ligi Kuu inakuwa na Heshima kwa kusimamia kwa Uadilifu Kanuni hizi za Ligi Kuu na Sheria za Mpira wa Miguu kwa kutoa Adhabu inapobidi, kuelimisha na kuhakikisha siku zote Mshindi anapatikana Uwanjani kwa Kufuata kanuni na Taratibu za Mchezo na siyo kwa Matumizi ya Njia chafu zisizokubalika. TFF Itahakikisha Matumizi sahihi ya Kanuni hizi kama yalivyokusudiwa.

Michezo ni Burudani, Afya na Ajira



# YALIYOMO

SURA	KANUNI	Namba	Ukurasa
SURA I Uchezaji wa Kiungwana	Uchezaji wa Kiungwana	1	4
SURA II Kuundwa, Matumizi na Tafsiri	Kuundwa	2	8
	Matumizi na Tafsiri	3	8
	Tafsiri ya Kanuni	4	9
SURA III Ligi	Daraja la Ligi	5	9
	Mfumo wa Ligi	6	9
	Ligi Daraja la kwanza	7	10
	Ligi ya Mabingwa wa Mikoa	8	10
	Ligi ya Wanawake Mkao	9	11
	Mshindi	10	11
	Uwanja	11	13
	Ushiriki Mashindano Kimataifa	12	13
	Vikombe na Tuzo	13	14
SURA IV Uendeshaji	Usimamizi wa Ligi	14	16
	Leseni ya Klabu	15	17
	Msimu na Ratiba	16	17
	Udhamini	17	17
SURA V Mchezo	Taratibu za Mchezo	18	21
	Michezo ya Kirafiki	19	27
	Ngao ya Jamii	20	27
SURA VI Tiba na Bima	Huduma ya Kwanza	21	29
	Bima	22	29
SURA VII Malalamiko na Rufaa	Malalamiko	23	31
	Utaratibu wa Malalamiko	24	31
	Pingamizi katika Mchezo	25	31
	Rufaa	26	32
	Utaratibu wa Rufaa	27	32
	Vyombo vya Maamuzi	28	33
SURA VIII Mapato na Gharama	Mgawanyo wa Mapato	29	35
	Gharama za Mchezo	30	35
SURA IX Yasiyotarajiwa	Kujitoa	31	37
	Kutofika Uwanjani	32	37
	Kuvuruga Mchezo	33	38
	Kupanga Matokeo	34	39
	Kuahirisha Mchezo	35	39
SURA X Usimamizi wa Mchezo	Msimamizi wa Kituo	36	42
	Kamishna	37	43
	Mtathimini Waamuzi	38	43
	Mratibu wa Mchezo	39	44
	Waamuzi	40	44

SURA	KANUNI	Namba	Ukurasa
SURAT XI Udhibiti na Adhabu	Udhibiti Kimashindano	41	49
	Udhibiti kwa Wachezaji	42	50
	Udhibiti kwa Waamuzi	43	53
	Udhibiti kwa Kamishna	44	54
	Udhibiti kwa Mtathimini Waamuzi	45	55
	Udhibiti kwa Makocha	46	56
	Udhibiti kwa Viongozi	47	57
	Udhibiti kwa Klabu	48	59
	Adhabu za Klabu	49	62
	Dawa Haramu	50	62
SURAT XII Hadhi ya Wachezaji	Wachezaji wa Ridhaa na Kulipwa	51	64
	Kupata Upya Hadhi ya Ridhaa	52	64
	Kuacha Shughuli	53	64
	Wachezaji Wasiosajiliwa	54	64
	Kuachwa Huru	55	64
	Wachezaji Waliopandishwa	56	64
	Wachezaji Huru	57	65
	Meneja wa Mchezaji	58	65
SURAT XIII Uhamisho wa Wachezaji	Wachezaji wa Kuhamishwa	59	67
	Uhamisho	60	67
	Uhamisho Zanzibar	61	68
	Uhamisho Nje	62	69
	Wachezaji wa Kigeni	63	69
	Hati ya Uhamisho wa Kimataifa	64	70
	Uhamisho kwa Mkopo	65	70
SURAT XIV Usajili	Usajili	66	72
	Vipindi vyta Usajili	67	73
	Pasi ya Mchezaji	68	73
	Majina na Idadi	69	74
	Maombi ya Usajili	70	74
	Pingamizi la Usajili	71	75
	Katazo	72	75
	Uthibitisho wa Usajili	73	75
	Kutengua Usajili	74	76
	Mikataba	75	76
	Vijana na Watoto	76	77
SURAT XV Dawati la Ufundii	Viongozi wa Ufundii	77	80
	Makocha	78	80
	Daktari wa Timu	79	81
SURAT XVI Mamlaka	Maamuzi Yasiyokatiwa Rufaa	80	83
	Ufanuzi	81	83
	Marekebisho ya Kanuni	82	83
	Kufuta Kanuni	83	83
	Yasiyomo	84	83
	Azimio		84

YALIYOWO

## Kanuni : 1

## Uchezaji wa Kiungwana

Wachezaji wanatakiwa kuzingatia Kanuni 10 za FIFA za mchezo wa Kiungwana (*fair play*) ndani na nje ya uwanja wa mchezo.

<b>1:</b>	<b>Cheza Kiungwana</b>	<b>2:</b>	<b>Tafuta Ushindi, Kubali Kushindwa</b>
	Ushindi hauwezi kuwa na thamani iwapo umepatikana katika njia isiyi halali au kwa udanganyifu. Kudanganya ni rahisi lakini haileti raha ya ushindi. Kucheza kiungwana inahitaji moyo na tabia njema. Pia hufurahisha zaidi. Mchezo wa kiungwana siku zote una malipo yake hata kama utapoteza mchezo. Kucheza kiungwana kunakujengea heshima wakati kudanganya kunaleta aibu. Kumbuka kuwa mpira wa miguu ni mchezo na mchezo wowote hauwezi kuwa na maana kama hautochezwa kiungwana kwa kuzingatia kanuni na taratibu ili mshindi halali aweze kupatikana.		Kushinda ndio lengo la kushiriki katika mchezo wowote ule. Siku zote usijiandae kushindwa. Iwapo huchezi kwa nia ya kushinda utakuwa unawadanganya wapinzani wako, unawadhulumu watazamaji na pia unajifanya mwenyewe kuwa ni mjinga. Usikate tamaa hata siku moja unapopambana na wapinzani wenyewe nguvu zaidi lakini pia usidharau hata siku moja unapopambana na wapinzani dhaifu. Ni kumkosea adabu mpinzani unapocheza chini ya kiwango chako. Cheza kwa nia ya kutafuta ushindi hadi dakika ya mwisho lakini kumbuka hakuna anayeshinda wakati wote. Siku nyininge utashinda na siku nyininge utashindwa. Jifunze kukubali kushindwa. Usitafute visingizio unapofungwa. Sababu za kweli siku zote zitadhihirika. Wapongeze washindi bila kinyongo. Usilaumu waamuzi wala mtu mwingine yoyote. Jizatiti kufanya vizuri zaidi wakati mwingine. Walioshindwa na kukubali wanapata heshima zaidi kuliko washindi wanaolazimisha.
<b>3:</b>	<b>Heshimu Sheria za Soka</b>	<b>4:</b>	<b>Heshima kwa Wote</b>
	Michezo yote inalindwa na sheria. Bila sheria itakuwa ni vurugu tupu. Sheria za mpira wa miguu ni nyepesi na rahisi kujifunza. Hakikisha unajifunza; itakusaidia kuufahamu mpira wa miguu vizuri zaidi. Kuufahamu mchezo zaidi itakufanya uwe mchezaji bora zaidi. Pia ni muhimu kufahamu madhumuni ya sheria zilizowekwa. Zimekusudiwa kuufanya mchezo uwe na ladha katika kuucheza na kuuangalia. Kwa kufuata sheria, mchezo wa mpira wa miguu utakuwa na burudani zaidi.		Mchezo wa kiungwana unamaanisha kuhestimu wapinzani. Bila ya wapinzani kutakuwa hakuna mchezo. Kila mmoja ana haki sawa, ikiwemo haki ya kuhestimiwa. Wachezaji wa timu moja ni wenza. Tengeneza timu ambayo kila mmoja kwenye timu atakuwa na haki sawa. Waamuzi wapo kuhakikisha nidhamu na mchezo wa kiungwana unadumishwa. Siku zote kubali maamuzi yao bila ya ulalamishi, na wasaidie waweze kuwafanya washiriki wote waufurahie zaidi mchezo. Viongozi pia ni sehemu ya mchezo na wanatakiwa wapewe heshima wanayostahili. Watazamaji wanaufanya mchezo uwe na msisimko. Wanahitaji kuuona mchezo ukichezwa kiungwana kwa kuzingatia kanuni, lakini pia wanatakiwa kuwa waungwana na kujiheshimu.
<b>5:</b>	<b>Dumisha Maslahi ya Mpira</b>	<b>6:</b>	<b>Heshimu wanaolinda Heshima</b>
	Mpira wa miguu ndio mchezo unoongoza duniani. Lakini siku zote unahitaji msaada wa kila mmoja kuufanya uendelee kuwa mchezo wenyewe kupendwa zaidi. Fikiria maslahi ya mpira kabla ya maslahi yako mwenyewe. Fikiria ni vipi vitendo vyako vinawewe vikaupaka matope mchezo wa mpira wa miguu. Zungumzia mambo mazuri ya mchezo wa mpira wa miguu. Shawishi watu wengine kuuangalia na kuucheza kiungwana. Wasaidie wengine kupata burudani ya kutosha katika mchezo wa mpira wa miguu kama unayoipata wewe. Kuwa balozi wa mchezo wa mpira.		Jina zuri la mchezo wa mpira wa miguu limeendelea kudumu kwa sababu idadi kubwa ya watu wenyewe kuupenda mchezo huu ni wakweli na waungwana. Wakati mwingine mtu hufanya jambo kubwa ambalo linastahili tulitambue. Watu kama hawa wanastahili kutuzwa na mambo mema waliyofanya yatangazwe. Hii itashawishi wengine kuiga mifano yao. Saidia kuendeleza mpira wa miguu kwa kuyatangaza mazuri yake.
<b>7:</b>	<b>Kataa Mambo yote ya Hatari</b>	<b>8:</b>	<b>Wasaide Wengine Kupambana</b>
			Wakati mwingine unaweza kusikia wachezaji wenzako au watu wengine unaowafahamu wanashawishiwa wadanganye kwa njia moja au nyininge au washiriki katika vitendo visivyokubalika katika mchezo wa soka. Wanahitaji msaada wako. Usisite kusimama upande wao. Wape nguvu ya kukataa vishawishi. Wakumbushe wajibu wao kwa wenzao na kwa mchezo
			Umaarufu mkubwa wa mchezo wa mpira wa miguu wakati mwingine huufanya uwe rahisi kuathirika na mambo mabaya ya nje. Jichunge na vishawishi vitakavyokufanya ushawishike kushiriki kwenye kudanganya au kutumia madawa yaliyokatazwa. Madawa yaliyokatazwa hayana nafasi katika soka, mchezo mwingine wowote na jami kwa jumla. Sema hapana kwa madawa ya kulevyia. Saidia kuupiga teke ubaguzi kwenye soka. Wachukulie wachezaji wote na wengineo kuwa ni sawa bila kujali dini zao, kabilia, jinsia au utaifa wao. Usivumilie hata kidogo kamari katika michezo unayoshiriki. Inaporomosha kiwango chako cha uchezaji na inasababisha hali ya mgongano wa maslahi. Thibitisha kuwa soka haihitaji fujo, hata kutoka kwa washabiki wako wenyewe. Soka ni mchezo na michezo huleta amani.

wenyewe. Tengeneza umoja wenyewe mshikamano, kama ngome ngumu kabisa kwenye mchezo wa soka.

**10: Soka Kujenga Dunia Bora zaidi**

Soka ina nguvu ya ajabu inayoweza kutumika kuifanya dunia kuwa sehemu bora zaidi ya kuishi. Tumia nguvu hii kudumisha amani, usawa, afya na elimu. Ifanyi soka iwe bora zaidi, ipeleke kwa jamii kujenga dunia bora zaidi.

**9: Waibainishe Wachafuzi**

Usione aibu kusimama dhidi ya yoyote yule ambayeuna hakika anashawishi wengine kudanganya au kushiriki katika vitendo vingine visivyokubalika. Ni vyema kuwafichua waovu wote ili waweze kuondolewa kabla ya kuleta madhara. Ni uovu kushirikiana na watu waovu. Usiseme tu hapana, wafichue wanaotaka kuichafua soka kabla hawajafanikiwa kuwashawishi wengine.

**Wachezaji pia Wanawajibika Kuzingatia na kudumisha**

**(a) Nidhamu**

Kudumisha tabia njema nje ya uwanja na wakati wote wa mchezo kwa kucheza bila ya kuwaumiza au kuhatarisha usalama wa wachezaji wa timu pinzani.

**(b) Mchezo wa Kiungwana**

Kutodanganya kuumia au kufanyiwa rafu, kutotumia mbinu zisizo za kiungwana mchezoni au kuijingiza katika vitendo visivyokuwa nya kiuanganichezo kama vile kutukana kwa maneno, ishara au kujihusisha na vitendo vyoyote nya kibaguzi.

**(c') Kutorejeshea**

Kutorejeshea (*retaliation*) iwapo mchezaji atafanyiwa rafu au kukashifiwa.

**(e) Kumheshimu Kocha**

Mchezaji wakati wote anatakiwa atii maagizo ya kocha wake. Mchezaji anatakiwa akubali kubadilishwa uwanjani na kuadhibiwa kutokana na vitendo nya utovu wa nidhamu au visivyokuwa nya kiuanganichezo.

**(d) Malalamiko**

Ni nahodha pekee anaruhusiwa kuzungumza na waamuzi. Iwapo patatokea malamiko yoyote wakati wa mchezo wachezaji wengine wote wanatakiwa wawe hatua zisizopungua kumi kutoka kwa mwamuzi.

**(g) Kuheshimu Wachezaji**

Mchezaji awaheshimu wachezaji wenzake, awatia hamasa nje na ndani ya uwanja. asimkashifu mchezaji mwenzake mwenye kufanya makosa.

**(f) Kuheshimu Nahodha**

Mchezaji anatakiwa amheshimu na atii maagizo ya nahodha wake nje na ndani ya uwanja hususan katika masuala yahusuyo timu na tabia njema kwa jumla.

**(i) Kuheshimu Waamuzi**

Mchezaji anatakiwa wakati wote kuheshimu maamuzi ya waamuzi na kutozozana nao au kutumia lugha ya matusi au kashfa dhidi yao.

**(h) Kuheshimu Wapinzani**

Mchezaji awape wachezaji wa timu pinzani heshima yao, awe tayari kutoa msaada kwa mchezaji aliyeumia na kushikana mikono kabla na baada ya mchezo.

**(j) Kujihehshimu Mwenyewe**

Mchezaji anatakiwa ajiheshimu mwenyewe na ajitunze na asitumie madawa yaliyokatazwa

# **SURA: II**

## **KUUNDWA, MATUMIZI NA TAFSIRI**

Kanuni hizi zimeundwa chini ya Ibara ya 75(3) ya Katiba ya TFF ya mwaka 2020 na zitatumika Tanzania Bara.

Katika Kanuni hizi isipokuwa pale ambapo imeainishwa vinginevyo itatafsiriwa na kumaanisha kama ifuatavyo:

TFF	<i>Tanzania Football Federation</i> Shirikisho la Mpira wa Miguu Tanzania
FIFA	<i>Federation Internationale de Football Association</i> Shirikisho la Kimataifa la Vyama vya Mpira wa Miguu
CAF	<i>Confederation of African Football</i> Shirikisho la Mpira wa Miguu Afrika
CECAFA	<i>Council of East and Central Africa Football Associations</i> Baraza la Vyama vya Mpira wa Miguu Afrika Mashariki na Kati
ZFF	<i>Zanzibar Football Federation</i> Shirikisho la Mpira wa Miguu Zanzibar
FA(M)	<i>Regional Football Association</i> Chama cha Mpira wa Miguu Mkoa
FA(W)	<i>District Football Association</i> Chama cha Mpira wa Miguu Wilaya
FRAT	<i>Football Referees Association of Tanzania</i> Chama cha Waamuzi wa Mpira wa Miguu Tanzania
TAFCA	<i>Tanzania Football Coaches Association</i> Chama cha Makocha wa Mpira wa Miguu Tanzania
TASMA	<i>Tanzania Sports Medicine Association</i> Chama cha Watalamu wa Tiba za Wanamichezo Tanzania
SPUTANZA	<i>Soccer Players Union of Tanzania</i> Umoja wa Wachezaji Mpira wa Miguu Tanzania
KAMATI ya UTENDAJI	Kamati ya Utendaji ya Shirikisho la Mpira wa Miguu Tanzania
TWPL	<i>Tanzania Womens Premier League</i> Ligi Kuu ya Wanawake Tanzania
KLABU	Klabu ya timu ya Mpira wa Miguu inayoshiriki Ligi
KLABU BINGWA	Klabu ambayo timu yake imeshinda kupata nafasi ya kwanza katika msimamo wa Ligi Kuu baada ya Ligi kwisha.
TIMU	Timu ya Mpira wa Miguu ya Klabu ya Wanawake
MPIRA	Mpira wa Miguu wa kuchezea
WLGi1	Ligi Daraja la Kwanza Wanawake Tanzania
WLGi2	Ligi ya Mabingwa wa Mkoa Wanawake Tanzania
KIWANJA	Kiwanja cha kuchezea (Pitch)

Kikao cha juu kuliko vyote kwa ajili ya tafsiri ya Kanuni hizi kitakuwa ni Kamati ya Utendaji Ya TFF na uamuzi wake utakua wa mwisho.

- (1) Kanuni hizi ni kwa ajili ya Ligi Kuu ya Wanawake (WLGiKUU), Ligi Daraja la Kwanza Wanawake (Women LiGi1) na Ligi ya Mabingwa wa Mikoa Wanawake (Women LiGi2), Tanzania Bara. Ligi hizi zinaweza kutajwa kwa kutumia jina la Mdhamsini wake Mkuu au Mdhamsini wa Jina la Ligi.
- (2) Endapo Timu zitakazofanikiwa kuthibitika Kushiriki Ligi ya mpira wa Miguu kwa Wanawake zitakuwa pungufu ya timu kumi (10), isipokuwa Ligi Kuu, Ligi hiyo itachezwa katika Kituo kwa Mfumo wa Ligi ya mkondo mmoja, na pia endapo zitathibitika timu sita (6) au pungufu, Ligi itachezwa kwa mtindo wa michezo ya nyumbani na ugenini kituoni ambapo Mshindi atapatikana kwa mujibu wa Kanuni ya 10 ya kanuni hizi. Masharti mengine ya Kikanuni kwa michezo ya nyumbani na ugenini yatazingatiwa.
- (3) Kalenda ya Ligi za Wanawake zitatolewa na TFF kwa Mazingatio ya Mahitajio kwa Msimu husika.
- (4) Taratibu za Uendeshaji na Udhibiti wa Mienendo na Adhabu ni kama zinavyosomeka kwenye Kanuni hizi. Maangalizo maalum kutokana na tofauti za Mfumo wa Shindano kuzingatiwa.
- (5) Katika Mazingira Maalum au Dharura, TFF inaweza kubadili Mfumo wa Ligi kukidhi mahitaji ya msingi ya Dharura au hali halisi kwa mafanikio hitajika.
- (6) Ada ya ushiriki wa Ligi Kuu ya Wanawake itakuwa shilingi laki mbili (200,000/) ambazo zitalipwa katika kipindi cha uthibitisho wa ushiriki baada ya klabu husika kupata leseniKanuni hizi ni kwa ajili ya Ligi Kuu ya Tanzania Bara tu. Ligi Kuu inaweza kutajwa kwa kutumia jina la Mdhamsini wake Mkuu au Mdhamsini wa Jina la Ligi.

- (1) Ligi Kuu ya Wanawake itashirikisha timu Kumi (10). Timu Nane (8) zilizobaki Ligi Kuu msimu wa 2021/22, na timu 2 (mbili) zilizopanda moja kwa moja kutoka Ligi Daraja la Kwanza ya Wanawake (Women LiGi1), 2021/22.
- (2) Timu mbili (2) zilizoshika nafasi 9 na 10 kwenye Msimamo wa Ligi Kuu ya Wanawake msimu wa 2022/2023 baada ya Ligi kumalizika zitashuka Daraja kucheza Ligi Daraja la Kwanza Wanawake (Women LiGi1), msimu Unaofuata.
- (3) Kwa Msimu 2023/24 Ligi Kuu ya Wanawake itashirikisha timu kumi (10). Timu Nane (8) zilizobakia Ligi Kuu msimu 2022/23 na timu mbili (2) zilizopanda Daraja kutoka Ligi Daraja la Kwanza Wanawake (Women LiGi1), msimu 2022/23.
- (4) Ligi Kuu ya Wanawake itachezwa kwa mtindo wa ligi ya mikondo miwili kwa michezo ya nyumbani na ugenini.

## Kanuni : 7 Ligi Daraja la Kwanza (Women LiGi1)

- (1) Kutakua na Ligi Daraja la Kwanza (Women LiGi1), itakayoshirikisha timu kumi (10) katika Kituo, ambapo timu zitagawanywa kwenye makundi mawili ya Timu tano (5) kila kundi zitakazocheza michezo ya mkondo mmoja kwa kila Kundi. Timu zitakazoshika nafasi ya kwanza na pili kwa kila Kundi zitaingia Hatua ya Nusu Fainali na hatimae fainali kwa washindi na washindwa watacheza michezo kutafuta Mshindi wa tatu na nne.
- (2) Timu mbili (2) zitakazofanikiwa kushika nafasi za juu zaidi baada ya Ligi Daraja la Kwanza (Women LiGi1), kumalizika kwa msimu husika zitakuwa zimepanda Daraja kuingia Ligi Kuu kwa msimu unaofuata.
- (3) Timu mbili zitakazomaliza katika nafasi ya mwisho baada ya kumalizika Ligi Daraja la Kwanza (Women LiGi1), hatua ya makundi (moja kila kundi) ya Ligi Daraja la Kwanza (Women LiGi1), zitashuka Daraja kurejea mikaoni mwa timu husika kwa msimu unaofuatia.
- (4) Wachezaji watakaosajiliwa kwa ajili ya Ligi Daraja la Kwanza Wanawake (Women LiGi1), watatumika kwa timu zao tu kwa Ligi Daraja kwanza walizosajiliwa na kuthibitishwa kuzitumikia. Mchezaji haturuhusiwa kuomba kusajiliwa na kilabu Zaidi ya moja kwa wakati mmoja au kilabu nyingine ya Daraja lingine kinyume na masharti ya Usajili wa mchezaji kwa msimu husika.
- (5) Timu ya Daraja lolote hairuhusiwi kumtumia au kumuombea kusajiliwa mchezaji aliyesajiliwa kutumikia timu nyingoine ya Daraja lingine kinyume na Masharti ya msingi ya usajili ikiwemo mazingatio ya vipindi vya usajili kwa msimu husika.
- (6) Ada ya ushiriki wa Ligi Daraja la Kwanza Wanawake (Women LiGi1), itakuwa

## Kanuni : 8 Ligi ya Mabingwa wa Mikoa (Women LiGi2)

- (1) Ligi ya Mabingwa wa Mikoa ((Women LiGi2), itashirikisha timu za Mikoa yote Tanzania Bara itayothibitisha ushiriki, ambapo timu zitagawanywa kwenye makundi zikicheza michezo ya mkondo mmoja kwa kila Kundi. Ukamilifu wa Mfumo na Utaratibu utatolewa na TFF kwenye Muongozo wa (Women LiGi2), kwa kila Msamu Pamoja na Marekebisho yake ambaa utasomeka Pamoja na kanuni hizi.
- (2) Timu mbili (2) zitakazofanikiwa kushika nafasi za juu zaidi baada ya Ligi ya Mabingwa wa Mikoa wanawake (Women LiGi2), kumalizika kwa msimu husika zitakuwa zimepanda Daraja kuingia Ligi Daraja la Kwanza Wanawake (Women LiGi2), kwa msimu unaofuata.
- (3) Timu zote nyingine zitakazokosa nafasi ya kupanda Daraja la Kwanza (WLGi1), kwa mujibu wa kanuni hizi, zitarejea kucheza Ligi katika Mikoa yao husika kwa Msamu unaofuata.
- (4) Timu shiriki za (Women LiGi2), ni lazima ziwe zimetimiza masharti ya msingi kwa mujibu wa Kanuni hizi na Muongozo ili ziwezi kuthibitishwa kushiriki.
- 4.1 Kilabu husika kuwa na Cheti cha Usajili wa kudumu kilichotolewa na Msajili wa Vilabu na Vyama vya michezo nchini kwa mujibu wa Sheria ya Baraza la Michezo la taifa.
- 4.2 Kilabu kuwa Bingwa wa Mkoa wake husika kwa msimu husika na kuthibitishwa na FA (M) husika. Katika Mazinigra ya Kilabu Bingwa wa Mkoa husika kushindwa kushiriki, mazingatio ya Kanuni ni lazima katika uteuzi wa Kilabu kilicho katika nafasi stahili ya kushiriki kikanuni.

- 4.3 Kilabu Shiriki Kuthibitisha Ushiriki wake (kwa wakati) na Kuwasilisha Majina ya Usajili wa Wachezaji wake (kwa wakati) waliosajiliwa na kuthibitishwa na FA (M) wake husika kwa Uthibitisho wa TFF.
- 4.4 FA(M) kuwasilisha Taarifa ya Ligi yake ya Mkoa ya Wanawake (Women Regional LiGi), ikionyesha mwenendo na vipindi mpaka kupatikana Bingwa wa Mkoa wake ikiambatanisha Ratiba ya Ligi hiyo.
- 4.5 Kukidhi Masharti ya Kikanuni ya Usajili wa Wachezaji kwa mujibu wa SURA ya XII, XIII na XIV ya kanuni hizi.

(5) Ada ya ushiriki wa Ligi ya Mabingwa wa Mikoa wanawake (Women LiGi2), itakuwa shilingi Laki Moja (100,000/-) ambazo zitalipwa katika kipindi cha uthibitisho wa ushiriki.

#### **Kanuni : 9      Ligi ya Wanawake Mkoa (Women Regional LiGi)**

- (1) Kutakua na Ligi za Mikoa za Wanawake ambapo kila Mkoa Utaandaa Mfumo jinsi Ligi kwa Mkoa husika itakavyochezwa kwa Mazingatio ya Idadi ya Timu Shiriki, Jiografia ya Mkoa husika au/na sababu nyingine yoyote ya msingi kwa lengo la kurahisisha kwa kufanikisha Ligi husika.
- (2) Bingwa wa Ligi ya Mkoa atafuzu kushiriki Ligi ya mabingwa wa Mikoa Wanawake (Women LiGi2), kwa Msimu husika.
- (3) Ligi ya Mkoa ya wanawake itakuwa ndio Shindano la Ngazi ya Awali kwa Ligi za Wanawake kwa kila Msimu ambapo zitachezwa kwa mujibu wa Muongozo wa Ligi za wanawake kwa kila Msimu.
- (4) Wachezaji waliosajiliwa na timu zao kwa Ligi ya Ligi Mkoa wanawake watatumia usajili huohuo uliothibitishwa na Mikoa yao husika kwa ajili ya Ligi ya Mabingwa wa Mikoa Wanawake (Women LiGi2), baada ya kuthibitishwa na TFF.
- (5) Timu shiriki za Ligi ya Mabingwa wa Mikoa Wanawake (Women LiGi2), zinaweza kuongeza idadi yoyote ya wachezaji kutoka wachezaji waliosajiliwa na timu nyingine za Ligi ya Wanawake ya Mkoa (waliyoshiriki) wake husika kwa msimu husika katika kuomba Uthibitishi wa Usajili wa Wachezaji kwa TFF kwa msimu husika.

#### **Kanuni : 10      Mshindi**

- (1) Katika mchezo wowote wa Ligi Kuu ya Wanawake (TWPL) mshindi itakuwa timu iliyofunga goli/magoli mengi zaidi ya timu pinzani ambapo itapata pointi 3 (tatu) na endapo timu zitatoka sare zitapata pointi moja kila moja na timu itakayoshindwa itakosa pointi.
- (2) Mshindi katika Ligi Kuu ya Wanawake ni timu iliyopata pointi nyingi zaidi ya timu zote zilizoshiriki katika Ligi Kuu ya Wanawake kwa msimu husika.
- (3) Endapo timu zitalingana pointi mshindi itakuwa timu iliyopata pointi nyingi zaidi ya timu zote zilizoshiriki katika Ligi Kuu ya Wanawake kwa msimu husika.
- (4) Endapo timu zitalingana pointi na tofauti ya magoli ya kufunga na kufungwa mshindi itakuwa timu iliyofunga magoli mengi zaidi ya nyingine.
- (5) Endapo timu zitalingana kwa pointi, tofauti ya magoli ya kufunga na kufungwa na magoli ya kufunga, mshindi itakuwa timu iliyopata pointi nyingi zaidi ya nyingine.

- (6) Endapo timu zitalingana kwa pointi, tofauti ya magoli ya kufunga na kufungwa, magoli ya kufunga na wastani bora katika matokeo ya michezo iliyokutanisha timu hizo, mshindi ni timu iliyofunga magoli mengi ya ugenini katika msimu huo.
- (7) Endapo timu zitalingana kwa pointi, tofauti ya magoli ya kufunga na kufungwa, magoli ya kufunga na wastani bora katika matokeo ya michezo iliyokutanisha timu hizo na kwa timu iliyofunga magoli mengi ya ugenini katika msimu husika, Mshindi itakuwa timu iliyo na wastani Bora wa alama kwenye mlinganisho wa Hatua za Kinidhamu (kwa Shindano husika) dhidi ya timu husika kwa msimu husika kwa hatua ya Ligi inayotafutiwa Mshindi.
- (8) Endapo hatua zote za kanuni 10:3,4,5,6,7 hazitoi mshindi, timu hizo zitacheza mchezo mmoja katika uwanja utakaochaguliwa na TFF, na taratibu zote za kupata mshindi zitafuatwa kama inavyosomeka kwenye Kanuni 10:9.
- (9) Endapo timu zitapata matokeo yasiyotoa mshindi wa jumla kwa mechii zote mbili (nyumbani na ugenini) zilizo na mahitaji ya matokeo ya mshindi kwa mlinganisho (aggregate), au katika mchezo ulio na mahitaji maalum ya kupatikana mshindi, mshindi atapatikana moja kwa moja kwa njia ya mapigo ya penalti baada ya dakika tisini za mchezo kumalizika au dakika tisini za mchezo wa marudiano kumalizika kutegemea aina au/na mahitaji kwa mchezo husika.
- (10) Timu itakayomaliza ikiwa mshindi wa kwanza wa Ligi Kuu ya Wanawake itakuwa ndio Klabu Bingwa Ligi Kuu ya Wanawake Tanzania Bara.
- (11) Klabu Bingwa ya Ligi Kuu ya Wanawake itawakilisha Tanzania Bara katika mashindano ya CECAFA ya Klabu Bingwa ya Afrika Mashariki na Kati.
- (12) Klabu Bingwa ya Ligi Kuu ya Wanawake itaiwakilisha Tanzania Bara katika mashindano ya CAF ya Ligi ya Mabingwa Afrika Wanawake (Women's CAF Champions League)
- (13) Uteuzi wa Uwakilishi wowote wa Mashindano yoyote ambaa msingi wake unatokana na Ligi Kuu ya Wanawake utafuata ubora wa nafasi ya timu husika katika msimamo wa Ligi Kuu. Timu yoyote itakayochaguliwa kucheza mashindano yatakayoandaliwa ama kuidhinishwa na TFF kutokana na nafasi yao katika Ligi Kuu ya Wanawake itawajibika kucheza.
- (14) Katika Hatua yoyote ya mchezo wa Women League inayolazimisha kupatikana Mshindi (knock out), Mshindi itakuwa ni timu iliyo na wastani Bora Zaidi wa matokeo baina ya timu zinazoshindana na endapo matokeo ya mchezo baina yao hayajabainisha Mshindi, utaratibu wa penati utatumika kupata mshindi.
- (15) Kwa Michezo iliyo katika mfumo wa michezo ya nyumbani na ugenini, sheria ya penati zitatumika kumpata mshindi baada ya matokeo ya mchezo wa marudiano kwa timu husika kuyafanya matokeo ya jumla kuwa sare baada ya sheria ya goli la ugenini kushindwa kubainisha mshindi.
- (16) Katika Mazingira ya Mfumo wa Shindano la Women League kuwa na Mchezo wa Fainali, zitaongezwa dakika thelethini (30) baada ya dakika tisini endapo mshindi hatakuwa amepatikana na pia utaratibu wa penati utatumika endapo pia baada ya muda nyongeza (Extra Time) kushindwa pia kutoa Mshindi.

- (1) Uwanja wowote kwa michezo ya Ligi Kuu ya Wanawake ni lazima uthibitishwe na TFF. Klabu itachagua na kutambulisha uwanja wake wa nyumbani na kuitaarifu TFF katika kipindi cha Uthibitisho wa ushiriki Ligi Kuu ya Wanawake.
- (2) Katika mazingira maalum timu inaweza kucheza mchezo wake wa nyumbani katika uwanja mwingine endapo kuna sababu nzito na za msingi, utambulisho wa uwanja katika mazingira haya pia unawajibika kufanywa katika kipindi cha uthibitisho wa kushiriki ligi au kwa maombi maalum kwa TFF angalau siku 7 (saba) kabla ya tarehe ya mchezo husika.
- (3) Katika kutambulisha uwanja wake wa nyumbani, klabu inawajibika kuhakikisha kuwa uwanja huo unakidhi vigezo vyote na masharti kama vilivyoainishwa kwenye kanuni za leseni za klabu.
- (4) Endapo timu yoyote haina uwanja wa nyumbani unaofaa kwa mchezo wa Ligi Kuu inaweza kuchagua uwanja mwingine katika mji au mkoa jirani na mkoa wa timu husika ndani ya Tanzania Bara ulio na sifa zinazokubalika na uthibitishwe au kuidhinishwa na TFF. Baada ya uteuzi wa uwanja timu haitaruhusiwa kubadilisha uwanja huo kinyume na sababu za kikanuni.
- (5) Kutokana na sababu za kiusalama, uwanja kutofikika, Kushindwa kukidhi vigezo vya Leseni za Kilabu au sababu nyingine yoyote ya msingi, TFF kwa kushauriana na timu mwenyeji inaweza kuhamishia mchezo husika katika uwanja wa mji au mkoa jirani unaokidhi haja hiyo.
- (6) TFF ina mamlaka ya mwisho ya kuhamishia mchezo katika uwanja mwingine au kubadilisha kituo cha mchezo kwa sababu inazooma zinafaa kwa mchezo na wakati husika.
- (7) Timu ya Ligi Kuu ya Wanawake inaweza kuteua viwanja vingine miongoni mwa viwanja visivyokuwa na michezo ya Ligi Kuu kwa michezo yake miwili tu ya nyumbani na kuwasilisha Uteuzi wake huo siku ishirini na moja (21) kabla ya mchezo husika inayokusudia kucheza kwenye uwanja wa uteuzi. Masharti ya uwasilishaji yatazingatia pia kanuni ya 11:3 ya Kanuni hizi. Uwanja ukishapitishwa hautabertilishwa isipokuwa kwa mazingatio ya Kanuni ya 11:6
- (8) Uwanja wa michezo ya Ligi ya Ligi Kuu ya Wanawake utakaofunguliwa baada ya kuwa umefungiwa na Kamati ya Leseni za Klabu, hautaruhusiwa kupangiwa mchezo na TFF mpaka kitakapokamilika kipindi cha siku 14 za uangalizi, maandalizi na kukidhi haja ya matumizi ya uwanja huo.

Timu ya Ligi Kuu ya Wanawake itashiriki Mashindano ya Kimataifa ya CAF/Shirikisho jingine la Mpira la Kimataifa endapo itafanikiwa kuwa Bingwa wa Ligi Kuu ya Wanawake. Ushiriki mwingine wowote kwa Mashindano ya Kimataifa ya CAF utatokana na timu za Ligi Kuu kwa Mazingatio ya nafasi ya kuwa katika Nafasi Bora zaidi ya timu nyingine kwa mujibu wa kanuni hizi.

1. Timu inayoshiriki mashindano ya kimataifa inawajibika kufuata na kuheshimu ratiba ya michezo ya Ligi Kuu ya Wanawake kama ilivyotolewa na Shirikisho la Mpira wa Miguu Tanzania (TFF).

- (1) Timu Bingwa wa Ligi Kuu ya Wanawake itakabidhiwa kikombe cha ubingwa wa Ligi Kuu ya Wanawake ambapo TFF itapanga utaratibu wa sherehe.
- (2) Endapo timu itachukua ubingwa kabla ya ligi kumalizika itapata heshima kutoka kwa timu pinzani kwa kila mchezo uliosalia wa Ligi Kuu ya Wanawake itakaocheza kwa kujipanga kusalmiana kwa pongezi (guard of honour) kabla ya ukaguzi wa kuanza mchezo.
- (3) Klabu Bingwa wa Ligi Kuu ya Wanawake itahodhi kikombe cha ubingwa ilichokabidhiwa mpaka itakapotakiwa na TFF kukirejesha. Endapo Klabu Bingwa itatakiwa kurejesha kikombe itapewa kikombe kingine kinachofanana (replica) badala yake.
- (4) Medali, tuzo na kikombe kingine chochote kinachotolewa kama zawadi kwenye Ligi Kuu ya Wanawake hakitarejeshwa, kitakuwa cha kudumu kwa aliyetunukiwa.
- (5) Wachezaji, Kocha Mkuu na Maafisa wa Benchi la Ufundi wa Klabu Bingwa ya Ligi Kuu ya Wanawake watapewa Medali za Ubingwa wa Ligi Kuu ya Wanawake. Wahusika wengine watatunukiwa Tuzo/medali zao kwa Utaratibu utakaowekwa.
- (6) Rais wa TFF ndiye atakayetoa Medali, Kombe na zawadi nyinginezo kwa Timu Bingwa na wahusika wengine. Endapo kutakuwa na Mgeni Rasmi aliyealikwa, Rais wa TFF atamshirikisha ipasavyo Mgeni Rasmi husika na wageni wengineo katika zoezi la Utoaji zawadi mbalimbali kwa wahusika.
- (7) TFF itaweka miongozo, sifa na vigezo vyta ushindi (vitakavyosomeka pamoja na kanuni hizi) kwa wahusika/makundi maalum yatakayoshinda kwa kupewa tuzo za Women League. Washindi wa Tuzo mbalimbali za Women League watapatikana kutokana na kupata alama zaidi ya washindani wao kwa mujibu wa sifa na vigezo vilivyowekwa.
- (8) Hairuhusiwi kwa Timu, Kiongozi, Kocha, Mwamuzi, Mchezaji na Ofisa mwengine ye yeyote wa timu ya Women League kushiriki au kuchukua kikombe au tuzo yoyote kuhusiana na Women League au ushiriki wake kwenye Women League kutoka kwa mamlaka nyingine yoyote bila idhini ya TFF au kukaidi miongozo kuhusiana na Tuzo kwa Women League. Ukiukwaji wa sharti hili utavutia adhabu ya faini au kifungo au vyote kwa pamoja kwa mhusika.
- (9) Muhusika yoyote aliyeteuliwa katika Orodha ya wanaowania Tuzo za Women League anawajibika kufuata maelekezo ya TFF kwa ajili ya Tuzo za Women League ikiwemo ulazima wa kuhudhuria Sherehe za Tuzo. Mteule yoyote kuwania Tuzo atakayeshindwa kufuata Utaratibu, maelekezo na/au Kutohudhuria Sherehe za Tuzo bila ridhaa ya TFF attachukuliwa hatua za kinidhamu ikiwemo faini, kufungiwa michezo au kipindi Fulani Pamoja na kupoteza nafasi ya kuwa Mshindi na nafasi yake kuchukuliwa na mshindani anayemfuatia kutokana na vigezo.
- (10) TFF inaweza kutayarisha na kusimamia utaratibu wa kupatikana kwa mchezaji Bora wa mchezo kwa kila mchezo wa Women League

# **SURA: IV**

**UTAWALA**

- (1) Ligi Kuu ya Wanawake itasimamiwa na kuendeshwa na TFF kwa mujibu wa kanuni hizi. TFF katika uendeshaji wa Ligi Kuu ya Wanawake itawajibika kushirikiana na vyombo vingine vya TFF katika masuala yaliyo katika mamlaka ya vyombo hivyo.
- (2) TFF inaweza kushughulikia/kufanya uchunguzi na kufanya uamuzi kwa mujibu wa Kanuni hizi, au Kanuni nyingine za adhabu za TFF, CAF na FIFA jambo lolote lisilo la kawaida, la hatari, la kimaadili, la kinidhamu, la kibaguzi au lisilo la kiuanamichezo lililotokea katika mchezo wa Ligi Kuu ya Wanawake au katika mwenendo wa shughuli za Ligi Kuu ya Wanawake.
- (3) TFF inaweza kusimamisha kwa kipindi maalum au muda usiojulikana matumizi ya Kituo cha Ligi Kuu ya Wanawake au uwanja wowote kwa michezo ya Ligi Kuu ya Wanawake endapo itabainika katika kituo/uwanja huo kukithiri vitendo vya fujo na vurugu au kuthibitika kwa mazingira ya kutopatikana haki kwa timu yoyote na/au maofisa wa mchezo.
- (4) Kamati ya Soka la Wanawake ya TFF itahusika na Uendeshaji na Usimamizi wa Mashindano yote ya Wanawake ya TFF katika mwenendo wa michezo na matukio na usimamizi wa Kanuni.
- (5) Kamati ya Soka la Wanawake itakutana katika hali ya kawaida kwa ratiba ya vikao itakayoratibiwa na Sekretarieti ya TFF kwa kushirikiana na Mwenyekiti wa Kamati. Aidha Kamati itakutana kwa dharura ndani ya saa 72 (sabini na mbili) wakati wowote linapojitokeza jambo la dharura au la kushughulikiwa kwa haraka kuhusiana na uendeshaji na usimamizi wa Mashindano ya Wanawake.
- (6) Kamati ya Soka la Wanawake inaweza kufuta adhabu ya kadi yoyote iliyotolewa uwanjani na mwamuzi, na kuondoa adhabu inayoambatana na kadi hiyo endapo inathibitika bila mashaka kuwa mtuhumiwa hakustahili kadi hiyo.
- (7) Kamati ya Soka la Wanawake ya TFF itachukua hatua moja kwa moja kwa vitendo vyovyote vya uvunjifu wa Kanuni vilivyo na ushahidi usio na mashaka vilivyotokea katika michezo ya Mashindano ya Wanawake au kuhusiana moja kwa moja na mchezo ya Mashindano ya Wanawake bila ya kujali mahitaji ya kupelekwa kwenye vyombo vingine vya TFF.
- (8) Makamishna kwenye michezo ya Mashindano ya Wanawake wataandaliwa na kupangwa na Idara ya Mashindano ya TFF kutokana na mchakato na Utaratibu utakaotolewa na TFF. Katika Mazingira Maalum, TFF inaweza kuteua Kamishna wa mchezo wowote wa Mashindano ya Wanawake itavyoona inafaa.
- (9) Katika Mazingira maalum ya Majanga kiasi cha kusababisha Shindano lolote la Wanawake kushindwa kuendelea kwa muda unaoathiri Kalenda ya msimu katika hali ya kutorekebishika wakati ikiwa imekwishachezwa michezo zaidi ya nusu kwa msimu husika, TFF itathibitisha Msimamo wa shindano hilo kwa wakati husika kuwa ndio Msimamo wa Mwisho na Utatumika kama Msimamo rasmi utakaotambulika kwa timu kutumikia hali ya nafasi zilipo kwenye Msimamo. Katika Mazingira ya Hali ya majanga wakati Shindano lolote la Wanawake likiwa bado halijfikia nusu ya michezo yake kwa msimu husika, TFF itafuta Shindano hilo kwa msimu husika na Hali itasalia kama ilivyomalizika Msimu uliotangulia

## Kanuni : 15 Leseni ya Klabu

- (1) Klabu za Ligi Kuu ya Wanawake zinawajibika na kutakiwa kuwasilisha maombi ya kupatiwa Leseni ya Klabu kwa TFF katika muda utakaotangazwa na Kamati ya Utendaji na kuhakikisha zinakidhi masharti na vigezo vyote vya msingi kupatiwa leseni ili kushiriki Ligi Kuu ya Wanawake. Klabu itakayoshindwa kukidhi kiasi cha kukosa Leseni haitashiriki Ligi Kuu ya Wanawake kwa msimu husika. Kilabu za Mashindano mengine ya wanawake zinaweza kutakiwa pia kuomba Leseni ya Kilabu kwa utaratibu zitakaopewa na TFF.
- (2) Klabu ya Ligi Kuu ya Wanawake iliyopata nafasi ya Kushiriki Mashindano Kimataifa, Itawajibika kukidhi Masharti ya Leseni ya Klabu (Club Licencing) kwa kiwango cha Masharti hayo Kimataifa ili iweze kuwa na Sifa za Kushiriki Mashindano husika. Kushindwa kutimiza masharti husika ipasavyo kutapelekea Klabu husika kupoteza nafasi yake ya Ushiriki kwa Msimu husika.
- (3) Timu itawajibika kutoa taarifa ya maandishi kwa TFF endapo haitashiriki kwenye Shindano lolote la wanawake inalohusika katika msimu husika kwenye kipindi cha Maombi ya Leseni ya Klabu.
- (4) Klabu itawajibika kutoa taarifa zake nyingine muhimu kwa TFF baada ya kupatiwa Leseni ya kushiriki Ligshindano la TFF la wanawake. Mabadiliko yoyote ya taarifa zinazotolewa na klubu yataarifiwe kwa TFF wakati wowote wa mabadiliko hayo

## Kanuni : 16 Msimu na Ratiba

- (1) Kamati ya Utendaji TFF itatangaza kuanza na kumalizika Msimu wa Mashindano ya Wanawake ya TFF.
- (2) Timu zinawajibika kufuata utaalamu wa kiufundi katika kuzingatia matumizi sahihi ya vipindi vya mapumziko katika msimu (off season), kipindi cha matayarisho (preseason) na kipindi cha kucheza Ligi.
- (3) Ratiba kwa Mashindano mbalimbali ya Wanawake zitapangwa na TFF na zitatolewa kwa kila shindani angalau wiki nne (4) kabla ya shindano kuanza. Ratiba ikishatolewa haitabadilishwa isipokuwa kwa dharura kubwa au sababu nzito na za msingi.

## Kanuni : 17 Udhamini

- (1) TFF itatoa maelekezo na mwongozo kuhusu masharti na makubaliano ya msingi kimkataba na Mdhamsini ambapo Klabu, timu, wachezaji na wadau wengine watawajibika kuheshimu na kutekeleza.
  - 1.1 Nembo ya Mdhamsini Mkuu wa Shindano lolote la Wanawake itawekwa kwa rangi zake halisi katika mkono wa kulia kwenye sare za timu za kuchezea, na timu zitalazimika kufanya hivyo kwa michezo yake yote.
  - 1.2 Timu zinazoshiriki Mashindano ya Wanawake ya TFF na waamuzi Wanatakiwa wahakikishe wanavaa vifaa vilivyotolewa na Mdhamsini kwa shindano husika (endapo vimetolewa) katika michezo yote wanayoshiriki.

- 1.3 Timu zitalazimika kuweka nembo ya mdhamini kwenye vifaa vyake vya kuchezza kama inavyoelekezwa na Kanuni hizi au kwa Maelekezo Maalum ya TFF.
  - 1.4 Hairuhusiwi kuweka matangazo ya kampuni ambayo ina ushindani wa moja kwa moja wa kibashara na Mdhamsini wa Shindano lolote husika la Wanawake.
  - 1.5 Matangazo au mabango ya mdhamini/wadhamini wa Klabu yasiyozidi kumi (katika vipimo vya 600cm x 100cm kwa kila bango) yatawekwa katika mchezo wa klubu husika kwenye uwanja wake wa nyumbani tu akiwa ni timu mwenyeji. Klabu ngeni italazimika kuwa na makubaliano maalum na timu mwenyeji wake wa mchezo endapo itahitaji kuweka matangazo ya mdhamini/wadhamini wake binafsi uwanjani katika mechili yake ya ugenini.
  - 1.6 Matangazo yasiyokuwa ya wadhamini wa shindano husika la Wanawake au klubu au yasiyoidhinishwa na TFF hayatoruhusiwa kwenye maeneo ya uwanja wakati wa michezo na shughuli zinazohusiana na shindano husika la Wanawake.
  - 1.7 Klabu inawajibika kuheshimu masharti ya udhamini wa shindano lolote la Wanawake kimkataba kwenye michezo yake kama inavyoelekezwa na TFF, timu itakayokiuka itatozwa faini ya shilingi milioni tatu (3,000,000/-) kwa kila mchezo itakaokiuka na inaweza kuchukuliwa hatua zaidi ikiwemo kushushwa daraja na/au kufungiwa.
  - 1.8 Klabu itakayofanya jambo lolote (ambalo halihusiani na mchezo wake) la kukiuka masharti ya mikataba ya wadhamini kama ilivyoelekezwa na TFF itatozwa faini ya shilingi milioni tatu (3,000,000/-) na endapo itakaidi zaidi inaweza kuchukuliwa hatua zaidi ikiwemo kuondolewa kwenye Shindano husika la Wanawake inaloshiriki.
  - 1.9 Mwamuzi anawajibika kuvaas sare zinazotolewa na mdhamini wa Shindano husika la Wanawake (endapo zimetolewa) kwenye michezo atakayoshiriki na kwa makusudio mengine yaliyowekwa.
  - 1.10 Klabu yoyote inayotaka kuingia mkataba na mdhamini binafsi inalazimika kuwasilisha rasimu ya mkataba huo kwa TFF kabla ya kutia saini kuingia mkataba huo, na baada ya kuingia mkataba klubu inawajibika kutambulisha mdhamini wake kwa TFF ikiambatanisha na nakala ya mkataba wa udhamini huo.
  - 1.11 Hairuhusiwi kwa klubu/mchezaji/mwamuzi kufanya mawasiliano ya moja kwa moja na mdhamini wa Ligi bila ruhusa ya TFF kuhusu masuala yanayohusu mkataba wa udhamini, yeoyote atakayekiuka atafungiwa kipindi kati ya miezi mitatu na kumi na mbili au faini ya shilingi laki tano (500,000/-)
- (2) Klabu za Mashindano ya Wanawake zitakuwa na haki ya kulipwa stahili zao zote zinazotokana na udhamini wa ligi kama ilivyokubalika bila kukosa na kuchelewa zikiwemo zawadi na tuzo kwa wanaostahili.

- (3) Shindano lolote la Wanawake la TFF linaweza kubadilishwa jina na kutajwa kwa jina la Mdhamsini Mkuu/Mdhamsini wa Jina la Shindano husika katika kukidhi masharti ya mkataba wa udhamini.
- (4) Haki zote za Matangazo ya Televisheni na Redio (Tv & Radio Rights), za habari za machapisho (print) na za habari za kielektroniki (electronic) kuhusiana na Mashindano ya Wanawake ni mali ya TFF.
- (5) Haki zote za matangazo kwenye viwanja inapochezwa michezo ya Shindano lolote la Wanawake ni mali ya TFF. TFF itaweka mazingatio kwa matangazo ya Wadhamini wa Shindano husika na Wadhamini binafsi wa klabu za Mashindano ya Wanawake waliotambuliwa na TFF.
- (6) Hairuhusiwi kwenye Uwanja wowote unaochezwa mchezo wa shindano lolote la Wanawake kuwekwa matangazo ya aina yoyote wakati wa mchezo bila kibali cha TFF. Timu mwenyeji itawajibika na ukiukwaji wowote wa sharti hili na kuvutia adhabu dhidi yake.
- (7) Klabu za Ligi Kuu ya Wanawake zinawajibika/zinatakiwa kuwa na mdhamini/wadhamini binafsi kwa mazingatio ya Kanuni ya 17:1(1.11) ili kukidhi gharama za uendeshaji wa timu na maendeleo ya klabu kwa ujumla.

# **SURA : V MCHEZO**

- (1) Michezo yote ya Ligi Kuu ya Wanawake itachezwa kwa kufuata sheria kumi na saba za mpira wa miguu za FIFA (*17 Laws of the Game*).
- (2) Kutakuwa na mukutano wa kitaalamu wa Maandalizi na Uratibu wa mchezo (MCM) utakaofanyika kabla ya mchezo, saa 4:00 (nne) asubuhi siku ya mchezo. Kwa sababu maalum, mukutano huu unaweza kupangiwa muda, siku na mahali pengine kama itakavyopendekezwa na FA(M) na kuidhinishwa na Kamishna wa mchezo au GC wa mchezo (kama ameteuliwa).
  - 2.1 Wanaotakiwa kuhudhuria kikao cha MCM ni:
    - 2.1.1 Wawakilishi wa Timu kwa mchezo husika (*HoD, Meneja, Daktari, Afisa Vifaa, Afisa Usalama*)
    - 2.1.2 Kamishina wa Mchezo (*atakuwa Mwenyekiti wa Kikao*)
    - 2.1.3 Mratibu wa mchezo (GC)
    - 2.1.4 Waamuzi wa mchezo  
(*wanaweza wasiwepo endapo kuna Mtathimini wa waamuzi*)
    - 2.1.5 Mamlaka ya Uwanja
    - 2.1.6 Msimamizi wa Vijana wa Mipira (ballkids)
    - 2.1.7 Huduma ya Kwanza
    - 2.1.8 Afisa Usalama wa TFF/Kituo
    - 2.1.9 Mamlaka ya Polisi ya Eneo husika
    - 2.1.10 Mamlaka ya Zimamoto
    - 2.1.11 Daktari wa Mchezo
  - 2.2 Timu inawajibika kufika kwenye kikao cha kitaalamu cha maandalizi ya mchezo bila kukosa kwa wakati ikiwakilishwa na viongozi walijotajwa (kanuni 18:2(2.1) wakiwa kamili na vifaa tajwa (kanuni 18.2(2.3) kwa idadi na nafasi na si mwengine yeyote asiyetajwa.
  - 2.3 Kila timu inatakiwa kufika na vifaa vyake, jezi, bukta na soksi watakavyotumia kwa mchezo husika kwa mpangilio ufuatao:
    - 2.3.1 Sare ya Vifaa kwa Wachezaji wa Ndani (Field players)
    - 2.3.2 Sare ya Vifaa kwa Walinda Mlango (Goalkeepers)
    - 2.3.3 Timu Ngeni ifike na Sare za Nyumbani na Ugenini/ya ziada
    - 2.3.4 Sare ya Vifaa vya Mazoezi mchezoni (warming Up kit)
    - 2.3.5 Kitambaa cha Alama ya Nahodha (Captain ArmBand)
    - 2.3.6 Sare ya Maofisa wa Benchi la Ufundji (Technical Officials)
    - 2.3.7 Msimamizi ahusike na Sare za Vijana wa mipira (BallKids)
  - 2.4 Ni sare zilizoamuliwa kwenye MCM tu kwa wachezaji na viongozi ndizo zitazoruhusiwa kuvaliwa wakati wa mchezo.
  - 2.5 Kila jezi inatakiwa kuwa na namba kubwa zinazosomeka vizuri zilizo kati ya namba 1 (moja) hadi 70 (sabini).
  - 2.6 Endapo rangi katika sare za timu mbili zitafanana, timu ngeni italazimika kubadili sare yake na endapo moja ya timu sare zake zitafanana na sare za waamuzi, waamuzi watalazimika kubadili. Taratibu za mabadiliko lazima zijulikane kwenye kikao cha MCM.
  - 2.7 Sare ya mlinda mlango isifanane rangi na sare (*jezi*) za wachezaji wa ndani na mlinda mlango wa timu pinzani.
  - 2.8 Kikao cha maandalizi ya mchezo (MCM) kinaweza kufanyika kwa njia ya mtandao kwa mazingatio ya Kanuni 17:2.

- 2.9 Timu mwenyeji kwa kushirikiana na Msimamizi wa Kituo ina jukumu la kuandaa ukumbi kwa ajili ya Kikao cha Maandalizi ya Mchezo (MCM) wenyewe sifa na vigezo kama itakavyoelekezwa na TFF
- (3) Endapo kutatokea kufanana sare za timu wakati wa ukaguzi kabla ya mchezo kuanza, timu ambayo haikufika kwenye kikao cha MCM itawajibika kubadili sare zake.
  - (4) Kamishna atahakikisha timu zinatumia sare kwa mujibu wa rangi za nyumbani, ugenini na ziada kama zilivoandikishwa na klabu kwa TFF.
  - (5) Timu zitaheshimu uchaguzi wao wa rangi za sare zao kwa michezo ya nyumbani na ugenini/ya ziada (*katika mazingira ya mgongano wa rangi*), na endapo itatokea timu ya nyumbani kukosa uzingativu wa kuwasilisha rangi sahihi kwa sare zake kwa mechili za nyumbani katika kikao kitangulizi cha MCM timu ngeni itakuwa na haki ya kwanza ya kuchagua rangi ya sare katika mchezo husika.
  - (6) Timu zinazocheza mchezo husika zinatakiwa kuwasilisha kwa Kamishina/Mratibu (GC) wa mchezo Orodha ya Viongozi wasiozidi nane (8) na wasiopungua watano (5) na Wachezaji wasiozidi ishirini (20) kwa mchezo husika masaa mawili kabla ya muda wa kuanza mchezo (kickoff). kwa kutumia fomu maalum ilijojazwa kwa unadhifu na ukamilifu ikiwa imesainiwa na kila mmoja.
  - (7) Kila klabu ya Ligi Kuu ya Wanawke ina wajibu wa kuhakikisha linakuwepo Gari la wagonjwa (*ambulance*) na vijana waokota mipira (*ball kids*) uwanjani katika kila mchezo wake wa nyumbani timu yake inapocheza. Iwapo huduma hizo hazitakuwepo, Kamishna atazuia mchezo kuchezwa, na timu mwenyeji itapoteza mchezo huo.
  - (8) Kocha Mkuu na Viongozi wa Benchi la Ufundu wanawajibika kuvalaa sare maalum za timu yao kwa Benchi la Ufundu. Endapo Kocha Mkuu atahitaji kuvalaa mavazi tofauti, anawajibika kuwa katika Mavazi Rasmi ambayo ni ya Heshima na Nadhif. Uvaaji wa Kaptula ya aina yoyote hauruhusiwa kwa Kocha Mkuu. Ukiukwaji wowote utavutia adhabu kwa muhusika na/au kwa timu husika.
  - (9) Mchezaji anayeruhusiwa kuchenza ni yule tu aliye kwenye orodha ya timu iliyowasilishwa kwa Kamishna na kukaguliwa kabla ya kuanza mechili. Mchezaji ambaye hakukaguliwa atahesabika kuwa batili (*nonqualified*).
  - (10) Michezo yote ya ligi itachezwa kwa vipindi viwili vya jumla ya dakika 90 (tisini) kila kipindi kikiwa na dakika 45 (arobaini na tano) na mapumziko ya dakika zisizopungua 5 (tano) na zisizozidi 15 (kumi na tano) kati ya vipindi hivyo. Mwamuzi wa mchezo ndio mtunza muda.
  - (11) Mchezaji atakayevaa jezi isiyokuwa na nambari mgongoni ama itakayobandikwa kwa plasta au katika utaratibu wowote ule usiokubalika hataruhusiwa kuchenza.
  - (12) Manahodha wa timu zinazoshindana wanatakiwa kuvalaa vitambulisho (*arm-band*) vya rangi tofauti na jezi zao kwenye mikono ya jezi zao.
  - (13) Kila mchezaji ni lazima avae kilinda ugoko (*shinguard*) kwenye miguu yote miwili, mchezaji asiyevaa hataruhusiwa kuchenza mpaka avae.
  - (14) Wachezaji/viongozi wa kiufundi hawaruhusiwa kushangilia goli kwa kufanya ishara yoyote isiyokuwa ya kiuanganichezo au ya kashfa au matusi kwa timu pinzani au watazamaji.

- (15) Timu zinatakiwa kufika uwanjani si chini ya dakika tisini kabla ya muda wa kuanza mchezo.
- (16) Muda wa kuanza mchezo (kickoff) utapangwa katika mazingira ya kawaida na kwa mazingatio maalum ya hali kwa michezo inayoonyeshwa kwenye televisheni, viwanja na sababu nyingine yoyote muhimu. Mabadiliko yoyote ya muda wa kuanza mchezo yatajulishwa ipasavyo kwa pande zote husika za mchezo angalau saa ishirini na nne (24) kabla ya muda wa awali uliopangwa. TFF inaweza kubadili muda wa kuanza mchezo (kickoff) kwa mazingatio maalum katika mazingira ya dharura na/au yaliyo nje ya uwezo wa pande zote kwa maana ya TFF na Klabu husika.
- (17) Ni marufuku kwa viongozi kuingia kiwanjani (pitch) bila sababu za msingi kinyume na taratibu za mchezo kabla, wakati au baada ya mchezo.
- (18) Ni marufuku kwa mashabiki kuingia kiwanjani (pitch) kabla, wakati au baada ya mchezo.
- (19) Timu zinapokaguliwa au kupeana mikono zenyewe na waamuzi zitalazimika kufanya hivyo kwa heshima zote zinazostahili.
- (20) Baada ya kuwasili Uwanjani katika muda rasmi na muda wote kabla ya kuanza kwa mchezo na wakati wa mapumziko, timu zitalazimika kupumzika kwenye vyumba vyao vya kuvalia kwa kutumia milango rasmi kwa ajili hiyo na si vinginevyo.
- (21) Timu yoyote hairuhusiwi kuruka ukuta wa nje ili kuingia uwanjani (*Stadium*) ama kuruka uzio wa ndani unaotenga watazamaji na kiwanja (pitch), ama kupita katika mlango wowote usio rasmi kwa kuingizia timu.
- (22) Wachezaji wote watatambulika kwa kutumia Leseni zao zitakazotolewa na kuidhinishwa na TFF. Mchezaji ye yoyote ambaye hatakuwa na leseni hatoruhusiwa kucheza katika mchezo husika.
- (23) Katika mazingira maalum ya kukosekana Leseni ya mchezaji, TFF inaweza kutoa utambulisho wa dharura/muda ili kukidhi mahitaji ya kikanuni kwa mchezaji kucheza mchezo husika.
- (24) Iwapo itathibitika bila kujali kukatwa au kutokatwa Rufaa, kuitia taarifa za mchezo za Kamishna ama kwa njia yoyote kuwa timu imechezesha mchezaji ambaye usajili wake haujathibitishwa na TFF hivyo kuwa batili kiusajili (*nonqualified*) timu hiyo itapoteza mchezo na ushindi kupewa timu pinzani.
- (25) Iwapo itathibitika bila kujali kukatwa au kutokatwa Rufaa, kuitia taarifa za mchezo za Kamishna ama kwa njia yoyote kuwa timu imechezesha mchezaji ambaye hajaorodheshwa kwenye fomu maalum ya Orodha ya wachezaji na viongozi kama mchezaji wa siku hiyo kwa mchezo husika na hivyo kushindwa kuitia mchakato wa ukaguzi wa wachezaji kabla ya mchezo timu hiyo itapoteza mchezo na ushindi kupewa timu pinzani.
- (26) Wanaoruhusiwa kukaa kwenye benchi la ufundi wakati wa mchezo ni wachezaji tisa (9) wa akiba na viongozi nane (8) ambao ni Mwalimu Mkuu (*head coach*) Walimu Wasaidizi (*assistant coaches*) wasiozidi watatu, Daktari, Mtaalamu wa tiba ya viungo, Meneja wa Timu na Afisa Vifaa wa Timu.
- (27) Endapo timu iliyokiuka maelekezo ya Kanuni (18:26) itakataa kutii maelekezo ya mwamuzi ya kuwaondoa wasiohusika kwenye benchi la ufundi, mwamuzi anaweza kuomba msaada kwa GC/Kamishna/Msimamizi.

- (28) Mwamuzi ataanzisha mchezo iwapo tu kama kuna mipira isiyopungua mitatu (3) yenye sifa zinazokubalika kisheria. Msimamizi wa Kituo/FA(M) watapeleka uwanjani mipira hiyo.
- (29) Ni marufuku kwa timu yoyote kukataa kuchezea mpira wowote uliochaguliwa na mwamuzi. Endapo timu yoyote itakataa kuchezea mpira wowote uliochaguliwa na mwamuzi na kusababisha mchezo kuvunjika, au kucheleta kuanza na kusababisha kuvunjika kwa sababu ya giza, timu hiyo itapoteza mchezo huo na kutozwa faini na timu pinzani itapata ushindi.
- (30) Mwamuzi ataanzisha mchezo katika mazingira ya kuanza (kick off) au kuendelea na mchezo iwapo kila timu ina wachezaji 11 (kumi na mmoja) uwanjani. Endapo timu yoyote haitimizi wachezaji 11 (kumi na mmoja) mchezo unaweza kuanzishwa ikiwa tu wachezaji wa kila timu hawapungui 7 (saba) mmoja wao akiwa mlinda mlango.
- (31) Endapo timu itakuwa na wachezaji pungufu ya 7 (saba) kabla ya mchezo kuanza au itabakiwa na wachezaji pungufu ya 7 (saba) uwanjani kutokana na wachezaji wake kutoka katika mazingira yasiyoruhusu kuingia mchezaji badala, timu hiyo itakuwa imesababisha mchezo huo kuvunjwa na mwamuzi na hivyo timu pinzani itapewa ushindi na endapo itabainika kuwa hali hiyo imefikia kutokana na udanganyifu au hila yoyote ya kuvuruga mchezo huo, basi hatua zitachukuliwa kwa mujibu wa kanuni katika sura ya 4 (nne) na/au sura ya 6 (sita) ya Kanuni hizi.
- (32) Timu inaruhusiwa kubadilisha wachezaji watano (5) tu katika awamu zisizozidi tatu (3) kwenye mchezo mmoja, wanaoingia badala ambao lazima watokane na orodha ya wachezaji wa akiba wasiozidi tisa (9) waliorodheshwa kwenye fomu ya Orodha ya timu kwa mchezo husika. timu itakayobadilisha zaidi ya wachezaji watano (5) itapoteza mchezo husika na kutozwa faini na timu itakayobadili kinyume na utaratibu wa awamu tatu uliowekwa itatozwa faini. Mabadiliko wakati wa mapumziko hayatahesabika kama awamu.
- (33) Timu itakayobadilisha wachezaji zaidi ya masharti ya idadi ya wachezaji Yaliyoainishwa kwa mujibu wa kanuni 18.32 itapoteza mchezo husika na kutozwa faini na timu itakayobadili kinyume na utaratibu wa awamu tatu uliowekwa itatozwa faini.
- (34) Timu itakayochelwa kuingia uwanjani kuanza mchezo au kucheleta kurejea uwanjani baada ya muda wa mapumziko kumalizika na kushindwa kutii wito wa mwamuzi itatozwa faini.
- (35) Hairuhusiwi kwa wachezaji wa ndani (*field players*) wa timu moja kuvalaa jezi zinazotofautiana kwenye mchezo mmoja.
- (36) TFF inawajibika kufanyia kazi/uchunguzi na kutolea uamuzi tukio lolote la mchezo wa hatari au lisilo la kawaida, la kudhalilisha au la kibaguzi au lililo na mahitaji ya kufanyiwa maamuzi lililotokea wakati wa mchezo au katika shughuli za mchezo wa Women League kutokana na taarifa kutoka vyanzo mbalimbali au taarifa ya mchezo ya Kamishna kwa Mazingatio na/au bila kujali hatua zilizochukuliwa na mwamuzi uwanjani.
- (37) Kwenye kila mchezo wa Women League inawajibika kuwepo kibao maalum cha kubadilishia (substitution board) wachezaji na ubao maalum wa kuonyesha magoli (scoreboard).
- (38) Timu zinaruhusiwa kutumia vyumba vyaa kuvalia (*dressing rooms*) saa 4 (nne) kabla ya mchezo kuanza.
- (39) Mchezo wa Ligi Kuu unaweza kuchezwa kwa kuchezeshwa na waamuzi wasiopungua wanenye, endapo watakuwa pungufu mchezo huo hautachezwa. Katika Mazingira maalum, mchezo wa Ligi Kuu unaweza kuchezeshwa na Waamuzi sita (6), na

kutumika kwa mfumo wowote wa kiteknolojia unaoaminika na uliothibitishwa na TFF.

- (40) Endapo itatokea hali ya uwanja kuharibika kutokana na hali ya hewa au matokeo ya hali ya hewa mbaya ambayo haiwezi kurekebishika kwa muda mfupi mchezo unatakiwa kuahirishwa mapema kabla ya saa sita mchana. Katika mazingira maalum ya dharura mchezo unaweza kuahirishwa kwa sababu zilizo nje ya uwezo wa pande zote zilizothibitishwa na TFF.
- (41) Mwamuzi wa mchezo ndiye pekee mwenye mamlaka ya kuamua kuhusu uwanja wa kuchezea (*pitch*) kama unafaa na kukidhi vigezo kuchezewa katika hali ya kawaida na dharura ya mvua au madhara katika uwanja yaliyosababishwa na mvua au sababu nyingine.
- (42) Hairuhusiwi kwa timu/mchezaji/mwamuzi kuonyesha, kutumia au kuvala tangazo lolote la biashara (*bila kujali kama lina mgongano na wadhamini wa ligi au la*) au lenye madhumuni maalum kwenye michezo ya Ligi Kuu ambalo halitambuliwi na halijaidhinishwa na TFF.
- (43) Mchezo unaweza kuchelewa kuanza (*kick off*) kwa mpaka dakika 30 (*thelathini*) endapo itatokea timu kuchelewa kufika uwanjani au kuna taratibu za msingi za mchezo kuchezwa hazijatimizwa na mojawapo ya timu au kwa sababu nyingine zinazokubalika, baada ya muda huo mchezo utavunjwa. Endapo ni timu imeshindwa kufika itatafsiriwa kushindwa kuchiza mchezo wa Ratiba ya Ligi, na endapo imeshindikana kutatuliwa mapungufu yaliyochelewesha mchezo kuchezwa, timu hiyo itapoteza mchezo husika kwa mazingatio ya Kanuni ya 32.
- (44) Mchezaji akifunga magoli matatu katika mchezo mmoja atazawadiwa mpira mmoja mionganoni mwa mipira iliyochezewa mchezo huo.
- (45) Timu yoyote itakayopewa ushindi katika mchezo wowote wa Ligi Kuu ya Wanawake kutokana na makosa ya kikanuni yaliyofanywa na timu pinzani katika mchezo husika yanayosababisha timu kunyang'anywa ushindi au timu pinzani kupewa ushindi, itatunukiwa pointi tatu (3) na magoli matatu (3).
- (46) Timu ngeni itafanya mazoezi kwenye uwanja wa mechi angalau mara moja kabla ya siku ya mechi katika muda tarajiwa wa mchezo husika. Sababu zozote za kukwamisha timu mgeni kukidhi ipasavyo au kupata haki hii zitathibitishwa kwanza na Kamishna wa mchezo.
- (47) Benchi la wachezaji wa akiba na viongozi zitapangwa kwa kuzingatia timu ya nyumbani kuwa upande wa kushoto na timu ngeni upande wa kulia mwa mwamuzi wa akiba (*4th Official*). Vyumba vyta kubadilishia (*changing rooms*) na sehemu ya kufanya mazoezi mepesi (*warming up*) vitakuwa upande uleule wa mabenchi kwa timu husika.
- (48) Hairuhusiwi kwa Mchezaji, mwamuzi au kiongozi wa timu kuonyesha kwa njia yoyote tangazo au ujumbe unaohusiana na dini yoyote au ulio na madhumuni maalum bila idhini ya TFF.
- (49) Mchezo wowote wa Women League lazima uandaliwe kwa ukamilifu wa huduma muhimu za msingi za mchezo kuchezwa kama usalama, huduma ya kwanza, daktari, gari la wagonjwa, waokota mipira na uwanja (*pitch*) uliotayarishwa kwa kufuata sheria za uwanja wa kuchezea.
- (50) Katika mchezo wowote wa Women League wakati mchezo ukiwa unachezwa hairuhusiwi kufanyika shughuli nyingine yoyote katika uwanja wa kuchezea na eneo la uwanja la ndani ya uzio wa ndani wa uwanja kama vile muziki, ujenzi na

- kuendeshwa kwa vyombo nya moto na visivyo nya moto pamoja na kuonekana kwa silaha za moto au nyinginezo katika meneo hayo.
- (51) Hairuhusiwi kwa viongozi wa klabu, mashabiki na mtu yeote asiyekuwa na kazi maalum kuhusiana na mchezo katika eneo la kiwanja (*pitch*) kuwepo eneo la uwanjani ndani kuzunguka kiwanja cha kuchezza (*pitch*).
- (52) Hairuhusiwi kwenye kiwanja au eneo la ndani linalozunguka kiwanja (*pitch area*) chochote kinachotumika kwa michezo ya Ligi Kuu uwepo wa Matangazo ya Biashara (au mengineyo), Dini, Siasa au yenye madhumuni maalum wakati wa mchezo ambayo hayajaruhusiwa na TFF. Timu mwenyeji itawajibika kwa uvunjifu huu kwenye uwanja wake wa nyumbani katika mchezo wake husika.
- (53) Hairuhusiwi kwa kocha/kiongozi yeote wa timu aliyetolewa mchezoni na mwamuzi kujihuisha/kuendelea na kazi zake kwenye mchezo huo kwa siku hiyo na wakati wote wa adhabu dhidi yake kwa mujibu wa kanuni hizi.
- (54) Mchezo wowote wa Ligi Kuu ya Wanawake/Women League unatakiwa kuanza (kickoff) kati ya saa 8.00 (nane) mchana na saa 4.00 (nne) usiku. Katika Mazingira maalum, mchezo unaweza kupangiwa muda mwingine na TFF kwa Mazingatio ya mashauriano na Kamishna au Msimamizi wa Kituo.
- (55) Mchezo unaweza kusitishwa kwa muda na kisha kuendelea endapo kumetokea jambo lisilo la kawaida au mabadiliko makubwa ya hali ya hewa yanayoweza kuathiri usalama/afya za watu au kuathiri mchezo wenyewe.
- (56) Klabu zinaweza kujulishwa kuhusu michezo yao itakayoonyeshwa moja kwa moja kwenye televisheni (live tv broadcasting). Klabu zitawajibika kukidhi mahitaji yote ya taratibu za kufanikisha maandalizi na mchezo husika.
- (57) Kutakuwa na mukutano wa waandishi wa Habari siku moja kabla ya mchezo ambapo Kocha Mkuu na Nahodha au mchezaji mwenye Ushawishi ndani ya Timu yake watazungumza katika mukutano huo.
- (58) Klabu ina wajibu wa kushirikiana na mdhamini wa matangazo ya televisheni ikiwemo kupata picha za wachezaji na benchi la ufundi kwa ajili ya maandalizi ya mechi zao.
- (59) Endapo Klabu yoyote ya Women League inahitaji kuchukua Kumbukumbu za kurekodi video na Picha kuhusiana na mechi yake yoyote ya Ligi Kuu au inayohusiana na uwepo wake kwenye Women League inaruhusiwa kufanya hivyo kwa kutoa Taarifa na Kukubaliwa na TFF ambapo kumbukumbu hizo hazitaruhusiwa kutumika au kuhusika/kuhusishwa kibiashara kwa namna yoyote na kilabu husika au mshirika wake.
- (60) TFF inaweza kutoa maelekezo ya mchezo wowote wa Women League kurekodiwa au kuoneshwa moja kwa moja (live) na televisheni katika utaratibu na mazingira itakavyona inafaa kwa maslahi ya mpira wa miguu.
- (61) TFF itachukua hatua kwa ukiukwaji wowote wa Taratibu za Mchezo kama zilivyoainishwa kwenye kanuni ya 17 kwa kutoa Onyo kali au Karipio au kutoza faini kuanzia shilingi laki tano (500,000/-) mpaka shilingi milioni moja (1,000,000/-) na/au kufungia michezo isiyozidi mitatu (3) au kipindi kisichozidi miezi mitatu (3). Faini kwa makosa yanayojirudia itatozwa kati ya shilingi milioni moja (1,000,000/-) na shilingi milioni tano (5,000,000/-) kwa mchezaji, kiongozi au timu.
- (62) Masharti ya Msingi katika kanuni ya 18 pamoja na yanayohusiana nayo yasiyoainishwa ipasavyo yatavutia adhabu katika mazingira ya Uvunjifu wake kwa Mazingatio ya kanuni ya 18.60. Pamoja na Adhabu zilizoainishwa katika Kanuni hiyo, TFF inaweza kuongeza kiwango cha adhabu katika mazingira ya kujirudia zaidi kwa

makosa au aina na namna kosa lilivyotendwa. Adhabu ni pamoja na kufungia, kuzuia Uwanja na kutoza faini zaidi.

## Kanuni : 19 Michezo ya Kirafiki

- (1) Timu ya Shindano lolote la TFF la Wanawake inayotaka kucheza mchezo wa kirafiki katika kipindi ligi ikiendelea itawajibika kuitaarifu TFF angalau saa arobaini na nane (48) kuhusu mchezo huo kabla ya kuchezwa.
- (2) Hairuhusiwi kuchezwa mchezo wowote wa kirafiki utakaohusisha klubu nyingine ya Shindano husika la Wanawake katika siku ambayo kuna mchezo wa Shindano husika la Wanawake katika kituo/Mkoa husika bila kupata idhini ya TFF.
- (3) Mchezo wowote wa kirafiki utakaohusisha timu ya Shindao la Wanawake ni lazima utolewe taarifa kwa TFF au/na FA(M), itakayofanya maandalizi yote muhimu kwa mchezo kuchezwa na kufuatwa kwa taratibu zote kwa kiwango cha mchezo wa Ligi husika ya Wanawake.
- (4) Makubaliano yoyote kuhusiana na mchezo wa kirafiki unaohusisha timu ya Shindao la Wanawake la TFF lazima yafanywe kwa maandishi na mwandaaji wa mchezo huo. (TFF/FA(M) TFF au/na FA(M) itasimamia makubaliano hayo.
- (5) Masharti yoyote mengine kuhusiana na mchezo wa kirafiki unaohusisha timu ya Shindano la Wanawake TFF ni lazima yaidhinishwe na TFF kwa michezo inayohusisha timu kutoka nje ya Tanzania ikiwa ni pamoja na kupitia maombi yote ya mchezo husika.
- (6) Timu yoyote ya Shindano lolote la Wanawake TFF inapotaka kucheza au kwenda nje ya Tanzania kwa shughuli za mpira wa miguu itawajibika kuomba kibali kwa TFF, maombi ya kibali hicho yatumwe siku kumi na nne (14) kabla ya siku ya kuondoka.
- (7) Timu yoyote ya Shindano la Wanawake la TFF hairuhusiwi kucheza mchezo wowote wa kirafiki na timu kutoka nje ya Tanzania bila kuwa na kibali cha TFF.
- (8) Mwanachama wa TFF au Wakala wa Mechi wa FIFA anayetaka kuandaa mchezo wowote ukihuisha timu za kimataifa na timu za Mashindano ya Wanawake anawajibika kutuma maombi kwa TFF siku kumi na nne (14) kabla ya siku ya tukio yakianisha madhumuni ya mchezo huo. TFF itafanya uamuji juu ya maombi hayo.
- (9) Taratibu za Jumla kuhusu Michezo ya Kirafiki ni kama zitavyosomeka kwenye Kanuni za TFF kuhusu Mashindano Maalum/Wadau.

## Kanuni : 20 Ngao ya Jamii

TFF inaweza kuandaa kufanyika kwa mchezo maalum wa Ngao ya Jamii kwa timu za wanawake Utakaohusisha timu za Ligi Kuu ya Wanawake/Mashindano ya wanawake ya TFF. Mchezo wa aina hii utatolewa maelekezo na kupangiwa taratibu zake na TFF kwa mazingatio ya Madhumuni husika ya uwepo wake

# **SURA: VI**

## **TIBA NA BIMA**

- (1) Klabu Mwenyeji/FA(M)/Msimamizi wa Kituo ni lazima wahakikishe kuwa katika mchezo wowote wa Ligi Kuu ya Wanawake/Shindano la Wanawake panakuwepo huduma ya kwanza maalum na yenye vifaa na sare, gari la wagonjwa (*Ambulance*) lililo na vifaa tiba stahili na Daktari kamili mwenye ujuzi.
- (2) Huduma ya Gari la Wagonjwa (*Ambulance*), huduma ya kwanza na Daktari zinahitajika uwanjani tangu muda wa kufungua mageti kuingiza watazamaji uwanjani mpaka saa moja baada ya mchezo kumalizika.
- (3) Kila uwanja kunapochezwa michezo ya Ligi Kuu ya Wanawake/Mashindano ya Wanawake ya TFF kunahitajika chumba maalum kwa ajili ya huduma za tiba na matibabu.
- (4) Ikitokea mchezo umeshindwa kuchezwa kutokana na sababu ya kutotimiza idadi ya wachezaji wanaohitajika kikanuni kutokana na sababu za kiafya zilizosababishwa na magonjwa ya mlipuko, timu husika itakuwa imepoteza mchezo na timu shindani itapewa ushindi wa pointi tatu (3) na mabao matatu.

Kila klabu ina wajibu wa kuwawekea wachezaji wake na maafisa wa benchi la ufundi bima ya matibabu na fidia kutokana na ajali michezonii. Klabu itakayokiuka kanuni hii itakuwa imepoteza sifa ya kuwa klabu ya Ligi Kuu ya Wanawake/Mashindano mengine ya Wanawake ya TFF, na usajili wa wachezaji wa timu yake hautathibitishwa na haitashirikishwa katika Ligi husika.

# **SURA: VII**

## **MALALAMIKO NA RUFAA**

- (1) Katika mchezo wowote wa Mashindano ya Wanawake ya TFF Ligi klabu inapotokea kutoridhika au kuwa na mahitaji ya kupinga jambo lolote inawajibika kuwasilisha malalamiko kwa TFF itakayosikiliza na kuyatolea maamuzi au kupelekwa kwenye Kamati nyingine husika ya TFF kwa maamuzi.
- (2) Upande wowote ambao haujardhika na maamuzi juu ya malalamiko yaliyotolewa unaweza kukata rufaa kwenye Kamati ya Rufaa iliyo na mamlaka kutegemea chombo kilichofanya maamuzi ya awali na kanuni zinahusu maamuzi hayo.
- (3) TFF inaweza kupeleka jambo lolote kuhusiana na Shindano lake lolote la Wanawake kwenye chombo husika kujadiliwa na kuamuliwa bila ya kujali kulalamikiwa au la.
- (4) Wahusika katika shauri lolote litakalosikilizwa na Kamati yoyote ya maamuzi wanaohitajika kuhudhuria kikao hicho watawajibika kujulishwa na TFF kuhusu mahali, siku na muda wa kikao hicho katika kipindi kisichopungua siku 5 (tano) kabla ya kikao hicho. Yeyote atakayeitwa atahudhuria kwa gharama zake mwenyewe.

- (1) Malalamiko yoyote kuhusiana na mchezo yawasilishwe kwa maandishi kwa Kamishna wa mchezo au ofisi ya TFF sio zaidi ya saa 72 (*sabini na mbili*) baada ya mchezo kumalizika.
- (2) Kamishna wa mchezo atawasilisha kwa TFF sio zaidi ya saa saa ishirini na nne (24) tangu kupokea malalamiko hayo.
- (3) Malalamiko yoyote yatakayowasilishwa yatashughulikiwa ndani ya siku 14 (*kumi na nne*) tangu kuwasilishwa, katika hali ya upekee malalamiko yanaweza kusikilizwa katika muda mfupi zaidi au mrefu zaidi.
- (4) Malalamiko yatakayowasilishwa baada ya muda uliowekwa hayatasikilizwa. Endapo mlalamikaji atawasilisha malalamiko yatakayobainika kutokuwa na msingi atatozwa faini.

- (1) Malalamiko yoyote kabla au wakati wa mchezo (*pingamizi*) yatolewe kwa maandishi yakiainisha tuhuma na msingi wake na yawasilishwe kwa Kamishna mara baada ya ukaguzi wa wachezaji mpaka kabla ya mchezo kumalizika. Pingamizi katika Mchezo litapokelewa na Kamishina wa Mchezo na Kusainiwa na Meneja au Kocha wa Timu iliylalamikiwa na Mwamuzi wa Mchezo husika.
- (2) Endapo malalamiko yanahusisha uhalali wa mchezaji kucheza mchezo husika, timu inayolalamikiwa inaweza kumuondoa kwenye orodha yake ya wachezaji wa siku hiyo mchezaji aliywekewa pingamizi kabla ya mchezo kuanza ikiwa inakubaliana/kuheshimu pingamizi hilo. Timu itakayomuondoa mchezaji katika hali hii itatozwa faini ya shilingi laki tano (200,000/-).
- (3) Malalamiko yatasikilizwa na kutolewa majibu ndani ya siku kumi na nne (14).

- (1) Upande wowote unaopinga maamuzi ya malalamiko au mengine yaliyofanywa na chombo husika unaweza kukata rufaa kwa kamati ya rufaa husika endapo utaratibu wa chombo na kanuni zilizofanya maamuzi hayo vinaruhusu kufanya hivyo.
- (2) Kamati ya Rufaa ya Nidhamu ya TFF ndio chombo cha juu kwa TFF cha kusikiliza Rufaa zinazotokana na maamuzi ya Kamati ya Nidhamu ya TFF.
- (3) Maamuzi ya Kamati ya Rufaa ya Nidhamu ya TFF yatakuwa ya mwisho. Endapo mrufani au mrufaniwa hakuridhika na maamuzi ya Kamati hii apeleke shauri lake Mahakama ya Usuluhishi wa mashauri ya michezo Ulimwenguni (CAS).
- (4) Ni marufuku kupeleka malalamiko yoyote dhidi ya TFF kuhusiana na uendeshaji wa Ligi Kuu ya Wanawake/Mashindano mengine ya TFF katika mahakama za kawaida za sheria. Klabu, mdau au mtu ye yoyote atakayeleka malalamiko yake katika mahakama za sheria atachukuliwa hatua kali kwa mujibu wa Kanuni za Maadili za TFF.
- (5) Malalamiko au jambo lolote litakaloamuliwa na Kamati nyingine za TFF, Rufaa dhidi yake itafuata utaratibu wa kamati hizo kwa mujibu wa utaratibu wa TFF na uamuzi wake utakuwa wa mwisho endapo tu jambo lililoamuliwa linaweza kukatiwa rufaa kwa mujibu wa kanuni hizi na za vyombo hivyo.
- (6) Kamati ya Rufaa ya TFF itasikiliza rufaa kupinga maamuzi yoyote ya Kamati ya Nidhamu ya TFF au Maamuzi ya Vyombo vya TFF (TFF) ambayo yanaweza kukatiwa rufaa.
- (7) Wahusika wote wanaohitajika kwenye shauri la rufaa watajulishwa na TFF siku, mahali na muda angalau siku tano (5) kabla ya siku ya shauri na watahudhuria kwa gharama zao wenye.
- (8) Rufaa itasikilizwa ndani ya siku saba (7) tangu ilipowasilishwa.

- (1) Rufaa ya kupinga maamuzi ya Kamati ya Nidhamu iwasilishwe kwa maandishi kwenye ofisi za TFF sio zaidi ya siku tano (5) za kazi baada ya kupata maamuzi ya Kamati ya Nidhamu na iwe imeambatanishwa na ada ya rufaa pamoja na vielelezo vyote vya shauri hilo.
- (2) Mrufani anaweza kuomba kwa TFF uwasilishwaji wa vielelezo kwenye Kamati ya Rufaa ya Nidhamu ambavyo hana uwezo wa kuwa navyo na anaweza pia kuwasilisha vielelezo vya ziada kukazia malalamiko yake wakati shauri lake linasikilizwa.
- (3) Mrufaniwa anayo haki ya kupata nakala ya rufaa dhidi yake baada tu ya rufani kuwasilishwa TFF.
- (4) Rufaa yoyote itakayowasilishwa bila ya vielelezo au ambayo haijalipiwa ada haitasikilizwa.
- (5) Rufaa yoyote itakayowasilishwa baada ya muda uliowekwa chini ya kanuni hii, haitasikilizwa na ada ya rufaa haitarudishwa kwa mrufani.
- (6) Ada ya rufaa kwa Kamati ya Rufaa ya Nidhamu ni shilingi milioni moja (1,000,000/)

- (1) Vyombo vyaa Maamuzi vyaa TFF na TFF vitashughulikia masuala na mashauri mbalimbali kuhusiana na Ligi Kuu ya Wanawake/Mashindano mengine ya Wanawake ya TFF na kufanya maamuzi kwa misingi ya kanuni na mwongozo wa Katiba ya TFF. Vyombo vyaa maamuzi vitatumia kanuni hizi za Mashindano ya Wanawake ya TFF, Kanuni nyingine za TFF, CAF na FIFA katika kufanya maamuzi yake.
- (2) Mhusika yejote wa shauri linalosikilizwa na kuamuliwa na mionganoni mwa vyombo vyaa maamuzi vyaa TFF atawajibika kufuata taratibu za vyombo hivyo bila ya kuathiri masharti ya kanuni hizi inayoongoza usikilizwaji na maamuzi ya shauri husika.
- (3) Shauri lolote linalosikilizwa na chombo cha haki cha TFF ni lazima liwekewe utaratibu wa mashtaka katika mfumo wa Kimahakama katika kuzingatia haki za mlalamikaji na mlalamikiwa.
- (4) Shauri lolote linalosikilizwa na kuamuliwa na chombo cha TFF kilicho na mamlaka ya mwisho wa usikilizaji na maamuzi ya shauri hilo linaweza kuombewa marejeo (*review*) ya kusikilizwa endapo kuna upande wowote haujaridhika na maamuzi ya marejeo hayo yatakuwa ya mwisho. Ada ya marejeo (*review*) ni shilingi milioni moja (1,000,000/-).
- (5) TFF inaweza kuelekeza chombo chake chochote cha maamuzi kushughulikia jambo kuhusiana na Ligi Kuu ya Wanawake/Mashindano mengine ya Wanawake ya TFF kutokana na mahitaji au dharura kuhusiana na jambo husika.
- (6) Kamati ya Soka la Wanawake TFF itashughulikia na kufanya maamuzi kwa masuala yote ya kiuendeshaji ambayo maamuzi yake hayataktiwa rufaa kwenye chombo kingine cha maamuzi cha TFF kwa mujibu wa kanuni za Mashindani ya Wanawake TFF.
- (7) TFF inaweza kutoa adhabu zaidi kwa kutoza faini zaidi au adhabu nyingine yoyote zaidi, au kuongeza adhabu yoyote iliyotolewa kwa mchezaji, kiongozi, mwamuzi au timu kutokana na kuthibitika ukiukwaji zaidi wa taratibu au makosa yanayojirudia katika msimu mmoja au kutegemea uzito na mazingira ya ufanyaji kosa au mwendelezo wa kutenda kosa.
- (8) TFF itatoza faini kwa ukiukwaji mwengine wowote wa kanuni na taratibu ambao haujaainishwa wazi katika kanuni hizi ulio na mahitaji ya adhabu ya faini kwa katii ya shilingi laki mbili (200,000 /-) na shilingi milioni tano (5,000,000/-).

# **SURA: VIII**

## **MAPATO NA GHARAMA**

- (1) Mgawanyo wa mapato ya mlangoni (*gate collection*) utafanywa kwa kuzingatia kwanza kutoa asilimia kumi na nane ya Kodi ya Ongezeko la Thamani (18% VAT), Baraza la Michezo la Taifa (BMT) asilimia tatu (3%) (kutoka baki ya pato) na gharama za tiketi kwa mchezo husika. Baki ya pato itagawanywa kwa Timu mwenyeji asilimia sitini (60%), gharama za mchezo asilimia kumi na tano (15%), mamlaka ya Uwanja asilimia kumi na tano (15%), na FA(M) mwenyeji asilimia kumi (10%) Mgawanyo wa Mapato utafanywa kwenye Fomu Maalum itakayotolewa na TFF kwa Madhumuni hayo.
- (2) Endapo itatokea kuwa Gawio la Gharama ya Uwanja litakuwa ni kwa maelewano maalum na si kwa asilimia, Timu mwenyeji itawajibika kutimiza matakwa ya Masharti ya uwanja ili uweze kuchezewa na sehemu ya mgao wa Uwanja ya asilimia 15 itachukuliwa na timu mwenyeji.
- (3) Endapo timu itahamia uwanja wa Mkoa mwengine kama uwanja wake wa nyumbani mgao wa mapato ya FA(M) ya asilimia kumi (10%) itagawanywa kwa FA(M) inapotoka timu kupata (nusu) asilimia tano (5%) na FA(M) unapochezwa mchezo pia (nusu) asilimia tano (5%).
- (4) Msimamizi wa Kituo atawasilisha taarifa ya mapato na fedha za mchezo husika kwa TFF na TFF katika muda usiozidi saa 48 (arobaini na nane). Kiongozi au msimamizi atakayeshindwa kuwasilisha atachukuliwa hatua kwa mujibu wa Kanuni za TFF.

**Kanuni : 30****Gharama za Mchezo**

- (1) Asilimia kumi na tano (15%) ya Gharama za Mchezo itatumika kulipia gharama mbalimbali za huduma zitakazoalikwa na kutolewa kufanikisha mchezo husika. Gharama za Mchezo zigawanywe kutumia Fomu Maalum inayotolewa na TFF.
- (2) TFF itatoa waraka mwanzoni mwa msimu utakaofafanua viwango vya malipo ya maafisa wa mchezo na Utaratibu wa Malipo.
- (3) Gharama zote za Msimamizi wa Kituo, Kamishna, Mratibu wa Mchezo (GC), Mtathimini Waamuzi na Waamuzi zitalipwa na TFF. Gharama za usafiri ni kwa usafiri wa treni daraja la pili, basi au meli.
- (4) Iwapo gharama halisi ni pungufu ya asilimia kumi na tano (15%) zilizokatwa kama Gharama za Mchezo, fedha zitakazobaki zitagawanywa asilimia hamsini (50%) Bodii ya Ligi Kuu na klubu mwenyeji asilimia hamsini (50%) nyingine.
- (5) Msimamizi wa Kituo atawajibika na usimamizi wa Gharama za Mchezo, atathibitisha uhalali na usahihi wa Malipo kwa kutumia Fomu Maalum ya TFF kwa ajili ya Gharama za Mchezo na kusaini kwa niaba ya TFF na Mwakilishi wa Kilabu Mwenyeji atathibitisha na kusaini kwa upande wa kilabu.
- (6) Malipo yatalipwa kwa mifumo ya kibenki kama kanuni za Fedha zinavyoelekeza na/au vinginevyo katika mazingira maalum kama itakavyoelekeza na TFF.

# **SURA: IX**

## **YASIYOTARAJIWA**

- (1) Endapo Klabu yoyote ina nia ya kujitoa katika Ligi kwa sababu zozote zile za msingi ni lazima itoe taarifa ya maandishi kwa TFF ikieleza sababu zinazoilazimisha kujitoa siku 30 (thelathini) kabla ya Ligi kuanza.
- (2) Endapo TFF imekubali kujitoa kwa klabu iliyoomba, klabu nyingine ambayo awali ilikuwemo katika daraja hilo lakini iliteremka kwa mujibu wa msimamo wa Ligi, itarudishwa kuziba pengo hilo. Klabu hiyo ni ile iliyo katika nafasi ya juu kuliko klabu nyingine zote zilizoteremka daraja katika msimu huo.
- (3) Endapo klabu iliyojitoa ni miuongoni mwa klabu zilizopanda daraja, klabu nyingine iliyokuwa kwenye nafasi inayofuatia kwa klabu zilizopanda/iliyopanda daraja itapandishwa kuchukua nafasi hiyo.
- (4) Klabu yoyote itakayojitoa/itakayoondolewa kwenye Ligi Kuu baada ya Ligi kuanza au kushindwa kucheza mchezo mmoja wa ratiba ya Ligi Kuu katika msimu itakabiliwa na adhabu zifuatazo:
  - 4.1 Itashushwa daraja na kufungiwa kucheza Ligi kwa misimu miwili (2). TFF pia inaweza kuichukulia hatua zaidi klabu hiyo/viongozi au wachezaji iwapo itathibitika kuwa imejitoa kwa madhumuni ya kuhujumu msimamo wa Ligi au hujuma nyingine yoyote.
  - 4.2 Iwapo zitajitoa, kuondolewa au kushindwa kumaliza Ligi kwa sababu yoyote ile timu zaidi ya idadi ya timu za kushuka daraja kwa mujibu wa kanuni hizi za Mashindano ya Wanawake ya TFF timu zote hizo zitashuka daraja (kanuni 31:4.1) na timu zaidi zitapanda kutoka Ligi Daraja la chini linalofuatia ili kujaza nafasi na idadi ya timu za Ligi ya Wanawake kwa Daraja husika kuendelea kuwa ilivyokusudiwa.
  - 4.3 Matokeo ya michezo yote iliyowahi kuchewa yatafutwa endapo idadi ya michezo hiyo kwa timu husika haijafikia Zaidi ya nusu ya michezo yake katika Shindano husika na endapo itakuwa Zaidi ya nusu, timu ambazo hazijacheza na timu iliyojitoa au kuondolewa zitapewa ushindi kwa michezo hiyo. Timu husika itaendelea kusalia kwenye Msimamo wa Ligi katika mazingira yoyote bila ya kuathiri adhabu zaidi kwa timu husika kwa mujibu wa kanuni hizi.
  - 4.4 Magoli yaliyofungwa na wachezaji wa timu iliyojitoa katika Ligi yatafutwa na hivyo wachezaji wake hawataweza kushindana katika ufungaji bora hata kama walifunga magoli mengi. Lakini magoli yaliyofungwa na wachezaji wa timu pinzani dhidi ya timu iliyojitoa kwenye ligi hayatafutwa, yataendelea kuonekana katika idadi ya magoli yaliyofungwa na wachezaji hao lakini hayataonekana katika idadi ya magoli yaliyofungwa na klabu zao.
  - 4.5 Itapoteza haki zake zote stahili kwa Shindano na itawajibika kurejesha stahili yoyote iliyokwishachukua kabla ya kujitoa endapo itaamriwa kufanya hivyo kutokana na mazingira ya kujitoa kwake

- (1) Timu yoyote itakayokosa kufika uwanjani bila ya sababu za msingi zinazokubalika kwa TFF na kusababisha mchezo usifanyike itakabiliwa na adhabu zifuatazo:
  - 1.1 Kupokwa alama 5 (tano) katika msimamo wa Ligi na Viongozi waliosababisha jambo hilo watachukuliwa hatua zaidi za kinidhamu.

- 1.2 Endapo timu itakua na alama pungufu ya 5 (tano), itakua na alama hasi kwa kiasi kinachopugua kwenye msimamo wa ligi.
- 1.3 Endapo timu itamaliza msimu wa Ligi ikiwa na alama hasi, itaanza na alama hizo hasi katika msimamo wa Ligi kwenye msimu unaofuata wa Ligi ya hadhi yake.
- 1.4 Timu pinzani itapewa ushindi wa mchezo husika
2. Kutozwa faini ya shilingi milioni tatu (3,000,000/-).
3. Kulipa fidia ya maandalizi/uharibifu wowote unaoweza kujitokeza
4. Itapoteza haki ya kuchukua gawio lake la mapato ya mchezo huo.
5. Kiongozi yeyote atakayebanika kushiriki, alishawishi au alikuwa chanzo au sababu ya timu kutotokea uwanjani bila ya sababu za msingi atafungiwa kwa kipindi cha miezi kumi na miwili (12).
- a. Inaweza kukabiliwa na adhabu zaidi kama ambavyo TFF inatahitaji kuchukua hatua zaidi kadiri itavyoona inafaa.
  - b. Timu yoyote iliyopewa adhabu ya faini chini ya kanuni 32:1(1) haitaruhusiwa kucheza hadi itakapotekeleza adhabu hiyo kwa daraja ambalo itakuwa ipo.

### Kanuni : 33      Kuvuruga Mchezo

- (1) Timu itakayosababisha mchezo kuvurugika na hatimaye kuvunjwa, itapoteza mchezo huo hata kama ilikuwa inaongoza kwa magoli na timu pinzani itapewa ushindi na pointi tatu na magoli matatu, iwapo timu pinzani inaongoza kwa magoli zaidi ya matatu itabakia na idadi ya magoli hayo iliyokwishafunga.
- (2) Endapo mchezo umevurugika na kushindwa kufanyika kwa sababu nyingine zilizothibtishwa kutosababishwa na yoyote mionganoni mwa timu shiriki kwa mchezo husika, mchezo huo utapangwa upya katika siku/muda utakaoamuliwa na TFF
- (3) Goli lililofungwa katika mchezo wowote uliovurugika na kuvunjika litaendelea kuhesabiwa kwenye magoli ya mfungaji endapo mfungaji ni kutoka timu iliyoshinda shauri na halitahesabiwa kwenye magoli ya timu husika mpaka endapo tu goli hilo ni mionganoni mwa magoli katika mchezo uliovurugika hali ikiwa timu isiyosababisha kuvurugika mchezo huo ilishafunga Zaidi ya magoli matatu ya ushindi wa kikanuni. Kadi zote zitakazotolewa katika mchezo huo zitaendelea kuhesabika kwa wahusika.
- (4) Magoli yaliyofungwa na timu iliyosababisha mchezo kuvunjika yatafutwa lakini magoli yaliyofungwa na timu pinzani yataendelea kuonekana katika idadi ya magoli yaliyofungwa na wachezaji wa timu hiyo wakati wa kutafuta mfungaji bora.
- (5) Endapo itatokea vurugu ya aina yoyote ile na kusababisha mchezo kusimama katika mazingira ya kuhatarisha mchezo huo kuendelea, mwamuzi atasubiri kwa dakika zisizozidi kumi na tano (15) na endapo hali ya vurugu bado inaendelea mwamuzi atavunja mchezo huo.
- (6) Endapo timu itagomea kuendelea na mchezo kwa sababu zozote zile na kusababisha mchezo huo kuvunjika au kuvunjwa na mwamuzi timu hiyo itapoteza mchezo huo na timu pinzani itapewa ushindi. Timu iliyogomea itatozwa faini ya shilingi milioni mbili (2,000,000/-).

- (7) Faini iliyotajwa (kanuni 33:6) italipwa kabla ya mchezo unaofuata wa timu husika baada ya kuamriwa kulipa.
- (8) Mchezaji na kiongozi watakaobainika kugomea au kusababisha vurugu zilizopelekea mchezo kuvunjika watafungiwa kujihusisha na masuala yote ya mpira wa miguu kwa kipindi kati ya miezi sita mpaka miaka mitano.
- (9) Endapo uvunjikaji wa mchezo utabainika kuwa wa utata au sababu nyingine au kukosekana uzingativu wa kutosha wa kanuni 33:5, mchezo huo utarudiwa katika tarehe nyingine, waamuzi wengine na uwanja utakaoamuliwa na TFF.
- (10) Timu itakayoleta/itakayofanya vurugu za aina yoyote au kupinga, kuzuia au kugomea mchezo wa Ligi Kuu ya Wanawake/Mashindano mengine ya Wanawake ya TFF kuonyeshwa kwenye televisheni au kutangazwa kwenye redio kinyume na ilivyoelekezwa na TFF itatozwa faini ya shilingi milioni tatu (3,000,000/-). Endapo timu hiyo itarudia kosa hilo itachukuliwa hatua zaidi hata ikiwemo kushushwa daraja.
- (11) Endapo vurugu zitatokea uwanjani mara tu baada ya mchezo kumalizika, viongozi au wachezaji husika watakaobainika kusababisha na/au kufanya vurugu hizo watakabiliwa na adhabu ya kufungiwa kwa kipindi cha miezi mitatu mpaka kumi na mbili na faini ya shilingi milioni moja (1,000,000/-) kwa timu husika.
- (12) Endapo itathibitika timu yoyote imefanyiwa fujo na/au vurugu kabla, wakati au baada ya mchezo na washabiki wa timu pinzani, timu pinzani itakabiliwa na adhabu ya faini kati ya shilingi milioni moja (1,000,000/-) hadi shilingi milioni kumi (10,000,000/-) au/na kusimamishwa kwa michezo ya timu husika katika Kituo/Uwanja wake husika au timu hiyo italicazimika kucheza michezo isiyopungua mitatu ya nyumbani kwenye uwanja wake bila ya kuwa na mashabiki na kulazimika kuilipa fidia timu pinzani kama itakavyoamuliwa na TFF. Sambamba na adhabu hizo, klabu italicazimika kulipa fidia kwa uharibifu wowote wa mali uliofanywa na mashabiki wake

#### **Kanuni : 34                    Kupanga Matokeo**

- (1) Endapo timu zozote zitabainika kuwa zimepanga kwa namna yoyote ile matokeo ya mchezo wowote waliocheza kwa madhumuni yoyote yale zitachukuliwa hatua zifuatazo:
  - 1.1 Mtu ye yoyote aliyekula njama na kushawishi upangaji matokeo ataadhibiwa kwa kusimamishwa mechii na kufungiwa kushiriki katika shughuli yoyote ya mpira wa miguu kwa kipindi kisichopungua miaka 10 (kumi) na faini isiyopungua shilingi milioni kumi (10,000,000/-). Katika shauri linalovuruga/kushusha hadhi ya mpira wa miguu, mhusika atafungiwa maisha kutojishughulisha na mpira wa miguu.
  - 1.2 Ikiwa mchezaji au kiongozi atajishughulisha katika kushawishi upangaji matokeo kama ilivyo katika kanuni ya 34 (1.1), klabu au mkoa ambao mchezaji au kiongozi anatoka utapigwa faini. Katika makosa mazito itaadhibiwa kwa kuondolewa kwenye Ligi, kushushwa daraja, kupunguziwa pointi na kurudisha zawadi.

#### **Kanuni : 35                    Kuahirisha Mchezo**

1. Mchezo unaweza kuahirishwa kutokana na sababu yoyote kati ya zifuatazo:-
  - 1.1 Endapo timu ya Taifa ina mchezo.

- 1.2 Endapo timu inashiriki katika mashindano ya Kimataifa na ina muda usiozidi siku tatu (3) hadi tano (5) kufikia mchezo wa Kimataifa.
  - 1.3 Sababu ya dharura au/na yenye msingi itakayokubaliwa na TFF.
  - 1.4 Endapo itatokea matukio yilio nje ya uwezo wa binadamu (*force majeure*) yasiyotarajiwa wala kusababishwa na timu husika.
  - 1.5 Endapo wachezaji wasiopungua watatu (3) wa klubu moja wataitwa kushiriki mchezo wa timu ya Taifa.
2. Mchezo wowote ulioahirishwa chini ya kanuni 35 (1.1 - 1.3) utapangwa tena katika tarehe itakayoamuliwa na TFF isipokuwa kama utahirishwa chini ya kanuni 35(1.4) utachezwa siku inayofuata au muda mwengine wa karibu zaidi kadiri ratiba inavyoruhusu.
3. Iwapo mchezo ulishaanza na kuvunjika kwa sababu ya matukio ya dharura yasiyotarajiwa wala kusababishwa na timu husika, utapangwa kuchezwa kwa muda uliosalia kuanzia dakika na tukio ulipovunjika ukiwa na wachezaji na waamuzi walewale. Mabao yaliyofungwa na kadi/adhabu walizoonyeshwa wachezaji katika mchezo uliovunjika zitaendelea kuhesabika. Muda wa kuanza mchezo huo na taratibu zitaamuliwa na TFF.
4. Taarifa ya maombi ya kawaida ya kuahirisha mchezo ni lazima itolewe kwa maandishi si chini ya siku kumi na nne (14) kabla ya siku ya mchezo, isipokuwa kwa sababu zilizo nje ya uwezo wa binadamu au dharura kubwa.
5. Ruhusa ya wachezaji wanaoteuliwa kuchezea timu za Taifa za nchi zao na kwa timu za Taifa za vijana chini ya miaka 23 (ishirini na tatu) na miaka 20 (ishirini) itatolewa kwa kufuata sheria za FIFA kwa muda kabla na baada ya mchezo husika.

# **SURA: X**

## **USIMAMIZI WA MCHEZO**

- (1) Kila kituo cha michezo ya Mashindano ya Wanawake ya TFF patakuwepo Msimamizi wa Kituo Mkaazi, ambaye atakuwa ni Katibu wa Chama cha Mpira wa Miguu Mkoaa husika atakayeteuliwa na TFF kushirikiana na Klabu Mwenyeji kuhakikisha Maandalizi na Uendeshaji wa mchezo husika Vinafanyika kwa mujibu wa Taratibu na Kanuni za Mshindano ya Wanawake ikiwemo miongozo inayotakana nazo kutoka TFF na kuridhiwa, kuongozwa na kusimamiwa na Kamishna wa Mchezo.
- (2) Mapendekezo yoyote ya Uteuzi wa Msimamizi Msaidizi wa Kituo kutoka FA(M) ni lazima yathibitishwe kwanza na TFF katika kukamilisha Uteuzi huo. Msimamizi Msaidizi ambaye hajathibitishwa na TFF, hatatambuliwa.
- (3) Katika Mazingira maalum TFF inaweza kuteua Msimamizi wa Kituo kutoka Nje ya FA(M) husika/Mkoa wa Kituo kwa sababu maalum na atakuwa ndiye Msimamizi Mkuu kwa Kituo husika kwa tukio husika kwa Mazingatio ya Utendaji kwa kanuni ya 36.1 ya kanuni hizi.
- (4) Msimamizi wa Kituo atawajibika kuhakikisha Stahili za Fedha za Viingilio (Gate Collection) zinalipwa kwa Walengwa na kutuma taarifa za fedha na fedha stahili kwa TFF katika kipindi cha saa 48 (arobaini na nane) baada ya mchezo kumalizika.
- (5) Msimamizi wa Kituo atawajibika kuhakikisha kuwa huduma zote muhimu na vifaa kazi kuufanya mchezo kuchezwa na kufanikiwa vi/zinakuwepo.
- (6) Msimamizi wa Kituo atawajibika kumpa ushirikiano Kamishna wa mchezo kiutaratibu na ikitokea mahitaji ya ziada ndani ya Utaratibu kwa Kamishna katika kutimiza majukumu yake. Kamishna wa Mchezo ndiye Mwakilishi Rasmi wa kwanza wa Muendeshaji kwa mchezo husika.
- (7) Msimamizi wa Kituo atahakikisha kwamba michezo yote ya vijana kwa mujibu wa kanuni hizi inayotakiwa kufanyika katika kituo chake inaandaliwa na kuchezwa bila kukosa.
- (8) Msimamizi wa Kituo atawajibika kufanya mawasiliano na kutoa taarifa za kituo chake/mchezo husika kwa TFF wakati wowote inavyofaa au atakapohitajika kutokana na Matukio au Uendeshaji kwa Kituo husika.
- (9) Msimamizi wa Kituo anawajibika kwa Kanuni hizi. Hatua zitachukuliwa ipasavyo kwa mujibu wa Kanuni hizi katika Mazingira ya Msimamizi wa Kituo kufanya Vitendo kinyume na Kanuni hizi.
- (10) Msimamizi wa Kituo kwa kushirikiana na Afisa Habari wa Mchezo ataandaa Mahali, kuratibu na Uendeshaji kwa ajili ya Mkutano kwa Waandishi wa Habari wa kabla ya Mchezo (prematch press conference) utakaohusisha Makocha na Manahodha (mchezaji mwengine) wa timu husika katika muda na siku itakayopangwa kabla ya mchezo.
- (11) Msimamizi wa Kituo kwa Kushirikiana na Timu Mwenyeji watahakikisha kutokuwepo kwa Matangazo yoyote mengine ya Biashara yasiyotambuliwa au kudhinishwa na TFF/TPLB kwenye eneo la ndani la Uwanja na kuzunguka kiwanja cha kuchezea (pitch) ikiwemo mazingatio ya matangazo yaliruhusiwa yanayohusu Wadhamini wa Ligi Kuu ya Wanawake.
- (12) Kwa Mashindano yaliyo katika Mfumo wa Makundi/Kundi kwenye Kituo TFF itatoa Muongozo kwa msingi ya Utaratibu na Maelekezo juu ya Shindano husika. Msimamizi wa Kituo na FA(M) husika watawajibika kutoa Ushirikiano kwa Utatibu mzima wa kufanikisha Shindano husika.

## Kanuni : 37 Kamishna

- (1) Katika mchezo wowote wa Mashindano ya Wanawake atapangwa Kamishna wa Mchezo kuhakiki, kuongoza na kusimamia Taratibu mbalimbali za Uendeshaji wa Mchezo kwenye maeneo ya Utawala, Uendeshaji na Ufundu na kutoa taarifa ipasavyo kwa TFF.
- (2) Kamishna wa Mchezo ndio mwakilishi Rasmi wa TFF kwa mchezo husika aliyekasimiwa Mamlaka ya Muendeshaji wa Shindano kwa Mchezo husika ambaye Taarifa zake kwa mujibu wa Muongozo, Kanuni na Taratibu za Shindano husika ndio Taarifa Kuu za Mchezo kwa Muendeshaji.
- (3) Kamishna wa Mchezo atatoa taarifa mbalimbali na za jumla za mchezo, kwa TFF akitumia fomu mbalimbali maalum zilizoandaliwa kwa madhumuni husika na kwa mujibu wa muongozo wa Kamishna uliotolewa na TFF ambaa unasomeka pamoja na Kanuni hizi.
- (4) Kamishna wa Mashindano ya Wanawake watapangiwa utaratibu wa kupatikana kwao au/na kuteuliwa na TFF kuititia mchakato mahsus kwa Kamishna na kupangwa katika michezo ya Mashindano ya Wanawake TFF kutegemea kiwango cha kukidhi Vigezo stahili, Uwajibikaji na kuaminika kwake katika Uwezo wa Utekelezaji ipasavyo wa Muongozo wa Kamishna uliotolewa na TFF.
- (5) Kamishna wa Mashindano ya Wanawake atatokana na aidha aliwahi kuwa au ni kiongozi wa mpira wa miguu wa ngazi fulani, Mwamuzi mstaafu, Kocha (asiyefundisha timu katika Shindano la Wanawake TFF) au Mchezaji wa zamani aliyepata sifa na kuheshimika au mwanafamilia mwingine wa mpira wa miguu anayeaminika.
6. Kamishna atawajibika kushughulikia ipasavyo malalamiko (*pingamizi*) yanayotolewa kabla, baada au wakati wa mchezo pamoja na kukusanya ushahidi unaohitajika utakaosaidia vyombo husika kufanya maamuzi stahili.
7. Kamishna wa Mchezo anaweza kuishauri TFF kuzuia kuchewa kwa Mchezo katika mazingira ya kabla ya mchezo kuanza endapo atajiridhisha kukosekana kwa usalama kwa timu na maofisa wa Mchezo husika na baada ya jitihada zake za utatuza wa hilo kushhindikana. Endapo mchezo ulishaanza Maamuzi yatakuwa ya mwamuzi wa mchezo huo. Katika Mazingira maalum Kamishna anaweza kushauriana na Mwamuzi endapo hali ya Usalama inatishia Usalama wa timu na maafisa mchezo.
8. TFF itatoa Muongozo kwa Kamishina utakaokuwa na maelekezo muhimu na ya lazima kwa Kamishina kutekeleza katika Majukumu yake ya Usimamizi wa Michezo mbalimbali atakayopangiwa.

## Kanuni : 38 Mtathimini Waamuzi

- (1) TFF inaweza kumpanga Mtathimini Waamuzi katika mchezo wowote wa Mashindano ya Wanawake ya TFF endapo itaonekana kuna haja ya kufanya hivyo.
- (2) Mtathimini Waamuzi lazima awe ni mwamuzi mstaafu aliyefikia kiwango cha juu cha uchezeshaji wakati akichezesha kabla ya kustaafu na amepata mafunzo ya Ukufunzi wa waamuzi.

- (3) Katika Mazingira ya uwepo wa Mtathimini wa Waamuzi (*referees' assessor*), atawawakilisha Wamuzi katika majukumu yanayohusu shughuli za waamuzi kabla na baada ya mchezo akishirikiana na Mwamuzi wa akiba (*4<sup>th</sup> official*).

**Kanuni : 39      Mratibu wa Mchezo**

- (1) Kutakuwa na Mratibu wa Mchezo (GC) ambaye ni Mtendaji mkuu wa shughuli za Uendeshaji mchezo akiwakilisha TFF. Mratibu wa mchezo ndiye atakayekuwa Msaidizi wa kwanza wa Kamishina wa Mchezo akiratibu na kutekeleza majukumu ya uendeshaji ya kamishina wa mchezo ambapo Kamishina atabakia na jukumu Kuu la Usimamizi wa Jumla wa Mchezo akiendelea kuwa Mwakilishi Mkuu wa TFF Kituoni na kwa mujibu wa Muongozo wa Kamishina.
- (2) TFF inaweza kuteua Mratibu wa Mchezo (GC) katika kuboresha na kuongeza kiwango cha Utendaji kwa mchezo husika ambapo Mratibu wa Mchezo atafanya kazi za Maandalizi na uendeshaji wa mchezo kwa Ushirikiano wa kiUtaratibu kutoka Kituoni. Chini ya Usimamizi wa Kamishina wa mchezo.
- (3) Mratibu wa Mchezo atawajibika kutuma Taarifa yake kwa kutumia Fomu Maalum kwa ajili hiyo itakayotolewa na TFF katika muda usiozidi Masaa ishirini na nne baada ya mchezo husika kumalizika.
- (4) Mratibu wa Mchezo atashughulikia masuala yote mengine ya Uandaaji na uendeshaji kwenye Mchezo katika maeneo ambayo hakuna Afisa aliyeteuliwa maalum kwa ajili hiyo.
- (5) Mratibu wa Mchezo ataongoza timu na waamuzi kuingia kiwanjani (pitch) tayari kwa hatua za mwisho za kuanza mchezo.
- (6) GC atafanya shughuli zake kwa Mazingatio ya Muongozo kwa Mratibu wa Mchezo uliotolewa na TFF.

**Kanuni : 40      Waamuzi**

- (1) Kutakuwa na waamuzi TEULE (select referees) watakaoteuliwa na Kamati ya Waamuzi ya TFF mwanzoni mwa kila msimu maalum kwenye Orodha ya Waamuzi watakaopangwa kuchezesha michezo ya Mashindano mbalimbali ya Wanawake ya TFF. Waamuzi TEULE hawa wanawajibika kuwa waaminifu, waadilifu na wenye nidhamu na tabia njema zisizotiliwa mashaka.
- (2) Katika Orodha ya Waamuzi Teule wa Women League kutakuwepo waamuzi wachache wa akiba kwa Shindano husika wanaoweza kujumuishwa kuchezesha michezo ya shindano husika katika mazingira ya dharura au uwepo wa haja ya kufanya hivyo kwa sababu zinazoaminika. Katika Mazingira ya kawaida, Waamuzi wa Akiba katika Orodha ya Waamuzi teule wa Shindano la juu la wanawake la TFF watatumika kuchezesha Shindano la Ligi Daraja la chini linalofuatia.
- (3) Mwamuzi TEULE yejote wa Shindano la Wanawake la TFF anaweza kuondolewa wakati wowote endapo TFF itajiridhisha au kubaini Mapungufu katika uwezo wake, Uadilifu au Uwajibikaji wake kwenye michezo na kuhusiana na Shindano lolote la Wanawake la TFF na michezo mingine aliyopangiwa na wakati wowote TFF inaweza kufanya Uteuzi wa Mwamuzi TEULE wa Shindano lolote la Wanawake la TFF kwa Mazingatio ya Sifa na Vigezo kwa Mujibu wa Kanuni hizi.
- (4) Waamuzi TEULE watateuliwa wakijumuisha waamuzi na waamuzi wasaidizi walio na hadhi ya FIFA, pia kutoka mionganii mwa waamuzi wazoeufu na vijana wanaofanya vizuri sana kwa kipindi husika walio na Hadhi ya Daraja la Kwanza (*Class I*). Kwa Ligi

Kuu na Ligi Daraja la Kwanza na Hadhi ya Daraja la Pili (Class II) kwa Ligi Daraja la Kwanza Wanawake na Ligi ya Mabingwa wa Mikoa Wanawake.

- (5) Waamuzi TEULE watateuliwa kwa kukidhi vigezo na kuwa na sifa zifuatazo:
- 5.1 Umri wa miaka isiyopungua miaka 20 (ishirini) kwa mwanaume na 18 (kumi na nane) kwa wanawake na wasiozidi miaka 45 (arobaini na tano) katika siku ya tarehe ya Uteuzi.
  - 5.2 Uzoefu wa kuchezesha michezo ya Ligi Kuu, Championship na First League, Ligi Kuu ya Wanawake au Daraja la Kwanza Wanawake usiopungua misimu miwili (2). Mwamuzi kijana aliyetathiminiwa na kuonyesha kiwango bora katika msimu mmoja katika matukio ya michezo yanayoaminika kwa TFF au anayetokana na Programu za Maendeleo ya Uamuzi na Waamuzi za TFF anaweza kujumuishwa. Mwamuzi kutoka Daraja la Ligi Kuu anaweza kushirikishwa wakati wowote kuchezesha michezo ya Ligi Kuu ya Wanawake.
  - 5.3 Awe amefaulu mtihani wa afya yake (*medical examination*), amekidhi kiwango kwa jaribio la utimamu wa mwili wake (*physical fitness test*) iliyoendeshwa na Mkufunzi maalum wa utimamu wa mwili (*referee physical fitness Instructor*) iliyo simamiwa na Kamati ya Waamuzi ya TFF (au Mamlaka za Kimataifa zinazokubalika) na kufaulu mtihani wa sheria za mpira wa miguu (*Laws of the Game*). Mwamuzi mwanamke anawajibika kufaulu katika viwango vya wanaume ili kuchezesha michezo ya wanaume.
- (6) TFF itaandaa Jaribio la Utimamu wa mwili (*physical fitness test*) kwa waamuzi wa Mashindano yake mbalimbali yakiwemo Mashindano ya wanawake kulingana na mahitaji na utaratibu wake litakaloambatana na upimaji wa afya ya mwamuzi (*medical examination*) na mitihani ya sheria za mpira wa miguu (*Laws of the Game*). Mwamuzi anawajibika wakati wote wa msimu kuwa tayari kiafya, kimwili na ufahamu wa sheria.
- (7) Kamati ya Waamuzi ya TFF itapanga Waamuzi kwenye Michezo ya Ligi Kuu ya Wanawake/Mashindano mengine ya wanawake na ndiyo pekee yenye mamlaka ya kupanga, kubadilisha na kuondoa mwamuzi kwenye ratiba kwa Utaratibu na Mfumo uliowekwa (*kwa kushirikiana na Sekretarieti ya TFF*) kwa Mazingatio ya Kanuni hizi.
- (8) Klabu au yejote aliye na malalamiko au jambo kuhusu kupangwa au Uchenezhaji wa mwamuzi anawajibika kuwasilisha kwa Maandishi kwa TFF si chini ya siku tatu (3) katika mazingira ya wakati kabla ya Mchezo na/au wakati mwingine wowote baada ya Mchezo husika. Hairuhusiwi kwa klabu/Kiongozi/Kocha/Mchezaji kumkataa mwamuzi yejote aliyepangwa wala kumjadili au kushutumu kwa namna yoyote au kwenye vyombo vya habari. TFF itachukua hatua katika mazingira ya uvunjifu wa sharti hili.
- (9) Mwamuzi na mwamuzi msaidizi yejote aliyepangwa kuchezesha mchezo wowote wa Shindano lolote la Wanawake TFF anawajibika kuzingatia yafuatayo:
- 9.1 Kutoa taarifa kwa TFF mara tu baada ya kupata taarifa ya Uteuzi wake juu ya uhusiano wowote kati yake na mhusika yoyote katika klabu au klabu alizopangiwa kuchezesha yanayoweza kusababisha mgongano wa kimaslahi (*conflict of interest*).
  - 9.2 Kutoa taarifa siku saba (7)/au muda wa karibu zaidi katika hali ya kawaida kabla ya mchezo aliopangiwa endapo hataweza kushiriki katika mchezo huo na kutoa sababu, na pia anaweza kutoa taarifa kwa dharura kutegemea dharura iliyojitekeza.

- 9.3 Kutoa taarifa ya safari yake kwa TFF na Msimamizi wa Kituo/Kamishna wa Mchezo husika aendako na matarajio ya kuwasili kwake.
- 9.4 Kufika kituo cha mchezo siku moja kabla na kuondoka si zaidi ya siku moja baada ya mchezo labda tu kwa dharura kubwa na za msingi. Mwamuzi atawajibika kutoa Taarifa rasmi kwa TFF katika mazingira ya tofauti na sharti hili.
- 9.5 Kuhudhuria kikao cha maandalizi ya mchezo (pre match meeting) kwa muda uliopangwa akiwa nadhifu, makini na kamili kwa wakati na bila kukosa wala kuchelewa (*wanaweza wasihudhurie endapo atateuliwa Mtathimini waamuzi*).
- 9.6 Kuwasilisha kwa Kamishna wa Mchezo husika madai yake sahihi ya malipo anayostahili na gharama zinazostahili marejesho (*akiambatanisha stakabadhi au nyaraka za uthibitisho*) kwa umakini, unadhifu na bila udanganyifu.
- 9.7 Kufika Uwanjani katika muda uliokubalika kwenye kikao cha maandalizi ya mchezo akiwa makini, kamili, nadhifu na bila kuchelewa.
- 9.8 Kutekeleza wajibu wake kwa/kwenye nafasi yake kama mwamuzi kwa kuzingatia miiko na maadili ya uamuzi, Uwajibikaji unaotarajiwa na mazingatio yasiyo mashaka ya sheria kumi na saba za mpira wa miguu (*17 Laws of the Game*) bila hiyari.
- 9.9 Kuhakikisha amepata uthibitisho kutoka kwa ofisa mhusika kwenye Leseni yake ya Uamuzi (*referee LogBook*) bila kukosa.
- 9.10 Kutoa taarifa kwa TFF kwa njia ya barua pepe (email) juu ya masuala yote yaliyo kwenye eneo lake pamoja na uchezeshaji na hali ya mchezo husika ndani ya saa ishirini na nne (24) baada ya mchezo kumalizika kwa kujaza fomu maalum ya Taarifa ya mwamuzi kwa unadhifu, ukweli, umakini na mazingatio ya weledi wa kiuamuzi (*kwa mwamuzi wa kati*). Mwamuzi atawajibika kutuma taarifa ya awali (*flash report*) na katika mazingira maalum au hitajika, mwamuzi anaweza kulazimika kutuma taarifa yake ya mchezo kwa njia ya elektroniki.
- (10) Katika mchezo wowote wa Shindano lolote la Wanawake TFF, uamuzi wa Mwamuzi uwanjani ni wa mwisho. Klabu zinatakiwa kuchukua hatua zinazofaa katika kutaarifu mamlaka husika juu ya malalamiko yoyote yanayohusiana na uamuzi au mwamuzi uwanjani kwa mujibu wa Kanuni hizi.
- (11) Mwamuzi wa Mashindano ya Wanawake ya TFF aliyepangwa kwenye mchezo husika hatakiwi kuwa na uhusiano unaosababisha mgongano wa kimaslahi baina yake binafsi katika au/na mojawapo au klubu zote anazozichezesha. Mwamuzi atahitajika kutoa taarifa kwa TFF endapo ana uhusiano unaoweza kusababisha mgongano wa kimaslahi kwa mchezo wowote aliopangiwa wa Ligi Kuu ya Wanawake, TFF itachukua hatua zinazofaa katika mazingira hayo.
- (12) Mwamuzi wa Mashindano ya Wanawake ya TFF haruhusiwi kuchezesha mchezo wowote ulio na hadhi ya Kitaifa ndani na nje ya nchi usiotambuliwa na TFF, na vivyo hivyo katika Hadhi zilizo kwenye Mamlaka ya FA(M) na FA(W) wake/yake husika, mwamuzi atakayekiuka atakabiliwa na adhabu.
- (13) Mwamuzi wa mchezo ndio pekee mwenye mamlaka ya kuamua kuhusu hali ya uwanja wa kuchezea (*pitch*) na kuruhusu mchezo kuchezwa au vinginevyo kwa mazingatio ya mahitaji kisheria kwa uwanja wa kuchezea na Maamuzi yake ni ya mwisho.

- (14) Mwamuzi na mwamuzi msaidizi yejote aliyejeteuliwa na kupangwa kuchezesha Shindano lolote la Wanawake TFF anawajibika kujiheshimu, kuwajibika, kufuata sheria kumi na saba za mchezo na kuzingatia nidhamu, maadili na sheria katika utekelezaji wa majukumu yake katika kiwango bora na kisichotia mashaka. Aidha mwamuzi anawajibika kuwa na haiba na mwenendo bora wa kitabia katika ushirikiano wake na wadau wengine wa mpira wa miguu.

# **SURA: XI**

## **UDHIBITI**

## **NA ADHABU**

- (1) Adhabu yoyote kwa Wachezaji, Maafisa wa Ufundu na muhusika yoyote binafsi katika Mashindano ya Wanawake zitahusiana na kutekelezwa katika Mashindano yote Rasmi ya TFF ambapo muhusika atawajibika kutumikia adhabu husika katika mchezo au ushiriki wake mwingine kwenye michezo ya Mashindano yote ya TFF. Adhabu zilizo na malimbikizo (*cautions*) zitahesabiwa kwa kuhusisha Mashindano yote Rasmi ya TFF.
- (2) Ni marufuku kwa Kocha/kiongozi wa Timu/Kilabu, mchezaji au mdau mwingine yeyote wa mpira wa miguu kushutumu au kutoa matamshi/maandiko/picha/video kwa lengo la kumkejeli au kumshutumu au kumkashifu au kumdhalilisha Mwamuzi yoyote wa mchezo/kiongozi wa TFF/FA(M) kwenye vyombo vya habari na mahali pengine popote. Kiongozi au mdau atakayekiuka atafungiwa idadi ya michezo isiyopungua mitatu (3) au kutojihusisha na mpira wa miguu kwa kipindi kati ya miezi mitatu (3) mpaka kumi na miwili (12) na/au faini kati ya shilingi laki tano (500,000/-) na milioni tano (5,000,000/-).
- (3) Adhabu za kuondolewa kwa mwamuzi au Ofisa mwingine wa mchezo zitatumika kwa Mashindano yote ya TFF isipokuwa tu pale ambapo adhabu husika imetolewa maelekezo maalum na chombo husika.
- (4) Pamoja na kutambua masharti yanayoainishwa kwenye kanuni ya 77 ya kanuni huzi, Tukio lolote la uvunjifu wa Kanuni mchezoni kama kupiga, kupigana, kutoa lugha za kashfa au matusi, kufanya vitendo vya kudhalilisha, vya kibagazi na/au kuvunja hadhi lililo na Ushahidi usiotiliwa mashaka litaamuliwa moja kwa moja na Kamati ya Usimamizi na Uendeshaji bila ya mahitaji ya kupelekwa kwenye vyombo vingine vya maamuzi. Kwa Matukio yanayohitaji Uchunguzi yatapelekwa kwenye Vyombo husika vya TFF.
- (5) Kitendo chochote cha uvunjaji taratibu au ukiukaji mwingine wowote kanuni na taratibu kwa mujibu wa kanuni hizi ikiwemo taratibu za Usajili wa wachezaji au taratibu nyingine za uendeshaji Ligi Kuu amba haukuainishwa waziwazi kwenye kanuni hizi bado utastahili adhabu kwa muhusika kwa kupewa Onyo Kali au Karipio na/au faini kati ya shilingi laki tatu (300,000/-) mpaka shilingi milioni tatu (3,000,000/-) na/au kufungiwa kwa kipindi kati ya miezi mitatu (3) mpaka miezi ishirini na nne (24) au michezo kati ya mitatu (3) mpaka kumi (10).
- (6) Adhabu za Kadi na nyinginezo zinazohusiana na mchezo zitatafsirika kwa alama kama inavyoonekana kwenye jedwali la viwango vya adhabu:

Kiwango cha ADHABU	Alama
<b>WACHEZAJI</b>	
Kadi ya Njano	1
Kadi ya Pili ya Njano (Nyekundu)	2
Kadi Nyekundu (ya moja kwa moja)	3
Kadi Nyekundu (ya moja kwa moja kupiga/nyingine)	5
Adhabu bila ya kuonyeshwa kadi Uwanjani	5
<b>VIONGOZI WA UFUNDI</b>	
Kadi ya Njano	1
Kadi ya Pili ya Njano (Nyekundu)	3
Kadi Nyekundu (ya moja kwa moja)	4
Kadi Nyekundu (ya moja kwa moja kupiga/nyingine)	6
Adhabu bila ya kuonyeshwa kadi Uwanjani	6

- (1) Wachezaji wa Mashindano yote ya Wanawake wanatakiwa kufuata Sheria, Kanuni na Taratibu zilizowekwa, wanatakiwa kudumisha Nidhamu ndani na nje ya uwanja. Mienendo ya wachezaji itadhibitiwa na Kanuni hizi.
- (2) Mchezaji atayeadhibiwa na Mwamuzi kwa kuonyeshwa kadi kutokana na Makosa kuhusiana na Mchezo husika ataadhibiwa kwa Utaratibu ufuatao wa Kanuni hii isipokuwa Knauni (42.2.3 - 42.2.5) kwa Mashindano ya Wanawake TFF yaliyo kwenye Mfumo wa Kituo (Kanuni ya 7 na 8) ya Kanuni hizi.
- 2.1 Mchezaji atakayetolewa nje kwa kadi nyekundu baada ya kadi mbili za njano (*second yellow card*) katika mchezo wa ligi hataruhusiwa kucheza mchezo mmoja unaofuata wa timu yake.
  - 2.2 Mchezaji atakayetolewa nje kwa kadi nyekundu ya moja kwa *moja (straight red)* atakosa michezo miwili inayofuata ya timu yake.
  - 2.3 Mchezaji atakayeonywa kwa kadi ya njano katika michezo mitatu hataruhusiwa kucheza mchezo mmoja unaofuata wa timu yake.
  - 2.4 Mchezaji atakayepata kadi ya njano katika mchezo itakayotimiza idadi ya kadi tatu (3) za njano zinazostahili adhabu na kisha kupata kadi nyekundu ya moja kwa moja (*straight red*) katika mchezo huo huo atafungiwa kucheza michezo mitatu (3) inayofuata ya timu yake.
  - 2.5 Mchezaji atakayepata kadi ya njano katika mchezo itakayotimiza idadi ya kadi tatu (3) za njano zinazostahili adhabu na kisha kupata kadi ya pili ya njano na hivyo kupewa kadi nyekundu (*second yellow*) katika mchezo huo huo atafungiwa kucheza michezo miwili (2) inayofuata ya timu yake.
  - 2.6 Mchezaji atakayetolewa nje kwa kadi nyekundu kwa kosa la kupiga/kupigana na mchezaji mwenziye katika mchezo husika atasimama kushiriki michezo mitatu (3) inayofuata ya klabu yake na atalipa faini ya shilingi milioni moja (1,000,000).
- (3) Mchezaji atayeadhibiwa na Mwamuzi kwa kuonyeshwa kadi kutokana na Makosa kuhusiana na Mchezo husika katika Mashindano ya Wanawake ya TFF yaliyo kwenye mfumo wa Kituo au/na Kanuni ya 7 na 8 ya Kanuni hizi hizi Pamoja na mazingatio ya vipengele vingine vya Kanuni ya 42.2 ya Kanuni ataadhibiwakwa Utaratibu ufuatao:
- 3.1 Mchezaji atakayeonywa kwa kadi ya njano katika michezo miwili hataruhusiwa kucheza mchezo mmoja unaofuata wa timu yake.
  - 3.2 Mchezaji atakayepata kadi ya njano katika mchezo itakayotimiza idadi ya kadi mbili (2) za njano zinazostahili adhabu na kisha kupata kadi nyekundu ya moja kwa moja (*straight red*) katika mchezo huo huo atafungiwa kucheza michezo mitatu (3) inayofuata ya timu yake.
  - 3.3 Mchezaji atakayepata kadi ya njano katika mchezo itakayotimiza idadi ya kadi mbili (2) za njano zinazostahili adhabu na kisha kupata kadi ya pili ya njano na hivyo kupewa kadi nyekundu (*second yellow*) katika mchezo huo huo atafungiwa kucheza michezo miwili (2) inayofuata ya timu yake.
- (4) Mchezaji yoyote atakayetakiwa kufanya vipimo vya dawa za kulevyu au kuongeza nguvu, anawajibika kufanya hivyo, endapo atagundulika kutumia dawa za kulevyu au kuongeza nguvu au atakataa kufanya vipimo hivyo atafungiwa kwa kipindi cha miezi kumi na miwili (12).

- (5) Mchezaji yeote atakayebainika kugomea mchezo, kufanya vurugu na/au kusababisha kuvurugika kwa mchezo mpaka mchezo huo kuvunjika atafungiwa kucheza na kujihusisha na mpira wa miguu kwa kipindi kati ya miezi sita (6) mpaka miaka mitano (5) na faini ya shilingi laki tano (500,000) mpaka shilingi milioni moja (1,000,000).
- (6) Mchezaji atakayefanya jambo lolote kati ya yafuatayo atafungiwa michezo isiyopungua mitatu (3) na faini isiyopungua shilingi laki tano (500,000/-) mpaka milioni mbili (2,000,000).
- 6.1 Kutojiunga na Timu ya Taifa kwa sababu yoyote isiyo ya msingi.
- 6.2 Kupigana/kupiga kabla, wakati wa mchezo au mara tu baada ya mchezo kumalizika.
- 6.3 Kumshambulia mwamuzi, kiongozi, mtazamaji au mtu yoyote kwa namna yoyote ile, iwe kwa matusi au kwa vitendo.
- 6.4 Kufanya kitendo chochote cha aibu, kama vile kukojoa kiwanjani, kukataa kupeana mkono na mgeni rasmi, waamuzi na wachezaji wa timu pinzani, kutoa au kuonesha ishara inayoashiria matusi.
- 6.5 Kufanya vitendo vyenye kuonesha imani za ushirikina na uchawi hadharani au vitavyobainishwa kwa ushahidi mwingineo.
- 6.6 Kufanya kitendo chochote kingine kitakachobainika kuwa ni kinyume cha maadili ya mchezo wa mpira wa miguu.
- (7) Mchezaji atakayebainika kukutwa na makosa ya utovu wa nidhamu yanayojirudia au mara nyingi (*sugu wa utovu wa nidhamu*) atafungiwa kucheza kati ya michezo mitano (5) mpaka kumi (10) na faini isiyopungua shilingi milioni moja (1,000,000/-).
- (8) Mchezaji atakayeonyeshwa kadi nyekundu katika mchezo wa mwisho wa Shindano lolote la Wanawake la TFF au atakayemaliza msimu wa Mashindano ya Wanawake akiwa na adhabu ambayo haijaisha muda wake ataendelea kutumikia adhabu hiyo katika msimu unaofuata (*katika timu au daraja lolote*) isipokuwa adhabu inayotokana na kadi za njano (*kanuni 42:2.3*) na (42.3.1)
- (9) Mchezaji atakayesababisha na/au kufanya vurugu za aina yoyote mara baada ya mchezo kumalizika atafungiwa kati ya michezo mitatu (3) mpaka sita (6) na faini kati ya shilingi laki tano (500,000/-) mpaka shilingi milioni moja (1,000,000).
- (10) Mchezaji atakayebainika kutoa taarifa za uongo kufanikisha kuthibitishwa kwa usajili wake na kushiriki kucheza Shindano la Wanawake la TFF atafungiwa kwa kipindi kisichozidi miaka miwili (2) na faini ya shilingi laki tano (5000,000/-) Matokeo ya michezo aliocheza yatabaki kama yalivyotokea uwanjani.
- (11) Mchezaji atakayebainika kushiriki kucheza mchezo wowote wa Mashindano ya Wanawake ya TFF hali akijua kuwa hajathibitishwa kiusajili atafungiwa kujihusisha na masuala ya mpira wa miguu kwa kipindi cha miezi kumi na miwili (12) na faini ya shilingi laki tano (500,000/-). Timu iliyomchezeshi itapoteza mchezo wowote alioshiriki na timu pinzani itapewa ushindi.
- (12) Mchezaji atakayebainika kupanga matokeo ya mchezo kwa namna yoyote ile atafungiwa maisha kucheza mpira ndani na nje ya nchi.
- (13) Mchezaji yeote atakayebadili jina lake halisi kwa madhumuni ya kudanganya ili asajiliwe kinyume cha masharti ya kanuni hizi atafungiwa kucheza mpira wa

miguu ndani na nje ya nchi kwa kipindi kisichopungua miezi kumi na miwili (12) kuanzia tarehe ya kubainika.

- (14) Mchezaji atakayebainika kusaini fomu/mikataba na klabu zaidi ya moja kwa wakati mmoja na kuombewa usajili na klabu hizo katika kipindi cha msimu mmoja wa usajili atafungiwa kucheza mpira ndani na nje ya nchi kwa kipindi kati ya mwaka mmoja (1) na miaka mitatu (3).
- (15) Mchezaji yeyote wa timu ya Mashindano ya Wanawake ya TFF atakayekataa kuhojiwa na vyombo vya habari baada ya mchezo kumalizika baada ya kutakiwa kufanya hivyo na maofisa wa mchezo atatozwa faini ya shilingi laki tatu (300,000) na/au kufungiwa kucheza michezo miwili (2).
- (16) Mchezaji wa Klabu ya Inayoshiriki Women League anaweza kuadhibiwa kwa mujibu wa kanuni hizi kutokana na makosa ya utovu wa nidhamu au ukiukaji wa maadili yaliyotokana na mchezo wa kirafiki na mashindano mengine yanayotambuliwa aliyoshiriki na timu yake au kwa namna nyingine.
- (17) TFF inaweza kuwatumbia kwa pamoja wachezaji wasiopungua wanne katika shughuli ya kijamii kuhusiana na Women League na Udhamini wa Shindano husika la Wanawake kupitia klabu yao. Wachezaji watakaokaidi/kushindwa bila sababu za msingi zinazokubalika kwa TFF kila mmoja atafungiwa michezo isiyopungua mitatu na faini shilingi laki tano (500,000/-).
- (18) Mchezaji aliyetozwa faini na kuamriwa kulipa kutokana na makosa aliyofanya hataruhusiwa kucheza mchezo unaofuata wa klabu yake mpaka faini hiyo iwe imelipwa, klabu itapoteza mchezo kwa kumchezeshwa mchezaji ambaye hajalipa faini bila ya kujali kumalizika kwa adhabu nyingine iliyoambatana na faini hiyo.
- (19) Mchezaji atakayemaliza msimu wa ligi au kuhamia klabu nyingine akiwa anatumikia adhabu ataendelea kutumikia adhabu hiyo katika msimu unaofuata au katika klabu atakayohamia kwa daraja atakalokuwepo. Ukiukwaji wa sharti hili utavutia adhabu kwa kilabu na mchezaji.
- (20) Uvunjifu wowote wa Masharti ya Kimkataba yanayohusu Matumizi yoyote ya Mchezaji wa Klabu ya Mashindano ya Wanawake ya TFF yasiyokuwa na ridhaa au idhini ya Klabu yake yataamuliwa na Kilabu husika kwa Mazingatio ya Masharti stahili ya Mkatuba wa Mchezaji na Kilabu husika.
- (21) Mchezaji yeyote atakayepatikana na hatia ya kufanya makosa makubwa ya kimaadili au kinidhamu, au ya kibaguzi au ya kidhalilishaji au yatakayotafsiriwa kuwa ni ukiukaji mkubwa wa taratibu za mchezo na ubinadamu atatozwa faini kati ya shilingi laki tano (500,000/-) mpaka shilingi milioni tatu (3,000,000/-) au/na kusimamishwa kushiriki michezo mitatu (3) mpaka kumi (10) ya klabu yake yoyote atakayoitumikia katika Mashindano ya Wanawake ya TFF au kufungiwa kipindi cha kati ya mwaka mmoja (1) na miwili (2).
- (22) Mchezaji atakayethibitika na kupatikana na hatia ya kumpiga mchezaji mwenzake isivyo kawaida au kwa kutumia nguvu kubwa kuliko kawaida/kupigana au kumpiga mwamuzi, kijana wa mipira (*ballkid*), au afisa/mhudumu mwingine wa mchezo atasimama kushiriki michezo isiyopungua mitano (5), au kufungiwa kati ya miezi mitatu mpaka mwaka mmoja na faini isiyopungua shilingi laki tano (500,000/-) bila ya kujali kutochukuliwa hatua au hatua yoyote iliyochochukuliwa na mwamuzi uwanjani na kwa mazingatio ya kanuni ya (42.6.3).

(1) Mwamuzi yeote atakayethibitika au kubainika kwa lolote mionganoni mwa yafuatayo katika kanuni hii atapata adhabu ya kuonywa, kuondolewa katika ratiba ya waamuzi kati ya mizunguko mitatu (3) mpaka mitano (5), kufungiwa kati ya miezi mitatu (3) mpaka sita (6).

Kwa makosa yanayojirudia na kwa makosa ya Rushwa atafungiwa kwa miaka mitatu (3) au/na kushushwa daraja la uamuzi au/na kuondolewa au kufutwa kabisa katika orodha ya waamuzi wanaotambuliwa na TFF na kunyang'anywa leseni/hadhi ya uamuzi.

- 1.1 Akishindwa kumudu mchezo kwa uzembe, makusudi, woga au kutozingatia sheria ipasavyo kiasi cha kuvuruga mchezo, kuhatarisha amani au kutia aibu fani ya uamuzi na/au kushusha hadhi ya mpira wa miguu.
  - 1.2 Akishindwa kufika kwenye kituo kwa wakati au kushindwa kufika kwenye mchezo au kucheleta kwenye mchezo kiasi cha kusababisha mchezo kuanza ukiwa umecheleta au kutofanyika au kusababisha mchezo kuahirishwa au kurekebishiwa kwa ratiba ya waamuzi.
  - 1.3 Akifanya kitendo cha utovu wa nidhamu kama vile kutukana, kufanya fujo ya aina yoyote, kuanzisha ugomvi au kupigana kabla, wakati au baada ya kumaliza mchezo, kubainika kutumia kilevi cha aina yoyote wakati wa kikao cha maandalizi na wakati wa mchezo pamoja na kitendo kingine chochote kinyume na maadili ya uamuzi wa mpira wa miguu.
  - 1.4 Akibainika kuandika taarifa yake kwa kusudio la kutoa taarifa ya uongo au kusudio lolote au kutoa taarifa itakayobainika kuwa sio sahihi au ya udanganyifu kwa sababu yoyote ile.
  - 1.5 Akibainika kwa namna yoyote au kutoa visingizio visivyokuwa na msingi ili kukwepa mchezo aliopangiwa au atakayekuwa na uhusiano katika/na timu yoyote aliopangiwa kuchezesha na kushindwa kutoa taarifa za uhusiano huo kwa wakati.
  - 1.6 Atakayebainika kushindwa kuchukua hatua stahili kwa wachezaji na viongozi wa timu kwa vitendo vya utovu wa nidhamu au ukiukwaji wa taratibu kipindi kabla, wakati na baada tu ya mchezo kumalizika.
  - 1.7 Atakayebainika kutovaa vifaa vya mdhamini alivyopewa kwa madhumuni yaliyokusudiwa na/au atakayefanya jambo lolote kumdhalilisha mdhamini wa Ligi Kuu au bidhaa au tangazo la mdhamini katika mchezo husika au kwa namna yoyote ile.
  - 1.8 Atakayebainika kushindwa kutafsiri sheria za mpira wa miguu ipasavyo katika mchezo aliouchezeshaa na kupelekea kuwa na upungufu mwingi wa kiuchezeshaji na hata kusababisha kupata alama ndogo au kubainika kwa hali hiyo ya uchezeshaji kwa njia nyingine yoyote inayoaminika.
- (2) Akibainika kuwa amedai Rushwa au amepokea/ametoa Rushwa au kuhusika na matendo yoyote yanayoashiria Rushwa ikiwa ni pamoja na kushindwa kabisa kutoa taarifa ya Rushwa au kwa wakati, au kutoa taarifa ya mpango wa Rushwa inayotia mashaka au kushawishi kuteuliwa na/au kupangwa kwa njia yoyote atafungiwa kwa mwaka mmoja mpaka miaka mitatu (3) au maisha.
  - (3) Mwamuzi TEULE wa Mashindano ya Wanawake ya TFF ataadhibiwa na kanuni hizi kutokana na makosa yanayotokana na mchezo wa kirafiki na mashindano mengine yanayotambuliwa aliyochezeshaa yakihuisha timu zozote au kwa kiuchezeshaa mchezo wowote wa mpira wa miguu usiotambuliwa na TFF na FA(M) wake au FA(W) yake.

- (4) Mwamuzi yejote atakayebainika kuwa na upungufu au kushindwa kukidhi mahitaji ya vigezo na taratibu za kiuamuzi kama zinavyoainishwa kwenye kanuni ya 40:(5.1 - 5.3) na (9.1 - 9.10) ya kanuni hizi ataadhibiwa kwa kuondolewa kwenye ratiba kwa mizunguko mitatu (3) mpaka mitano (5), kupewa Onyo Kali au Karipio, kushushwa daraja la Mashindano au Kufungiwa kipindi kuanzia mwezi mmoja (1) mpaka mwaka mmoja (1), kwa makosa ya Rushwa ataondolewa kwenye Mashindano ya Wanawake au/na kushushwa Daraja la Uamuzi na/au Kufutwa kwenye orodha ya waamuzi wanaotambuliwa na TFF na kunyanganywa leseni yake ya uamuzi.

#### Kanuni : 44

#### Udhibiti kwa Kamishna

- (1) Kamishna wa Mashindano ya Wanawake ya TFF anawajibika kujiheshimu, kuwa makini na kushughulikia masuala yote ya mchezo ipasavyo na kuyatolea taarifa kwa kutumia fomu maalum kwa ukweli na umakini na si vinginevyo.
- (2) Kamishna wa Mashindano ya Wanawake ya TFF anaweza kuchukuliwa hatua stahili kwa makosa yoyote yaliyotokana na mchezo wa kirafiki aliosimamia uliohusisha timu zozote au za Mashindano mengineyo.
- (3) Kamishna Atakayebainika kuwa amedai Rushwa au amepokea/ametoa Rushwa au kuhusika na mpango/matendo yoyote yanayoashiria Rushwa ikiwa ni pamoja na kushindwa kabisa kutoa taarifa ya Rushwa au kwa wakati, au kutoa taarifa ya mpango wa Rushwa inayotia mashaka atafungiwa maisha.
- (4) Kamishna anaweza kuadhibiwa kwa Onyo au Karipio au Kufungiwa kati ya miezi mitatu (3) mpaka miaka mitatu (3) au kuondolewa kwenye ratiba ya Mashindano ya Wanawake ya TFF au kuondolewa kwenye Orodha ya Makamishna wanaotambuliwa na TFF endapo atabainika au kuthibitika kufanya katika yafuatayo:
  - (4.1) Kamishna atakayebainika kukataa kupokea Pingamizi la Mchezo au Malalamiko kwa sababu zisizokuwa za msingi/au atakayeshindwa kuchukua hatua stahili kuhusiana na Pingamizi katika mchezo.
  - (4.2) Akishindwa kutoa Taarifa Rasmi husika kama zinavyoelekezwa kwenye Muongozo wa Kamishna kwa Msimu husika au Taarifa ya mchezo ya Kamishna kwa usahihi na ukweli ikiwemo taarifa ya mchezaji bora wa mchezo husika na taarifa ya Mapato, au akishindwa kuwasilisha taarifa ya mchezo aliosimamia ndani ya saa 24 (*ishirini na nne*) baada ya mchezo kumalizika, au akibainika kushirikiana na mwamuzi kuandika taarifa ya mchezo kwenye maudhui ya taarifa (*ukiondoa ulinganisho wa usahihi wa kadi, magoli, mabadiliko ya wachezaji na muda*), au akishindwa kutaarifu matukio mengine yaliyotokea kuhusiana na mchezo husika, au akitumia uongo au udanganyifu au taarifa yake isiyokuwa sahihi.
  - (4.3) Atakayebainika kuchelewa au kushindwa kufika kwenye kikao cha maandalizi ya mchezo au mchezoni, au kushindwa kufika kwenye mchezo kiasi cha kusababisha ratiba ya Makamishna kubadilishwa au mchezo kuchezwa bila Kamishna pasipo kutoa taarifa inayokubalika na kwa wakati, au atakayebainika kutumia kilevi cha aina yoyote wakati wa kikao cha maandalizi ya mchezo (MCM) au wakati wa mchezo au kuendesha kikao cha Maandalizi ya mchezo akiruhusu ushiriki wa maofisa wa timu na wengineo wasiohusika.
  - (4.4) Kamishna atakayebainika kuwa alitoa visingizio visivyokuwa na msingi kukwepa mchezo aliopangwa au kushawishi kuteuliwa na/au kupangwa kwa njia yoyote ile.

- (4.5) Kamishna akishindwa kufanya kazi pingamizi la mchezo lililosilishwa kwake, kwa kutafuta ushahidi wa kusaidia maamuzi ya malalamiko husika.
- (4.6) Kamishna atakayeondolewa au kufungiwa kwa kipindi zaidi ya miezi sita (6) hatajumuishwa kwenye orodha ya Makamishna wa Mashindano ya Wanawake ya TFF msimu unaofuata.
- (4.7) Kamishna atakayeshindwa kutoa taarifa sahihi za matukio ya vurugu ikiwemo mwamuzi kushambuliwa na kupigwa, kwa kuainisha ipasavyo wahusika.
- (4.8) Atakayeshindwa kushughulikia jambo jingine lolote lililo kwenye mamlaka yake au kushindwa kutekeleza ipasavyo maelekezo ya Utatuzi wa tatizo kutoka TFF.
- (4.9) Akishindwa kutekeleza ipasavyo Taratibu kama zinavyoelekezwa kwenye Muongozo wa kamishna kwa msimu husika.

## Kanuni : 45

## Udhibiti kwa Mtathimini Waamuzi

- (1) Mtathimini Waamuzi wa Mashindano ya Wanawake ya TFF anawajibika kuijheshimu, kuwa makini na kushughulikia masuala yote ya mchezo ipasavyo na kuyatolea taarifa kwa kutumia fomu maalum kwa ukweli na umakini ili kusaidia Kuimarisha sekta ya Uamuzi na Waamuzi.
- (2) Mtathimini Waamuzi wa Mashindano ya Wanawake ya TFF anaweza kuchukuliwa hatua stahili kwa makosa yoyote yaliyotokana na mchezo wa kirafiki aliosimamia uliohusisha timu ya/za Ligi Kuu ya Wanawake au za Mashindano mengineyo.
- (3) Mtathimini Waamuzi Atakayebainika kuwa amedai Rushwa au amepokea/ametoa Rushwa au kuhusika na mpango/matendo yoyote yanayoashiria Rushwa ikiwa ni pamoja na kushindwa kabisa kutoa taarifa ya Rushwa au kwa wakati, au kutoa taarifa ya mpango wa Rushwa inayotia mashaka atafungiwa maisha.
- (4) Mtathimini Waamuzi anaweza kuadhibiwa kwa Onyo au Karipio au Kufungiwa kati ya miezi mitatu mpaka miaka mitatu au kuondolewa kwenye ratiba ya Mashindano ya Wanawake ya TFF au kuondolewa kwenye Orodha inayotambuliwa na TFF endapo atabainika au kuthibitika kufanya katika yafuatayo:
  - 4.1 Akishindwa kuwasilisha Taarifa ya Mtathimini Waamuzi kwa usahihi na ukweli, au akishindwa kuwasilisha taarifa ya mchezo aliosimamia ndani ya saa 24 (ishirini na nne) baada ya mchezo kumalizika, au akibainika kushirikiana na mwamuzi kuandika taarifa ya mchezo kwenye maudhui ya taarifa (*ukiondoa ulinganisho wa usahihi wa kadi, magoli, mabadiliko ya wachezaji na muda*), au akishindwa kutaarifu matukio mengine yaliyotokea kuhusiana na mchezo husika, au akitumia uongo au udanganyifu au taarifa zisizo sahihi kwenye taarifa yake.
  - 4.2 Atayashindwa kutekeleza majukumu yanayowahu Waamuzi kwa mujibu wa Kanuni na taratibu.
  - 4.3 Mtathimini Waamuzi atakayebainika kuwa alitoa visingizio visivyokuwa na msingi kukwepa mchezo aliopangwa au kushawishi kuteuliwa na/au kupangwa kwa njia yoyote ile.
  - 4.4 Mtathimini Waamuzi atakayeondolewa au kufungiwa kwa kipindi zaidi ya miezi sita (6) hatajumuishwa kwenye orodha ya Makamishna wa Mashindano ya Wanawake ya TFF msimu unaofuata.

- 4.5 Mtathimini/Mkufunzi Waamuzi ambaye hajateuliwa kwa mchezo husika endapo ataingilia Utaratibu wa mchezo kwa namna yoyote au kushirikisha waamuzi katika mambo ambayo hayajapangwa kama sehemu ya mchezo husika atachukuliwa hatua bila kujali kuwa sio afisa husika kwa mchezo husika.

**Kanuni : 46      Udhhibit kwa Makocha**

- (1) Kocha (Coach) wa Timu ya Mashindano ya Wanawake ya TFF ataadhibiwa kwa mujibu wa Kanuni hizi kutokana na makosa atakayofanya kwenye michezo ya Mashindano ya Wanawake ya TFF ya timu yake au Mchezo wa Kirafiki wa Timu yake au Mchezo wowote Unaotambuliwa timu yake ilioshiriki.
- (2) Kocha (*coach*) yeyote atakayefanya jambo lolote kati ya haya yafuatayo ataadhibiwa kwa mujibu wa Kanuni hii kama inavyoelekezwa ifuatavyo:
- 2.1 Akimshambulia mwamuzi, mchezaji au kiongozi yeyote, kwa maneno au vitendo, kabla, wakati au baada ya mchezo, atatozwa faini isiyopungua shilingi laki tano (500,000/-) mpaka milioni mbili (2,000,000) na kufungiwa michezo isiyopungua mitatu (3), bila ya kujali adhabu yoyote iliyotolewa na mwamuzi kiwanjani.
- 2.2 Akitoa kauli au ishara inayoashiria au kushawishi shari kabla, wakati au baada ya mchezo atatozwa faini isiyopungua shilingi laki tano (500,000/-) mpaka milioni moja (1,000,000). na kufungiwa michezo isiyopungua mitatu (3).
- 2.3 Akibainika kuwa anadai Rushwa au amepokea/ametoa Rushwa au kuhusika na matendo yoyote yanayoashiria Rushwa ikiwa ni pamoja na kushindwa kabisa kutoa taarifa ya mpango wa Rushwa kwa wakati au inayotia mashaka, au kutoa taarifa (*itakayohitajika*) ya mchezo isiyo sahihi kwa makusudi atafungiwa maisha.
- 2.4 Akijishirikisha na vitendo vyovyote vile vinavyoashiria imani za uchawi au ushirikina atatozwa faini kati ya shilingi laki tatu (300,000) na milioni kumi (10,000,000) na kufungiwa michezo isiyopungua mitatu (3).
- 2.5 Akifanya kitendo chochote ambacho ni kinyume cha maadili ya taaluma ya ukocha wa mpira wa miguu kama vile kusimamia benchi la ufundi katika mchezo akiwa ameleta atafungiwa kipindi kisichopungua mwaka mmoja au/na faini ya shilingi laki tano (500,000)
- 2.6 Akibainika kughushi saini ya mchezaji au kufanya tendo lolote kwa lengo la kukamilisha zoezi la usajili kwa udanganyifu atafutwa katika orodha ya waalimu, leseni yake itatwaliwa na hatua za kisheria zitachukuliwa dhidi yake.
- 2.7 Akibainika kusababisha timu kutofika uwanjani na kukosa mchezo, baada ya kuhudhuria kikao cha maandalizi, atatozwa faini ya shilingi milioni moja (1,000,000/-) na kufungiwa kwa kipindi kisichopungua miezi kumi na mbili (12).
- 2.8 Akibainika kusababisha au kuhamasisha vurugu au kugomea mpaka kupelekea mchezo kuvunjika atafungiwa kwa kipindi kisichopungua miezi kumi na miwili na faini ya shilingi laki tano (500,000/-)
- 2.9 Akithhibitika kutoa shutuma, kejeli au kushambulia mwamuzi wa mchezo, msimamizi au TFF kwenye vyombo vya habari atafungiwa kushiriki mechi

tatu mpaka sita na/au kutozwa faini ya shilingi laki mbili (200,000/-) mpaka milioni mbili (2,000,000).

- 2.10 Akithhibitika kumchezesha mchezaji ambaye ni batili kiusajili au ambaye usajili wake haujathhibitishwa na TFF atafungiwa kwa kipindi cha mwaka mmoja na faini ya shilingi milioni moja (1,000,000/-)
- 2.11 Kocha atakayetolewa kwa kadi nyekundu na mwamuzi kwenye mchezo wa Mashindano ya Wanawake ya TFF atafungiwa kuiongoza timu yake kwenye vyumba vya kuvalia na benchi la ufundi katika michezo mitatu (3) inayofuatia ya timu yake na kutozwa faini ya shilingi laki tano (500,000/-) kwa Ligi Kuu. Kwa Mashindano mengine mafupi atafungiwa kwa michezo miwili na faini ya shilingi laki moja (100,000/-)
- 2.12 Kocha/Kiongozi wa Ufundu atakayeonywa kwa kadi ya njano na mwamuzi kwenye michezo miwili ya Mashindano ya Wanawake ya TFF atafungiwa kuiongoza timu yake kwenye benchi la ufundi wakati wa mchezo katika mchezo mmoja unaofuatia wa timu yake.
- 2.13 Kocha atakayekataa kuhojiwa na vyombo vya habari kwenye mchezo wa Mashindano ya Wanawake ya TFF baada ya kutakiwa kufanya hivyo na maofisa wa mchezo atafungiwa kuiongoza timu yake kwenye vyumba vya kuvalia na benchi la ufundi la timu yake katika michezo miwili (2) inayofuata na/au kutozwa faini ya laki tatu (300,000/-)

#### Kanuni : 47      **Udhibiti kwa Viongozi**

- (1) Kanuni hizi za Mashindano ya Wanawake ya TFF zitadhibiti mienendo ya Viongozi wa ngazi Mbalimbali kuhusiana na Nafasi zao katika Uendeshaji wa Mashindano ya Wanawake ya TFF kutokana na Uvunjifu wa Kanuni katika Utekelezaji wa Majukumu kwenye Mashindano husika.
- (2) Kiongozi akibainika kudai, kupokea/kutoa Rushwa au kuhusika na vitendo vinavyoashiria Rushwa ikiwa ni pamoja na kushawishi Rushwa kwa waamuzi au wachezaji wa timu yoyote au kuthhibitika kuhusika na masuala ya Rushwa kwa namna yoyote atafungiwa maisha.
- (3) Akimshambulia Mwamuzi, mchezaji au kiongozi mwengine yoyote, kwa maneno au vitendo, kabla, wakati au baada ya mchezo atafungiwa kwa kipindi kisichozidi miezi sita na faini ya shilingi laki tano (500,000/-) mpaka milioni mbili (2,000,000).
- (4) Akifanya kitendo chochote kinachoashiria imani ya uchawi/ushirikina atafungiwa kwa kipindi cha miezi sita na faini ya shilingi laki tano (500,000/-) mpaka milioni kumi (10,000,000).
- (5) Akifanya kitendo chochote ambacho ni kinyume cha maadili ya uongozi wa mpira wa miguu kama vile kuhudhuria kikao cha maandalizi ya awali ya mchezo husika/au kusimamia shughuli za mchezo husika akiwa ameleta atafungiwa kwa kipindi kisichozidi miezi kumi na miwili (12).
- (6) Akishindwa kutoa taarifa zinazohitajika TFF kwa mujibu wa maagizo husika atafungiwa kwa kipindi kisichopungua miezi mitatu (3).
- (7) Akitoa taarifa isiyo sahihi kiasi cha kupotosha maamuzi ya TFF atafungiwa kwa kipindi kisichozidi miezi kumi na miwili (12).
- (8) Akitoa matamshi au ishara za matusi dhidi ya mashabiki, akitoa matamshi, ishara za matusi yenye nia ya kumdhilisha kiongozi mbele ya jamii awe wa TFF, Klabu au Taifa atatozwa faini ya shilingi laki tano (500,000/-) na kufungiwa kwa kipindi kisichopungua miezi mitatu (3).

- (9) Kiongozi atakayebainika kushindwa/kukaidi kutii maamuzi au maagizo ya TFF atafungiwa kwa kipindi kati ya miezi mitatu (3) na miaka mitatu (3) na kutozwa faini isiyopungua shilingi milioni moja (1,000,000/-)
- (10) Ni marufuku kwa Kocha/kiongozi wa Timu/Kilabu kushutumu au kutoa matamshi/maandiko/picha/video kwa lengo la kumkejeli au kumshutumu au kumkashifu au kumdhalilisha Mwamuzi yoyote wa mchezo/kiongozi wa TFF/FA (M)kwenye vyombo vya habari na mahali pengine popote. Kiongozi atakayekiuka atafungiwa idadi ya mchezo isiyopungua mitatu au kipindi kati ya miezi mitatu (3) mpaka kumi na miwili (12) na/au faini kati ya shilingi laki tano (500,000/-) na milioni mbili (2,000,000).
- (11) Kiongozi akibainika kuhudhuria kikao cha maandalizi ya mchezo kwa kujisingizia cheo kisicho kuwa chake atatozwa faini ya shilingi laki moja (100,000/-) na/au kufungiwa kwa kipindi kisichopungua miezi mitatu (3).
- (12) Uongozi ukibainika kughushi saini ya mchezaji kwa lengo la kukamilisha zoezi la usajili kwa udanganyifu, kiongozi wa klabu husika atafungiwa kwa kipindi kisichopungua miaka mitano na hatua za kisheria zitachukuliwa dhidi yake/yao.
- (13) Kiongozi akibainika kutoa taarifa au nyaraka zisizo sahihi au za udanganyifu kwa TFF kwa lengo la kufanikisha usajili wa mchezaji au jambo lolote lililo na masharti maalum atakabiliwa na adhabu ya faini ya shilingi laki tano (500,000/-) au kufungiwa miaka miwili (2).
- (14) Kiongozi atakayebainika kusababisha timu kutofika uwanjani na kukosa mchezo, baada ya kuhudhuria kikao cha maandalizi, atatozwa faini ya shilingi laki tano (500,000/-) na kufungiwa kipindi kisichopungua miezi kumi na miwili (12).
- (15) Akibainika kusababisha au kuhamasisha vurugu au kugomea mpaka kusababisha mchezo kuvunjika atafungiwa kwa kipindi kisichopungua miezi kumi na miwili (12) na faini ya shilingi milioni moja (1,000,000/-).
- (16) Akibainika kushiriki mpango wa kupanga matokeo ya mchezo atafungiwa maisha.
- (17) Akibainika kushawishi, kupotosha au kuzuia maamuzi/utekelezaji wa maamuzi ya TFF, atatozwa faini ya shilingi milioni tano (5,000,000/-) na/au kufungiwa kujihusisha na masuala ya mpira wa miguu kwa kipindi cha miaka saba.
- (18) Kiongozi ye yoyote atakayeweka saini ya uongo kwa madhumuni yoyote yale au atakayetoea taarifa zisizo sahihi na kupotosha vyombo vingine katika maamuzi yake kuhusiana na usajili na uhamisho atakabiliwa na adhabu ya kufungiwa kwa kipindi kisichopungua miezi sita.
- (19) Kiongozi atakayekataa au kukwepa bila sababu ya msingi kusaini fomu/mkataba ya/wa usajili kwa madhumuni ya uhamisho atakabiliwa na adhabu ya kufungiwa kipindi kisichopungua miezi sita.
- (20) Msimamizi wa kituo atakayeshindwa kutekeleza majukumu yake ipasavyo ikiwemo kushindwa kutuma fedha na taarifa za fedha za kituo chake kwa TFF ataondolewa kwenye orodha ya wasimamizi wa kituo bila ya kujali hatua nyingine zinazoweza kuchukuliwa na TFF.
- (21) Kiongozi ye yoyote mwingine wa Benchi la Ufundu la Timu ya Mashindano ya Wanawake ya TFF tofauti na Kocha Mkuu atakayetolewa kwenye Benchi la Ufundu kwa Kadi nyekundu atafungiwa kuiongoza timu yake kwenye Benchi la Ufundu

wakati wa mchezo kwenye mechii tatu zinazofuatia za timu yake na kutozwa faini ya shilingi laki mbili (200,000/-).

- (22) Kiongozi yejote mwengine wa Benchi la Ufundii la Timu ya Mashindano ya Wanawake ya TFF tofauti na Kocha Mkuu atakayeonywa kwa kadi ya njano kwenye michezo miwili ya timu yake atafungiwa kuiongoza timu yake kwenye Benchi la Ufundii wakati wa mchezo kwenye mechii moja inayofuatia ya timu yake na faini ya shilingi laki moja (100,000).
- (23) Kiongozi yoyote atakayekiuka masharti ya msingi ya mkataba wa usajili wa mchezaji wa klubu nyingine, au masharti ya kanuni hizi kuhusu mchezaji wa klubu nyingine mwenye mkataba (kanuni 75(9,10) atakabiliwa na adhabu ya faini isiyopungua shilingi laki tano (500,000) au/na kufungiwa kipindi kisichopungua miezi sita (6).

#### Kanuni : 48      **Udhhibitii kwa Klabu**

- (1) Klabu ina wajibu na jukumu la kuhakikisha kuwa wachezaji, viongozi, wanachama na wapenzi wake wanajiheshimu na hawaijhishishi na vitendo vyovyote vya utovu wa nidhamu kama vile matusi, vitisho, vurugu, vitendo vinavyoashiria imani za kishirikina na vitendo vyovyote vingine visivyokuwa vya kimichezo kwenye viwanja vya michezo. Klabu ambayo mashabiki/wachezaji/viongozi wake watafanya vitendo hivyo itatozwa faini ya shilingi laki tano (500,000/-).
- (2) Mshabiki atakayekamatwa akitoa matusi, vitisho, vurugu, kuashiria imani za uchawi/ushirikina na vyovyote vingine visivyokuwa vya kimichezo atachukuliwa hatua za kisheria na atakayepatikana na hatia atafungiwa kuingia uwanjani kwa kipindi kisichopungua miezi mitatu (3) na kisichozi miezi kumi na miwili (12).
- (3) Klabu pia zitawajibika kulipa gharama za matibabu na kulipa gharama za mali zilizoharibika kwa waathirika wa vurugu za washabiki wake zitakazofanyika kabla, wakati au baada ya michezo.
- (4) Klabu itapoteza mchezo ambaa utathibitika kuvunjika kutokana na vurugu za washabiki wake.
- (5) Klabu zinatakiwa zihakikisha viongozi wa klabu zao husika waliosimamishwa na TFF kujishughulisha na uongozi wa klabu wanatii adhabu zao na kuzitekeleza. TFF itachukua hatua zaidi ikiwemo kuitoza faini au kuiondoa kushiriki katika Mashindano ya Wanawake ya TFF iwapo klabu hiyo itaruhusu viongozi wake waliosimamishwa kujishughulisha na masuala ya uongozi ndani ya kipindi cha adhabu.
- (6) Klabu itakayoshindwa kupeleka timu uwanjani baada ya kuhuduria kikao cha maandalizi ya mchezo kitatozwa faini ya shilingi milioni mbili (2,000,000/-) na kushushwa daraja. Kiongozi aliyeshiriki kutopeleka timu uwanjani atafungiwa miaka mitano kutojishirikisha na masuala yote ya mpira wa miguu na faini ya shilingi milioni mbili (2,000,000/-)
- (7) Iwapo klabu imeshindwa kulipa faini iliyotozwa sambamba na kushushwa daraja, haitaruhusiwa kushiriki Ligi katika ngazi ilipo.
- (8) Timu yoyote itakayomchezeshaa mchezaji aliye chini ya adhabu ya kufungiwa/kusimamishwa au ambaye ametakiwa kulipa faini kwa maelekezo maalum na hajalipa kwa mujibu wa Kanuni hii itapoteza mchezo huo na timu pinzani itapewa ushindi.
- (9) Kila Klabu inalazimika kuheshimu Mikataba ya Udhaminii inayowekwa na TFF, timu itakayoshindwa kutekeleza masharti ya mikataba ya wadhamini

iliyoelekezwa ikiwemo kuva na kuheshimu matangazo ya udhamini itatozwa faini ya shilingi milioni milioni mbili (2,000,000/-) kwa kila mchezo itayokiuka na inaweza kuchukuliwa hatua zaidi ikiwemo kupoteza sifa ya kushiriki Mashindano ya Wanawake ya TFF na kufungiwa endapo itaendelea kukaidi.

- (10) Timu ambayo wachezaji wake wataoneshwa kadi zaidi ya tano katika mchezo mmoja itatozwa faini ya shilingi laki mbili (200,000/-).
- (11) Klabu itakayomchezesa mchezaji anayetumikia adhabu ya kuoneshwa kadi tatu (3) za njano au kadi nyekundu kwa mujibu wa kanuni ya 42:2.1 - 2.6 itapoteza mchezo na timu pinzani itapewa ushindi wa pointi tatu (3) na magoli matatu (3), endapo klabu haina uhakika au inataka taarifa ya idadi ya kadi zake itaomba kwa maandishi toka TFF.
- (12) Endapo mchezaji ameshiriki kucheza mchezo wa Mashindano ya husika ya Wanawake na baadae kugundulika usajili wake ulikuwa na kasoro baada ya kuthibitishwa na TFF kwa taarifa ambazo TFF haikuzijua kabla na hakuwa amewekewa pingamizi la usajili, timu husika itatozwa faini ya shilingi laki tano (500,000/-) kwa kila mchezo aliocheza, matokeo ya uwanjani yatabaki kama yalivyo.
- (13) Klabu inatakiwa kuhakikisha kuwa faini yoyote inayoihusu, kocha, kiongozi au mchezaji wa timu yake inalipwa kama ilivyohitajika na endapo haitalipwa kwa masharti yaliyowekwa ya kanuni hizi wahusika hawataruhusiwa kushiriki shughuli yoyote katika klabu na timu mpaka faini itakapolipwa.
- (14) Timu haitaruhusiwa kucheza mchezo wake unaofuata endapo imeshindwa/inakaidi kulipa faini iliyotozwa ikiwa imekwishaamriwa kulipa faini hiyo, na endapo timu itazuiliwa kucheza mchezo husika itakuwa imekosa kucheza mchezo mmoja wa ratiba ya Ligi na hivyo itaondolewa kwenye Mashindano husima ya Wanawake ya TFF na kushushwa daraja.
- (15) Timu ya Women League itakayacheza mchezo wa kirafiki ambao hautambuliwi na TFF au FA(M) itatozwa faini ya shilingi laki tano (500,000/-).
- (16) Timu itakayoshindwa bila sababu za msingi/itakayokaidi kushiriki mashindano baada ya kuteuliwa na TFF kutokana na nafasi yake kwenye Mashindano husika ya Wanawake ya TFF itatozwa faini isiyopungua shilingi laki mbili (2,000,000/-).
- (17) Timu yoyote inaposhindwa, kukaidi au kucheleta kulipa malipo (*sio faini*) inayoamriwa kulipa na TFF inaweza kukatwa malipo hayo na TFF kutoka kwenye chanzo chake chochote cha fedha kilicho kwenye mamlaka ya TFF.
- (18) Klabu ambayo itashindwa au kukaidi kutii maagizo/maamuzi au utekelezaji wa maamuzi ya TFF itatozwa faini ya shilingi milioni tatu (3,000,000/-) au/na kuondolewa kwenye Mashindano husika ya Wanawake ya TFF.
- (19) Timu yoyote ya Women League itakayacheza mchezo wake kwa Mashindano husika ya Wanawake ya TFF bila kuwa na kocha mwenye ujuzi wa kanuni ya 78(1,2,3) itatozwa faini ya shilingi laki mbili (200,000/-) kwa kila mchezo kwa michezo mpaka sita (6) ya Ligi Kuu ya Wanawake, na michezo mitatu kwa Ligi daraja la Kwanza au Mashindano yaliyo katika Mfumo wa Kituo na endapo bado endapo bado itashindwa kutimiza sharti hili la kuwa na kocha anayehitajika itaondolewa kwenye Mashindano husika ya TFF na kushushwa daraja.
- (20) Timu itakayomchezesa mchezaji ambaye mkataba wake na klabu hiyo umekwisha (*na bila kuwasilisha nyongeza ya mkataba mpya*) au usajili wake haujathibitishwa na TFF kwa timu hiyo kwa/na msimu husika, Mchezaji huyo

atahesabika kuwa batili kiusajili na timu hiyo itapoteza mchezo na timu pinzani kupewa pointi tatu (3) na magoli matatu (3).

- (21) Timu yoyote itakayokiuka masharti ya msingi ya mkataba wa usajili wa mchezaji wa klabu nyingine, au masharti ya kanuni hizi kuhusu mchezaji wa klabu nyingine mwenye mkataba (kanuni 75(9,10) au itakayokutwa na makosa mengi na makubwa ya udanganyifu kuhusiana na usajili na uhamisho wa wachezaji itakabiliwa na adhabu ya faini na/au zuio la usajili kwa kipindi kimoja mpaka vitatu vya usajili.
- (22) Timu iliyomchezesa mchezaji aliyethibitishwa usajili wake lakini aliye bainika kubadili jina kwa nia ya kudanganya au kubainika kutumika udanganyifu mwagine wowote kufanikisha kukamilisha usajili wake au mchezaji aliyebainika usajili wake kuwa na kasoro baada ya kuthibitishwa italipa faini kati ya shilingi laki tano (500,000/-) na shilingi milioni tatu (3,000,000/-) kwa kila mchezo aliocheza lakini matokeo ya uwanjani hayatobadilishwa.
- (23) Timu itakayobainika kumchezesa mchezaji ambaye hajasajiliwa itapoteza mchezo wowote husika, italipa faini ya shilingi laki tano (500,000/-) na mchezaji husika atafungiwa kwa kipindi kisichopungua miezi kumi na miwili (12) bila ya kujali kulalamikiwa au la.
- (24) Klabu yoyote itakayowasilisha usajili wake ndani ya saa 48 (arobaini na nane) baada ya tarehe ya mwisho itakayotangazwa na TFF itatozwa faini ya shilingi laki tano (500,000/-) kwa uchelewaji huo, endapo pia itashindwa kuwasilisha ndani ya saa hizo 48 (arobaini na nane) baada ya siku ya mwisho iliyotangazwa na TFF, usajili wake hautapokelewa na itapoteza sifa na kutafsiriwa kujiondoa yenye we kwenye Ligi Kuu na itashushwa daraja.
- (25) TFF inaweza kufanya uchunguzi na maamuzi juu ya fujo/vitendo vya mashabiki wa klabu vilivyokithiri au vilivyo na madhara zaidi na/au visivyozingatia utu na haki za binadamu na/au vya kibaguzi siku au wakati kabla ya mchezo, wakati wa mchezo na baada ya mchezo. Adhabu za faini kati ya shilingi milioni mbili (2,000,000/-) na shilingi milioni tano (5,000,000/-), klabu kufungiwa kutumia uwanja wake wa nyumbani au adhabu nyingine stahili na aina ya tukio na wakati.
- (26) Timu hairuhusiwi kumtumia katika mchezo wake wowote mchezaji ambaye anatumika adhabu ya kusimamishwa/kufungiwa. Ukiukwaji wowote utasababisha timu kupoteza mchezo kwa manufaa ya athari inayostahili endapo timu ilikwishapoteza mchezo husika.
- (27) Kilabu itakayocheza mchezo wake wa Nyumbani bila ya kuwa na Huduma za Mchezo kama Huduma ya Kwanza, Vijana waokota Mipira na Matayarisho sahihi kwa sehemu ya kuchezea (pitch) itatozwa faini isiyopungua shilingi laki tano (500,000/-). Endapo kilabu kitakuwa na makosa mengi na/au yanayojirudia kuhusiana na Huduma za mchezo itapoteza Haki ya kutumia Uwanja wake wa Nyumbani na kupangiwa kucheza katika uwanja utakaoamuliwa na TFF.
- (28) Kamishna atazuia kuchezwa kwa mchezo mpaka ajiridhishe na Uwepo wa Gari la Wagonjwa (Ambulance) uwanjani. Kilabu itakayoshindwa kutayarisha na kuwepo kwa Gari la Wagonjwa (Ambulance) itakuwa imesababisha mchezo kutochezwa na hivyo itapoteza mchezo huo na Ushindi kupewa timu pinzani wake kwa mchezo husika.
- (29) Timu ikifanya kitendo chochote kinachoashiria imani za kishirikina itatozwa faini ya kati ya shilingi laki tano (500,000/-) na milioni kumi (10,000,000/-)
- (30) Klabu isiyo na benchi kamili la ufundi itapigwa faini ya shilingi laki tatu (300,000/-) kwa kila mechi bila kuathiri na kwa mzingatio ya kanuni ya 48.19.

- (31) Klabu ya Ligi Kuu ya Wanawake inatakiwa kuajiri watendaji kwa nafasi za Mtendaji Mkuu, Mkurugenzi wa Fedha na Utawala, Mkurugenzi wa Ufundji, Afisa Habari, Afisa wa Usalama, Meneja Mkuu wa Timu, Daktari na watendaji wengine wenye sifa na vigezo kama ilivyoelekezwa na Kanuni za Leseni za Klabu.

#### Kanuni : 49 Adhabu za Kilabu

- (1) Klabu yoyote inaweza kutoa adhabu inayostahili na kwa mujibu wa utaratibu dhidi ya mchezaji wake yeyote itakayotumika ndani ya nchi tu. Klabu haina mamlaka ya kumfungia mchezaji wake nje ya nchi.
- (2) Adhabu zote zitakazotolewa na klabu ni lazima zithibitishwe na TFF kabla hazijaanza kutekelezwa. TFF inaweza kufuta, kupunguza au kuongeza adhabu ikiwa ni pamoja na kumfungia mchezaji husika nje ya nchi.
- (3) Klabu haitakuwa na mamlaka ya kumfungia mchezaji kwa kipindi kinachozidi msimu wa ligi husika au kwa mchezaji mwenye mkataba, zaidi ya kipindi cha mkataba wake na klabu hicho.
- (4) Kabla klabu hajatoa adhabu yoyote ni lazima mchezaji anayehusika apewe nafasi ya kujitetea.
- (5) Klabu itakayotoa adhabu kwa mchezaji wake na kutuma taarifa hiyo TFF ili adhabu hiyo ithibitishwe, italazimika kutuma vielelezo vyote vinavyohusika ikiwa ni pamoja na muhtasari wa kikao kilichotoa adhabu hiyo.
- (6) Endapo mchezaji hajaridhika kutokana na adhabu aliyopewa na klabu yake anaweza kukata rufaa kwa TFF kabla adhabu yake haijathibitishwa na TFF.
- (7) Adhabu yoyote ya klabu kwa Mchezaji ni lazima itolewe na Chombo cha Klabu kilicho na mamlaka ya kufanya hivyo.

#### Kanuni : 50 Dawa Haramu

- (1) Hairuhusiwi kwa mchezaji yeyote kutumia dawa za kulevyta au za kuongeza nguvu wakati wowote kuhusiana na/katika mchezo wa Mashindano yoyote ya Wanawake ya TFF.
- (2) Mchezaji yoyote atakayetakiwa kufanya vipimo vya kubaini matumizi ya dawa za kulevyta au kuongeza nguvu akiwa mchezoni anawajibika kufanya hivyo, endapo atagundulika kuwa anatumia dawa za kulevyta au kuongeza nguvu au akikataa kufanya vipimo hivyo atafungiwa kwa kipindi kisichopungua miezi kumi na mbili (12).

# **SURA : XIII**

## **HADHI YA**

### **WACHEZAJI**

- (1) Wachezaji wanaoshiriki katika Mashindano ya Wanawake ya TFF ni wachezaji wa ridhaa na/au wa kulipwa.
- (2) Mchezaji wa kulipwa ni yule mwenye mkataba wa maandishi na klabu na analipwa zaidi ya gharama halisi anazoingia kutokana na shughuli zake za soka. Wachezaji wengine wote tofauti na hivyo, wanahesabiwa kuwa ni wa ridhaa.

- (1) Mchezaji aliyesajiliwa kama mchezaji wa kulipwa hawezi kusajiliwa tena kama mchezaji wa ridhaa mpaka zipite angalau siku thelathini (30) baada ya mchezo wa mwisho alicheza kama mchezaji wa kulipwa.
- (2) Hakuna fidia inayolipwa kwa kupata upya hadhi ya ridhaa. Iwapo mchezaji anasajiliwa upya kama wa kulipwa katika kipindi cha miezi thelathini (30) ya kurudishiwa hadhi ya ridhaa, klabu yake mpya italipa fidia ya mafunzo kwa mujibu wa ibara ya 20 ya kanuni za FIFA.

- (1) Wachezaji wa kulipwa wanaomaliza muda wao wa mkataba na wachezaji wa ridhaa wanaomaliza muda wao, watabaki kuwa wamesajiliwa TFF ambapo ndipo klabu yao waliochezea mwisho kwa kipindi cha miezi thelathini (30).
- (2) Kipindi hiki kinaanza siku ambayo mchezaji atachezea klabu mara ya mwisho katika mchezo rasmi.

- (1) Iwapo mchezaji asiyesajiliwa na TFF anacheza mechii ya mashindano, mchezaji huyo atahesabika kucheza kinyume cha sheria. Bila kuathiri hatua yoyote inayotakiwa kurekebisha athari inayosababishwa na kucheza huko, adhabu na vikwazo vitawekwa kwa mchezaji na/au klabu. Haki ya kutoa adhabu na kuweka vikwazo hivyo kimsingi iko mikononi mwa TFF.
- (2) Mchezaji yoyote ambaye hakusajiliwa na klabu yake na ambaye hakuhamishwa kwenda klabu nyingine yoyote katika kipindi hicho cha Msimu cha Usajili atahesabika kuwa huru.

Kila klabu italazimika kuwasilisha TFF kwa maandishi, majina ya wachezaji inaowaacha huru au watakaositisha mikataba yao kuwa huru katika usajili wa msimu ujao wa Mashindano husika ya Wanawake ya TFF unaoanza katika muda utakaotangazwa na TFF, na klabu italazimika kumpa taarifa ya maandishi mchezaji/wachezaji husika

- (1) Klabu inaweza kusajili wachezaji wasiozidi kumi (10) kutoka mionganii mwa wachezaji wake wa timu za Vijana amba walithibitishwa na TFF katika Utaratibu wa Mfumo wa Matunzo kwa wachezaji vijana kwa klabu husika katika kipindi cha

usajili cha msimu uliopita kama wachezaji waliopandishwa.

- (2) Mchezaji yejote wa timu ya vijana kwa kilabu husika ambaye hakusajiliwa na kuthibitishwa na TFF katika msimu uliopita kwa klubu husika hataruhusiwa kusajiliwa katika timu ya kwanza ya klubu kama mchezaji aliyepandishwa au huru

#### **Kanuni : 57 Wachezaji Huru**

- (1) Mchezaji yejote ambaye hakusajiliwa na klubu yoyote ya daraja lolote katika msimu uliopita atakuwa huru, hatahitaji uhamisho wala kulipiwa ada yoyote ya uhamisho.
- (2) Mchezaji yejote ambaye klubu yake imemuacha huru kwa mujibu wa Kanuni ya 55 au imesitisha mkataba wake au mkataba wake umemalizika atakuwa huru, hatalipiwa ada yoyote ya usajili.
- (3) Mchezaji wa timu ya vijana ya klubu husika anapopandishwa timu ya kwanza ya klubu yake (Kanuni 56) atakuwa huru hatahitaji uhamisho wala kulipiwa ada yoyote ya uhamisho.

#### **Kanuni : 58 Meneja wa Mchezaji**

- (1) Mchezaji yejote wa Mashindano ya Wanawake ya TFF anaweza kutambulisha mwakilishi (meneja) wake ambaye anaweza kushughulikia jambo lolote linalomuhusu mchezaji husika aidha kwa pamoja au kwa uwakilishi. Mchezaji na Meneja watatakiwa kuwasilisha Mkataba wa makubaliano baina yao.
- (2) Meneja wa Mchezaji anawajibika kuwa na Mkataba wa Makubaliano baina yake na mchezaji uliothibitishwa na TFF unaoinisha wajibu na haki za kila upande ambapo Wakala wa Mchezaji ni lazima awe mwenye leseni ya Uwakala aliyefuzu kwa mujibu wa taratibu za TFF na FIFA na anayehodhi Leseni ya Uwakala iliyo hai.
- (3) Mchezaji atawajibika kumtambulisha Meneja wake kwa klubu yake wakati akiingia mkataba na klubu husika na nakala ya utambulisho huo na nyaraka ambatanishwa kuwasilishwa TFF. TFF itathibitisha na kumsajili meneja huyo.

# **SURA : XIII**

## **UHAMISHO WA WACHEZAJI**

**Kanuni : 59****Wachezaji wa Kuhamishwa**

- (1) Mchezaji yeote ambaye hajamaliza mkataba au mkataba wake haujasitishwa na klabu yake, au ambaye hajamaliza msimu atakaposajiliwa na klabu nyingine ni lazima ahamishwe kuanzia ngazi ya klabu.
- (2) Mchezaji aliyerudi Tanzania baada ya kumaliza mkataba wake nje ya nchi hatakuwa huru mpaka atakapokamilisha taratibu za uhamisho wa kimataifa.
- (3) Mchezaji kutoka Zanzibar lazima Uhamisho wake uthibitishwe na ZFF.
- (4) Mchezaji wa klabu inayoshiriki ligi daraja la chini aliyemaliza msimu uliopita anaposajiliwa na klabu ya Mashindano ya Wanawake ya TFF atafanyiwa uhamisho kuanzia ngazi ya klabu, wilaya, mkoa na TFF.
- (5) Mchezaji wa timu za vijana anapohitajika kuhama anawajibika kufuata taratibu za uhamisho kwa mujibu wa kanuni hizi.

**Kanuni : 60****Uhamisho**

- (1) Mchezaji anaweza kuhama/kuhamishwa kutoka klabu moja hadi nyingine kwa madhumuni ya kusajiliwa baada ya ligi kumalizika na/au katika kipindi cha usajili wa katikati ya msimu.
- (2) Klabu inayotaka kumsajili mchezaji aliyesajiliwa au aliye na mkataba uliobakisha muda zaidi ya miezi sita (6) na klabu nyingine, italazimika kuafikiana na klabu yake kuhusu uhamisho wake kabla ya kukubaliana na kumsajili mchezaji huyo. Klabu inawajibika kuheshimu masharti ya msingi ya mkataba wa mchezaji wa klabu nyingine.
- (3) Mchezaji aliyesajiliwa au aliye na mkataba na klabu anaposajiliwa kuhamishwa kwenda klabu nyingine katika kipindi cha usajili wa katikati ya msimu, atajiunga na klabu yake mpya kwa uzingativu wa makubaliano ya maandishi baina ya klabu zinazohusika na uhamisho huo na hataruhusiwa kuchezea klabu yake mpya kwa michezo ya Ligi Kuu ya Wanawake mpaka usajili wake umethibitishwa na TFF.
- (4) Endapo kiongozi wa klabu anayohama mchezaji amekataa au amekwepa kuidhinisha uhamisho wa mchezaji wa daraja la chini (asiye na mkataba) anayetaka kuihama klabu yake kuhamia Ligi Kuu ya Wanawake/Daraja jingine anapotoka baada ya msimu wa ligi kwisha, katibu wa FA(W) husika ataidhinisha uhamisho huo baada ya mchezaji aliyeomba kuhama kumthibitishia kwa maandishi kuwa anakusudia kuhamia klabu hiyo mpya lakini katibu wa klabu yake ya sasa anakwepa/hataki kuidhinisha uhamisho wake.
- (5) Nakala za barua ya uthibitisho wa mchezaji wa daraja la chini (asiye na mkataba) kwenda kwa Katibu wa FA(W) husika ni lazima zitumwe pia kwa Katibu wa FA(M) husika na kwa Katibu Mkuu wa TFF.
- (6) Pamoja na kupokea nakala ya barua ya uthibitisho kwa mujibu wa kanuni ya 60(4), TFF inaweza kumwita mchezaji huyo kwa mahojiano kuhusiana na uthibitisho alioutoa kabla ya kufikia maamuzi.
- (7) Uhamisho na usajili wa wachezaji watoto na vijana walio na umri chini ya miaka kumi na nane (18) utazingatia kanuni za FIFA kwa wachezaji wa umri huo.

- (8) Ada za uhamisho wa mchezaji aliyemaliza msimu na asiye na mkataba kutoka daraja lolote kwenda Daraja lingine la Mashindano ya Wanawake ya TFF na mgawanyo wake kwa mamlaka zinazohusika zitakuwa kama inavyoonekana kwenye jedwali A la uhamisho.

#### **Jedwali A la Uhamisho.**

Daraja	KILABU	FA (M)	FA (W)	Jumla
LiGi Kuu	300,000/-	50,000/-	100,000/-	400,000/-
WLGi1	200,000/-	50,000/-	50,000/-	300,000/-
WLGi2	100,000/-	50,000/-	50,000/-	200,000/-

- (9) Ada hizi za uhamisho ni kwa wachezaji wasio na mikataba. Kwa klabu yenyenye mkataba na mchezaji ina haki ya kudai malipo stahili zaidi kwa ajili ya uhamisho toka kwa klabu kinachomtaka mchezaji wake ambapo ada kwa Mamlaka nyingine zitabaki kama zilivyo.

- (10) Mchezaji aliye na mkataba au aliyesajiliwa na klabu yoyote na hajamaliza msimu anapotakiwa kuhama, uhamisho wake ni lazima uidhinishwe na klabu yake kwanza kabla ya kuitishwa na FA(W), FA(M) na TFF. Mamlaka nyingine zozote hazitaweza kuidhinisha Uhamisho wa Mchezaji wa aina hii bila Ridhaa na Idhini ya Klabu yake.
- (11) Ada za uhamisho kuhamia klabu ya Ligi Kuu ya Wanawake kutoka daraja la chini kwa mchezaji mwenye mkataba au aliyesajiliwa na hajamaliza msimu ni kama zinavyoonyeshwa kwenye jedwali B la Uhamisho.

#### **Jedwali B la Uhamisho.**

Klabu	TFF	FA (M)	FA (W)	Jumla
LiGiKuu	Maelewano	100,000/-	50,000/-	
WLGi1	Maelewano	50,000/-	50,000/-	
WLGi2	Maelewano	50,000/-	50,000/-	

#### **Kanuni : 61      Uhamisho Zanzibar**

- (1) Mchezaji wa Mashindano ya Wanawake ya TFF anapotakiwa kuhamia klabu ya Zanzibar atawajibika kupata ruhusa kutoka klabu yake ikiambatana na kuthibitishwa na FA(W) na FA(M) kabla ya kuidhinishwa na TFF.
- (2) Ada ya Uhamisho kwa klabu anachotoka mchezaji itatokana na maelewano baina ya klabu husika wakati ada za uhamisho kwa mamlaka nyingine ni kama zinavyoonyeshwa kwenye jedwali C la uhamisho.
- (3) Endapo mchezaji anayehamia Zanzibar atakuwa amemaliza mkataba kama mchezaji wa Ligi Kuu na hajasajiliwa na klabu nyingine, uhamisho wake utaidhinishwa na TFF.
- (4) Mchezaji kutoka Zanzibar aliyemaliza/kusitisha mkataba wake ambaye anarudi Zanzibar atakuwa huru hatahitaji taratibu yoyote ya uhamisho, TFF inaweza kuitaarifu ZFF juu ya hali ya sasa ya mchezaji huyo baada ya kupata uthibitisho kutoka klabu yake.

#### **Jedwali C la Uhamisho**

Klabu	TFF	FA (M)	FA (W)	Jumla
LiGiKuu	Maelewano	100,000/-	100,000/-	
WLGi1	Maelewano	100,000/-	50,000/-	
WLGi2	Maelewano	100,000/-	50,000/-	

- (1) Uhamisho wa kimataifa unaombwa na kutolewa kwa chama cha mpira wa miguu cha kitaifa pekee kwa niaba ya klubu, na si kwa mchezaji au kiongozi wa klubu. Taratibu za mawasiliano ya maombi na utoaji wa hati ya uhamisho wa kimataifa yanafanyika kiofisi kuititia mawasiliano yanayoaminika kiofisi.
- (2) Mchezaji yejote anaruhusiwa kuhamia klubu nyingine nje ya nchi baada ya kupata hati ya uhamisho ya kimataifa.
- (3) Kabla TFF haijatoa kibali, mchezaji analazimika kupata idhini ya klubu yake ya hapa nchini baada ya TFF kufanya mawasiliano na klubu hiyo.
- (4) Maombi ya kibali cha TFF na idhini yoyote itakayotolewa na klubu ni lazima vifanywe kwa maandishi.
- (5) Klabu inayotaka kumhamisha mchezaji na klubu inayohusika na mchezaji huyo watakubaliana kuhusu ada/gharama za uhamisho.
- (6) Endapo itatokea kutokubaliana kati ya pande mbili zinazohusika na uhamisho huo kutokana na sababu yoyote ile TFF itatoa uamuzi kwa kuzingatia sheria na kanuni za TFF, CAF na FIFA.
- (7) TFF itatambua kumalizika au kuvunjika kwa mkataba wa mchezaji na klubu yake ya nje baada ya Uthibitisho wa Uhamisho katika Mfumo wa Usajili au kupata cheti cha uhamisho wa kimataifa kutoka kwa chama cha soka cha nchi alipokuwa akicheza.

- (1) Klabu ya Women League inaruhusiwa kusajili wachezaji kumi na wawili (12) wa kigeni kutoka sehemu yoyote duniani (mazingatio kwa kanuni ya 63:2,4,5 ya kanuni hizi) na inaweza kuwachezesha/kuwatumia (kuwemo kwenye orodha ya wachezaji wa mchezo kwa siku husika) wachezaji wake wote kumi na wawili (12) wa kigeni katika mchezo mmoja wa Mashindano ya Wanawake ya TFF.
- (2) Mchezaji wa kigeni atathibitishwa usajili wake baada ya TFF kuhakiki usahihi wa taarifa zake na kukamilika kwa taratibu za Uhamisho wa kimataifa na Mazingatio maalum kwa Utimizwaji wa Masharti ya Kisheria kwa wageni.
- (3) Mchezaji wa kigeni wa ridhaa anayesajiliwa kwenye Mashindano ya Wanawake ya TFF anaweza kuhamishwa kwa kufuata utaratibu wa uhamisho wa kimataifa kwa wachezaji wa ridhaa.
- (4) Mchezaji wa kigeni anayeruhusiwa kusajiliwa kwenye Mashindano ya Wanawake ya TFF ni yule anayecheza katika timu ya Taifa ya nchi yake au Ligi Kuu ya nchi husika. Mchezaji kutoka Amerika ya Kusini na Ulaya, lazima awe anacheza angalau kuanzia Ligi Daraja la Tatu (*kitaifa, kutegemea mfumo kwa nchi husika*). Mazingatio ya Daraja mchezaji analogeza kabla ya usajili wake kwenye Ligi ni kwa wakati husika au kipindi kisichozidi miezi sita tokea ameachana na timu yake ya mwisho kwa mchezaji aliye huru.
- (5) Mchezaji yejote wa kigeni anayesajiliwa katika Ligi Kuu ya Wanawake atalipiwa ada maalum ya shilingi milioni moja (1,000,000/-) kwa msimu ili usajili wake uweze kuthibitishwa na kuruhusiwa kucheza. Kwa Mashindano mengine ya Wanawake ya TFF Ada itakuwa shilingi laki tano (500,000/-) kwa mchezaji.

## Kanuni : 64 Hati ya Uhamisho Kimataifa

- (1) Maombi ya Hati ya Uhamisho wa Kimataifa (ITC) kwa wachezaji wa kigeni wa kulipwa yatawasilishwa kuitia mtandao wa kompyuta kwa kutumia program maalum ya Mfumo wa Ulingenisho wa taarifa za uhamisho wa mchezaji (transfer matching system- TMS) au Mfumo mwengine wowote Maalum Uliotambulishwa na TFF baada ya klabu zinazohusika na uhamisho wa mchezaji husika kukubaliana nje ya mtandao.
- (2) Maombi ya ITC kwa mchezaji wa ridhaa wa kigeni yatawasilishwa kwa barua TFF baada ya klabu zinazohusika na uhamisho wa mchezaji husika kukubaliana. Chama cha mpira wa miguu kinachotoa ITC kwa njia hii kitatuma uhamisho huo moja kwa moja kwa TFF kufuatia maombi ya kufanya hivyo na kupeleka nakala FIFA.
- (3) Hati ya Uhamisho wa Kimataifa haihitajiki kwa mchezaji mwenye umri chini ya miaka kumi na mbili (12).

## Kanuni : 65 Uhamisho kwa Mkopo

- (1) Mchezaji wa kulipwa anaweza kuhamishwa kwa mkopo kwa klabu nyingine kwa msingi wa makubaliano ya maandishi kati yake na klabu zinazohusika. Uhamisho huo wa mkopo utafuata sheria zilezile zinazotumika katika uhamisho wa wachezaji, yakiwemo masharti ya fidia ya mafunzo na utaratibu wa mshikamano.
- (2) Klabu itakayompokea mchezaji kwa uhamisho wa mkopo haina haki ya kumhamisha mchezaji huyo katika klabu nyingine bila idhini ya maandishi ya klabu iliyomwachia mchezaji kwa mkopo na ya mchezaji husika.
- (3) Klabu isipokee/kutoa zaidi ya wachezaji watano kutoka timu moja. Inaweza kutoa/kupokea idadi yoyote ile ya wachezaji wa mkopo.
- (4) Mchezaji wa Ligi Kuu haruhusiwi kuazimwa kwa mkopo kwa klabu za Daraja la chini ya Ligi Kuu, ambapo kipindi cha chini cha kusajili mchezaji anayehamishwa kwa mkopo kitakuwa muda kati ya vipindi viwili vya usajili.
- (5) Klabu inayomchukua mchezaji kwa mkopo itawajibika kuheshimu makubaliano kati yao.

# **SURA : XIV**

## **USAJILI**

- (1) Mchezaji lazima asajiliwe na Shirikisho la Mpira wa Miguu ili kuchezea klubu kama mchezaji wa kulipwa au wa ridhaa kwa mujibu wa masharti ya Kanuni za FIFA. Ni wachezaji waliosajiliwa tu ndio wanaostahili kushiriki katika soka rasmi. Kwa kujisajili, ina maana mchezaji anakubali kufuata sheria na kanuni za FIFA, TFF, mashirikisho na vyama vya mpira wa miguu.
- (2) Mchezaji atasajiliwa katika klubu moja tu kwa wakati mmoja lakini anaweza kusajiliwa katika klubu hadi tatu kwa kipindi kati ya tarehe 01 Julai hadi 30 Juni mwaka unaofuata ambapo mchezaji atastahili kuchezea mechi rasmi katika klubu mbili tu.
- (3) Katika Mazinigira ya mahitaji ya Mkataba wa Usajili kilabu zinawajibika kutumia mikataba elekezi iliyotayarishwa na TFF kuhamisha, na kusajili wachezaji wake, mikataba mingine yote haitatambulika.
- (4) Klubu zinawajibika kutumia mikataba elekezi iliyotayarishwa na TFF kuhamisha, na kusajili wachezaji wake, mikataba mingine yote haitatambulika.
- (5) Usajili wa wachezaji ni suala la kiufundi kama ilivyo kanuni ya 78:7. Kocha Mkuu wa timu atawajibika kutambua wachezaji wanaotakiwa kusajiliwa wakati ambapo Uongozi wa Klabu utafanya kazi ya kukamilisha zoezi la usajili wa wachezaji na kuwasilisha mikataba na nyaraka nyingine TFF kwa wakati uliowekwa. Ni Katibu Mkuu wa Klabu tu atakayetambulika na TFF kwa mawasiliano yote kuhusu usajili.
- (6) Kocha Mkuu wa timu ndiye anawajibika kutangaza wachezaji wanaoachwa, wachezaji wanaohamia na wanaohama pamoja na usajili kamili wa timu yake katika kipindi cha kukamilika kwa usajili wa timu yake.
- (7) Kutakuwa na Leseni maalum ya usajili wa mchezaji itakayotolewa na TFF ikiwa na taarifa zote muhimu za mchezaji husika. Mchezaji atatumia leseni hiyo kwa utambulisho wakati wa mchezo, mchezaji asiye na leseni au ambaye leseni yake imechafuka, kukunjwa au kufutwafutwa kiasi cha kuathiri uhalisia wake hataruhusiwa kucheza mchezo wa Women League.
- (8) TFF itatoa maelekezo au mafundisho juu ya mfumo wa kieletroniki utakaotumika kwa ajili ya uhamisho na usajili wa wachezaji kabla ya msimu kuanza na wakati wowote itakapohitajika.
- (9) Mchezaji ana uhuru wa kujisajili na Klabu nyingine katika msimu mmoja iwapo kutakuwa na maelewano kati ya Klabu yake na kile kinachotaka kumsajili au atakuwa amemaliza mkataba na klubu yake.
- (10) Klabu na Mchezaji wanalahimika kuingia mkataba utakaothibitishwa na TFF pamoja na kutimiza masharti mengine ya usajili na ndipo TFF inaweza kumuidhinisha mchezaji husika kucheza Women League
- (11) Katika dirisha dogo lolote la usajili klubu inayoruhusiwa kusajili mchezaji ni ile ambayo haijatimiza idadi ya mwisho ya wachezaji arobaini (40) au ambayo imehamisha mchezaji kwenda klubu nyingine ya ndani au nje ya nchi. Au iliyositisha/kumalizika mkataba wa mchezaji.
- (12) Kila mchezaji wa Mashindano husika ya Wanawake ya TFF atatakiwa kuwa na namba yake ya kudumu ya jezi ya kuchezea iliyosajiliwa na klubu yake wakati wa maombi ya usajili wa wachezaji. Mchezaji atatakiwa kutumia namba hiyo tu

wakati wote katika Mashindano husika ya Wanawake ya TFF na mashindano mengine rasmi yanayotambuliwa na TFF.

- (13) Ukiukaji wowote wa masharti ya usajili ambao haujaanishwa ipasavyo kwenye kanuni hizi bado utastahili vikwazo vinavyofaa au kutozwa kwa faini kati ya shilingi laki tano (500,000/-) na shilingi milioni tano (5,000,000/-), au/na Zui o la kucheza kwa Mchezaji mpaka Masharti ya msingi kiutaratibu yowe yametimizwa au/na adhabu ya faini/kufungiwa kwa muhusika yoyote endapo kuna makosa binafsi ya kiUtendaji na fidia kwa athari zilizosababishwa na ukiukwaji au/na mapungufu hayo makubwa ya Taratibu za usajili yaliyo na athari.
- (14) Kamati ya Sheria na Hadhi za Wachezaji ya TFF ndio chombo chenye mamlaka ya kushughulikia masuala ya usajili, kuthibitisha au kutengua usajili wa mchezaji.
- (15) TFF inaweza kutoa leseni ya dharura ya mchezaji kabla ya uthibitisho wa usajili wa wachezaji kuwezesha klubu inayowakilisha nchi katika mashindano mengine ya kimataifa kukidhi mahitaji ya usajili wa wachezaji katika mashindano maalum ya kimataifa yaliyo na masharti hayo endapo kuna ulazima wa kufanya hivyo. Leseni hiyo itatolewa kwa kuzingatia uthibitisho wa maelewano ya klubu zinazohusika na uhamisho wa mchezaji husika.
- (16) TFF inaweza kuidhinisha/kuthibitisha usajili wa mchezaji wa kigeni wa ridhaa anayekidhi vigezo vya kusajiliwa kucheza Mashindano ya Wanawake ya TFF kwa kutumia utaratibu wa uhamisho wa kimataifa kwa wachezaji wa ridhaa. Uthibitisho huo hauna dhamana yoyote kwa mchezaji husika kwa taratibu nyininge za usajili za mashindano ya ngazi ya klubu ya CAF.
- (17) TFF inaweza kutoa waraka maalum kuhusiana na usajili wa watoto na vijana utakaosomeka pamoja na kanuni hizi utakaozingatia kanuni za FIFA kwa usajili na matunzo ya wachezaji walio chini ya miaka kumi na minane (18).

#### **Kanuni : 67      Vipindi vya Usajili**

- (1) Wachezaji wanaweza kusajiliwa katika moja ya vipindi vya usajili vya msimu vilivyopangwa na TFF. Kipindi cha kwanza cha usajili kitakuwa wakati wa kuanza msimu, kunaweza kuwa na kipindi cha pili siku chache baada ya Ligi kuanza na kipindi cha tatu kitakuwa katikati ya msimu. TFF itatangaza kuanza na kwisha kwa vipindi vya usajili.
- (2) Mchezaji wa kulipwa ambaye mkataba wake umekwisha kabla ya kipindi cha usajili anaweza kusajiliwa nje ya kipindi cha usajili, TFF itahitaji kujiridhisha juu ya kuaminika kwa hali nzima ya kumalizika huko kwa mkataba na maombi mapya ya usajili yanayokusudiwa, hali hii haitamhusu mchezaji ambaye mkataba wake umesitishwa au umevunjwa.
- (3) Mchezaji wa kulipwa wa Mashindano ya Wanawake ya TFF anaweza kusajiliwa tu katika hali ya upekee iwapo maombi ya usajili ya klubu yake yatawasilishwa kwa TFF wakati wa kipindi cha usajili kilichotangazwa na TFF.

#### **Kanuni : 68      Pasi ya Mchezaji**

- (1) Klabu inawajibika kuwa na historia ya uchezaji ya mchezaji tangu alipoandikishwa kwa mara ya kwanza kwa kila mchezaji inayemsajili ambayo itaiwasilisha kwa TFF katika kipindi cha maombi ya usajili wa mchezaji. TFF itaitumia au kuitoa historia hiyo yatakapokuwepo mahitaji ya kufanya hivyo kwa mamlaka husika.
- (2) Klabu inawajibika kulipa fidia za mafunzo ya malezi ya mchezaji kwa mujibu wa historia ya uchezaji wa mchezaji kwa kufuata kanuni za FIFA.

## Kanuni : 69 Majina na Idadi

- (1) Katika Mkataba, fomu, nyaraka na taarifa yoyote kuhusiana na usajili na uhamisho inalazimika kujazwa majina matatu (3) ya mchezaji.
- (2) Klabu ya Women League inaruhusiwa kusajili kwa kikosi chake cha kwanza wachezaji wasiozidi arobaini (40) na wasiopungua ishirini (20).
- (3) Klabu ambayo itawasilisha maombi yake ya usajili wa wachezaji wake ikiwa na pungufu ya wachezaji ishirini (20) kwa timu yake au itakayopata uthibitisho wa wachezaji pungufu ya wachezaji kumi nane (18) itakuwa imepoteza sifa za kuwa klabu ya Women League.

## Kanuni : 70 Maombi ya Usajili

- (1) Maombi ya usajili wa mchezaji wa Ligi Kuu ya Wanawake yatawasilishwa kwa njia Maalum za Mfumo wa kielektroniki kwa mazingatio ya masharti ya usajili yaliyoainishwa ipasavyo kwa mfumo husika. Kilabu inawajibika kufuata taratibu zote hitajika kukamilisha Maombi ya usajili wa Mchezaji wa Ligi Kuu ya Wanawake kwa wakati husika. Kilabu ya Ligi Kuu ya Wanawake itawajibika pia kutimiza Masharti mengine na Maelekezo kuhusu Usajili wa wachezaji wa Ligi Kuu ya Wanawake yaliyo nje ya mfumo kama yatakavyohitajika na TFF.
- (2) Maombi ya usajili wa mchezaji wa Mashindano mengine ya Wanawake ya TFF yatawasilishwa kwa utaratibu kama itakavyoelekezwa na TFF kwenye Waraka/Muongozo kwa Shindano husika.
- (3) Uwasilishaji wa Maombi ya Usajili wa Mchezaji kwa mifumo yote utazingatia viambatanisho kadhaa ikiwemo:
  - 3.1 Fomu ya orodha ya wachezaji wote (*fomu mama*).
  - 3.2 Fomu maalum iliyokamilika ya maombi ya usajili wa mchezaji
  - 3.3 Nakala tatu za mkataba wa mchezaji.
  - 3.4 Cheti cha utimamu wa afya.
  - 3.5 Hati ya uthibitisho wa Bima kwa wachezaji na viongozi.
  - 3.6 Cheti cha kuzaliwa na kitambulisho cha Taifa au pasi ya kusafiria. Kuanzia msimu wa 2022/2023 pasi ya kusafiria itakuwa ni lazima.
  - 3.7 Picha moja ukubwa wa picha ya pasipoti (*passport size*).
  - 3.8 Hati ya uhamisho iliyo kamili (*kwa wachezaji wa kuhamishwa*).
  - 3.9 Uthibitisho wa usajili uliopita (*kwa mchezaji anayepandishwa*).
  - 3.10 Historia ya mchezaji ya uchezaji wa mpira wa miguu baada ya kutimiza miaka kumi na miwili (12) - (*players' passport*).
  - 3.11 Kwa wachezaji wa Ligi za Vijana kitaambatanishwa kitambulisho cha Taifa au cheti cha kuzaliwa au pasi ya kusafiria.
- (4) Kwa mchezaji anayeendelea na mkataba na klabu yake maombi ya usajili wake yatawasilishwa yakijumuisha fomu ya usajili, cheti cha utimamu wa afya na hati ya uthibitisho wa bima tu. (*Kilabu inaweza kuambatanisha nyaraka nyingine za awali*).
- (5) Maombi ya usajili kwa wachezaji wa timu ya vijana lazima yazingatie masharti ya maombi ya usajili wa wachezaji yalivyoainishwa kwenye kanuni 70(3.1 - 3.10).
- (6) Pamoja na Mazingatio ya Kanuni 70(3.1 - 3.10), Maombi ya Usajili kwa mchezaji wa timu za Vijana kwa Mashindano ya Wanawake ya TFF lazima yaambatanishwe na Nyaraka zifuatazo za Mchezaji:

- 6.1 Cheti Halisi cha Kuzaliwa
- 6.2 Cheti cha Kumaliza Elimu ya Msingi
- 6.3 Tamko la Mzazi/Mlezi kuthibitisha Umri wa mchezaji

(7) Maombi ya usajili wa wachezaji wa Mashindano ya Wanawake ya TFF yanaweza kufanya kwa mfumo wa kielektroniki kwa kutumia mtandao katika kompyuta na mwombaji atawajibika kufuata taratibu na mahitaji yote ya mfumo huo kama yatakavyo elekezwa na TFF. Pamoja na uwasilishaji wa Maombi ya Usajili kwa njia hii, TFF inaweza kuhitaji nyaraka zote muhimu zilizotumika na zilizoambatanishwa kwa hatua zake zaidi.

### **Kanuni : 71      Pingamizi la Usajili**

- (1) Klabu yoyote, FA(W), FA(M) na mamlaka nyingine wanaweza kuweka pingamizi kupinga usajili wa mchezaji yeyote kwenye kipindi cha Pingamizi kitachowekwa na kutangazwa na TFF.
- (2) Pingamizi ni lazima liwekwe katika kipindi maalum cha Pingamizi na lazima liwe kwa maandishi kwa TFF, mwekaji akiainisha sababu pamoja na kuambatanisha vielelezo husika.
- (3) Klabu itapewa taarifa juu ya pingamizi ililoweke na itatakiwa kujibu au kumaliza dosari zilizosababisha pingamizi kwa wakati kabla Kamati husika haijathibitisha usajili wa wachezaji.
- (4) Mchezaji ambaye dosari zake za usajili zilizobainishwa hazitakuwa zimemalizwa na klabu yake katika muda uliowekwa/uliotolewa usajili wake hautathibitishwa.

### **Kanuni : 72      Katazo**

- (1) Haitaruhusiwa kwa mchezaji yeyote kutia saini mikataba ya klabu zaidi ya moja kwa wakati mmoja. Mchezaji atakayesaini mikataba ya klabu mbili (2) tofauti kwa wakati mmoja atafungiwa kucheza mpira wa miguu kwa mashindano yoyote rasmi kwa kipindi cha mwaka mmoja (1).
- (2) Ni marufuku kwa mchezaji yoyote kutoa Taarifa za Udanganyifu au zisizo sahihi kuhusiana na usajili wake kwa kilabu yoyote. Mchezaji atayebainika kutoa taarifa za Udanganyifu kwa lengo la kufanikisha usajili wake au jingine la aina hiyo atakabiliwa na adhabu kwa mujibu wa kanuni hizi na nyingine za kimataifa.
- (3) Ni marufuku kwa Kiongozi yoyote kutumia taarifa za uongo, udanganyifu au zisizo sahihi kufanikisha usajili wa mchezaji yoyote kwa timu yake au kufanikisha kwa namna yoyote kwa timu nyingine. Adhabu zitatolewa kwa mujibu wa kanuni.

### **Kanuni : 73      Uthibitisho wa Usajili**

- (1) Kamati ya Sheria na Hadhi za Wachezaji ya TFF ndiyo chombo chenye mamlaka ya kushughulikia masuala ya usajili wa wachezaji, kitathibitisha usajili kwa wachezaji wote wa timu zinazoshiriki Mashindano ya Wanawake ya TFF.
- (2) TFF itathibitisha usajili wa klabu zote za Mashindano ya Wanawake ya TFF kwa kwa wakati mmoja katika Misimu husika, klabu zinatakiwa kukamilisha na kuwasilisha usajili wa timu yake kwa wakati.
- (3) Mchezaji yeyote hataruhusiwa kuchezea klabu yoyote katika michezo ya Mashindano ya Wanawake ya TFF mpaka tu usajili wake umethibitishwa na TFF.

- (4) TFF itatoa kati ya siku tatu (3) na kumi na nne (14) upokea pingamizi la usajili wa wachezaji kimaandishi juu ya usajili wa wachezaji tangu kutangazwa majina ya wachezaji wanaoombewa kusajiliwa na klabu husika.
- (5) TFF itatoa muda maalum kabla ya kufanya uthibitisho wa usajili wa wachezaji kwa klabu kumaliza dosari za usajili zilizogunduliwa au zinazotokana na pingamizi la usajili na kubainishwa, mchezaji ambaye dosari juu ya usajili wake hazitamalizwa katika muda huo usajili wake hautathibitishwa.
- (6) TFF haitotoa manufaa kwa mlalamikaji kwa malalamiko yoyote kuhusu usajili kwa mchezaji ambaye usajili wake umethibitishwa na TFF akiwa hakuwekewa pingamizi la usajili au ambaye Pingamizi dhidi yake lilitatuliwa na Kamati.
- (7) Endapo kumefanyika udanganyifu wowote kufanikisha usajili wa mchezaji ye yeyote wahusika wataadhibiwa kwa mujibu wa kanuni hizi.
- (8) Mchezaji ambaye usajili wake utakuwa hauna dosari na umepita (approved) kwenye mfumo wa Usajili Unaotumika kwa TFF kwa ajili ya Mashindano ya Wanawake atapewa leseni na kuitumikia moja kwa moja timu yake mpya.

#### **Kanuni : 74 Kutengua Usajili**

Usajili wa mchezaji ye yeyote wa Mashindano ya Wanawake ya TFF uliothibitishwa unaweza kutenguliwa na TFF endapo itathibitika kuwa usajili huo umekiuka masharti ya kanuni hizi kwa taarifa zilizothibitika ambazo hazikujulikana kabla ya kuthibitishwa usajili wa mchezaji husika, bila ya kujali kuwa aliwekewa pingamizi la usajili au la.

#### **Kanuni : 75 Mikataba**

- (1) Klabu ya Ligi Kuu ya Wanawake ni lazima iwe na mkataba na mchezaji wake ili aweze kuidhinishwa kucheza katika michezo ya Ligi Kuu ya Wanawake na mashindano yoyote mengine rasmi yanayotambuliwa na TFF, mkataba huo utawasilishwa TFF wakati wa maombi ya usajili wa mchezaji husika. Usajili kwa Mashindano mengine ya wanawake ya TFF utafuata Muongozo utakaotolewa na TFF kwa Shindano husika.
- (2) Iwapo wakala anahusika katika makubaliano ya mkataba, naye atatajwa katika mkataba.
- (3) Muda wa chini wa mkataba utakuwa kati ya dirisha moja hadi lingine la usajili, wakati muda wa juu wa mkataba utakuwa miaka mitano (5). Mikataba ya muda mwagine wowote zaidi ya miaka mitano itakubaliwa tu kama inakubalika kuto kana na sheria za nchi.
- (4) Wachezaji chini ya umri wa miaka kumi na minane (18) hawaruhusiwi kuingia mikataba ya mchezaji wa kulipwa kwa kipindi kinachozidi miaka mitatu (3).
- (5) Mchezaji wa kulipwa atakuwa huru kama mkataba na klabu yake umekwisha. Mchezaji wa kulipwa mwenye mkataba atakuwa huru kuingia mkataba na klabu nyingine iwapo mkataba wake na klabu yake ya sasa utakwisha ndani ya miezi sita (6). Klabu inayotaka kuingia naye mkataba haina budi kuiarifu klabu yake ya sasa kwa maandishi kabla ya kufanya makubaliano yoyote na mchezaji huyo. Uvunjaji wowote wa sharti hili utastahili vikwazo vinavyofaa.
- (6) Uhalali wa mkataba wa mchezaji hautahesabiwa mpaka kuwe na matokeo mazuri ya upimaji afya na kutolewa kwa kibali cha kufanya kazi (kwa wachezaji wa kigeni).

- (7) Iwapo mchezaji wa kulipwa ataingia mkataba zaidi ya mmoja unaohusu kipindi kimoja, masharti yaliyowekwa katika sura ya IV ya kanuni za FIFA yatatumika.
- (8) Mikataba yote ya wachezaji wa Ligi Kuu ya Wanawake/Mashindano mengine ya Wanawake ya TFF lazima isajiliwe na kuthibitishwa na TFF. Mkataba wa mchezaji ambao haujasajiliwa na kuthibitishwa na TFF hautatambuliwa. Mkataba wa Nyongeza (*extension of contract*) Utasajiliwa TFF kwa sharti la Uthibitisho wa pande zote husika za mkataba.
- (9) Mchezaji aliye na mkataba wa zaidi ya miezi sita (6) hatoruhusiwa kujisajili na klabu nyingine kabla ya klabu yake mpya kuafikiana na klabu yake ya zamani.
- (10) Mchezaji yoyote aliye na mkataba ulio na pungufu ya miezi sita (6) kumalizika anaruhusiwa kufanya mazungumzo ya usajili na kilabu kingine kwa sharti la lazima la kujulishwa kwanza kilabu yake aliyo na mkataba nayo. Ukiukwaji wa sharti hili utavutia adhabu kwa Kilabu au Kiongozi husika.
- (11) TFF itakuwa na ridhaa ya kuzingatia marekebisho au nyongeza yoyote katika mikataba ambayo haikuwasilishwa ipasavyo awali.
- (12) Usitishwaji wowote wa mkataba upande wowote ni lazima ufanywe kwa maandishi.
- (13) Mikataba au mfumo wowote wa utunzaji wachezaji watoto (*walio na umri mpaka miaka kumi na sita*) kwa klabu za Ligi Kuu ni lazima uandikishwe TFF kwa kufuata kanuni za FIFA.
- (14) Mkataba wa usajili wa mchezaji na klabu utahesabika kuvunjika au kusitishwa mpaka tu taratibu za msingi za uvunjwaji au usitishaji zimefautwa na kukamilishwa na chombo husika bila ya kujali upungufu wowote katika utekelezaji wa mkataba huo kwa upande wowote mionganoni mwa pande husika za mkataba. Chombo husika kitatatua hitilafu au upungufu wowote wa utekelezaji wa mkataba bila kuathiri/kuingilia nafasi/hali ya sasa ya mkataba husika.
- (15) Endapo kutatokea mvutano/kutokuelewana mionganoni mwa pande husika za mkataba wa usajili wa mchezaji, Kamati ya Sheria na Hadhi za Wachezaji ya TFF ndio chombo cha usuluhishi na utatuvi wa mgogoro wowote wa kimkataba. Upande wowote husika katika shauri unaweza kuomba marejeo (review) ya usikilizwaji wa shauri lao endapo haujaridhika na uamuzi wa awali. Ada ya maombi ya marejeo ni itakuwa shilingi milioni moja (1,000,000/-). Hatua ya mwisho ya rufaa ni Mahakama ya Usuluhishi wa Michezo (CAS) ya Lausanne, Uswisi.
- (16) SPUTANZA, TASMA na TAFCA vinaweza kuwawakilisha wanachama wao katika utatuvi wa mgogoro wa kimkataba kwa ridhaa/maombi ya mwanachama husika.
- (17) Pande zinazohusika na mkataba wa usajili/uhamisho wa mchezaji zinawajibika kutekeleza bila kukosa wajibu wake kimkataba na kuheshimu masharti yote ya mkataba husika. Kila upande unaohusika na Mkataba utawajibika kuwa na nakala halisi (original) ya mkataba mionganoni mwa nakala zilizosajiliwa na TFF. halisi (original) ya mkataba mionganoni mwa nakala zilizosajiliwa na TFF.

**Kanuni : 76      Vijana na Watoto**

- (1) TFF itatoa muongozo kuhusu Usajili na Uendelezaji wa Wachezaji Vijana wanawake. Kilabu zitawajibika kufuata muongozo husika na kushiriki kimalifu kwenye Mipango ya maendeleo ya wachezaji vijana wanawake.
- (2) Mashindano yoyote ya Vijana kwa wanawake yatasimamiwa na Kanuni hizi kwa Mzingatio ya Muongozo Maalum kwa Mashindano husika.

- (3) Usajili wa Wachezaji Vijana wanawake kwa Kilabu za Women League watasajiliwa TFF kwa mujibu wa taratibu za Usajili kwa wachezaji vijana za TFF. Wachezaji wasiosajiliwa na TFF katika hali hii kwa msimu husika hawatatambuliwa rasmi kama wachezaji wa kilabu husika katika mazingira maalum ya mahitaji hayo.

# **SURA : XV**

## **DAWATI LA UFUNDI**

- (1) TFF inaweza kufanya uchunguzi na ufuatiliaji kuhakiki utekelezaji na uzingativu wa kikanuni uliokusudiwa kuhusiana na viongozi wa dawati la ufundi kwa mujibu wa kanuni hizi na ikibidi kutoa adhabu za faini na nyinginezo katika kuhakikisha kuwa kila klubu inakuwa na wataalamu wenyewe sifa zinazohitajika katika kiwango cha Ligi Kuu ya Wanawake na Mashindano mengine yawanawake ya TFF na wanaotekeleza majukumu yao ipasavyo.
- (2) Katika Mazingira ya kawaida kila Timu ya Mashindano ya Wanawake ya TFF inawajibika kuwa na Viongozi wa Ufundi (Technical Officials) wasiopungua saba (7) wakijumuisha Kocha Mkuu, Kocha Msaidizi, Kocha wa Magolikipa, Afisa wa Vifaa, Daktari, Mtaalamu wa Viungo na Meneja. Klabu inaweza kuwa na Maafisa zaidi kwa Mazingatio ya sifa na mahitaji kwa kila nafasi.
- (3) Maafisa wengine wa Ufundi wa Kilabu wanaweza kuchukuliwa hatua za kinidhamu na kupata adhabu kutokana na makosa wanayofanya uwanjani kama ilivyo kwa Makocha.

- (1) Kila klubu inapaswa kuajiri Kocha Mkuu na wasaidizi wenyewe sifa na ujuzi wanaokubalika kwa mujibu wa taratibu za TFF na mikataba yao kusajiliwa TFF.
- (2) Kocha toka nje ya nchi atathibitishwa kwanza na TFF kwa kuzingatiwa pia kupatikana kwa kibali stahili cha kuishi na kufanya kazi nchini kabla ya kuingia mkataba na klubu.
- (3) Kocha Mkuu anatakiwa kuwa na Sifa ya Elimu ya kiwango cha chini ya Diploma B ya CAF au inayolingana nayo iliyotolewa na Mashirikisho ya mabara mengine yanayotambuliwa na FIFA. Kocha Msaidizi anatakiwa kuwa na angalau Diploma C ya CAF au inayolingana nayo iliyotolewa na Mashirikisho ya mabara mengine yanayotambuliwa na FIFA.
- (4) Kocha Mkuu wa klubu ya Ligi Daraja la Kwanza wanawake (WLGi1) anatakiwa kuwa na Leseni ya chini kuanzia Diploma C ya CAF, Kocha Msaidizi awe na Leseni D ya CAF au zinazolingana nazo zilizotolewa na Mashirikisho ya Mabara mengine yanayotambuliwa na FIFA na kwa Mashindano Mengine ya Wanawake ya TFF. Kocha Mkuu na Kocha Msaidizi watakuwa na Leseni itayoanzia Diploma D ya CAF au inayolingana nayo iliyothibitishwa na TFF.
- (5) Kocha wa vijana wa klubu ya Mashindano ya Wanawake ya TFF awe na Leseni ya chini kuanzia Diploma C ya CAF au inayolingana nayo iliyotolewa na Mashirikisho ya Mabara mengine yanayotambuliwana FIFA.
- (6) Klabu ya Ligi Kuu ya Wanawake/Mashindano mengine ya wanawake ya TFF inawajibika kuwa na kocha wa walinda mlango (goalkeepers) mwenye ujuzi, klubu itakayokosa kocha wa walinda mlango itakabiliwa na adhabu kwa mujibu wa kanuni hizi.
- (7) Kocha Mkuu ndiye mkuu wa shughuli zote za kiufundi za timu kuanzia usajili wa wachezaji, uandaaji na usimamiaji wa timu katika ligi, kuzungumzia masuala yote ya kiufundi ya timu na mengine yanayohusiana nayo.

- (8) Makocha wote Shiriki kwenye Ligi Kuu ya Wanawake/Mashindano mengine ya wanawake ya TFF ni lazima wakidhi mahitaji ya Leseni ya Kocha inayotolewa na TFF na kupatiwa Leseni husika baada ya kutimiza pia Masharti maalum kutoka TAFCA na kupata Uthibitisho wa TAFCA.

**Kanuni : 79**

**Daktari wa Timu**

- (1) Kila klabu ya Mashindano ya Wanawake ya TFF inawajibika kuwa na daktari wa timu mwenye ujuzi na sifa za kutosha kama daktari kamili pamoja na mtaalamu wa tiba ya viungo watakaotambuliwa na kuthibitishwa na TFF walio na vifaa tiba kamili na stahiki.
- (2) Timu yoyote itakayocheza mchezo wa Ligi Kuu ya Wanawake bila ya kuwa na Daktari anayekidhi sifa na vigezo vinavyohitajika (kanuni 79) itakabiliwa na adhabu kwa mujibu wa kanuni hizi.
- (3) Daktari wa timu anawajibika kuhakiki afya za wachezaji na viongozi wa timu kabla ya maombi ya usajili wa wachezaji kuwasilishwa.
- (4) Madaktari wote Shiriki kwenye Ligi Kuu ya Wanawake ni lazima wakidhi mahitaji ya Leseni ya Daktari inayotolewa na TFF na kupatiwa Leseni husika baada ya kutimiza pia Masharti maalum kutoka TASMA na kupata Uthibitisho wa TASMA.

# **SURA : XVI**

## **MAMLAKA**

Maamuzi yote kwa mujibu wa vipengele vyta kanuni za Mashindano ya Wanawake ya TFF katika kanuni ya 80 hayatakatatiwa rufaa katika ngazi yoyote, mhusika yejote kuhusiana na maamuzi yaliyotolewa chini ya vipengele hivi anawajibika kutekeleza linalomhusu mara moja.

		<b>Kanuni</b>	<b>Maelezo</b>
1	14	Leseni ya Klabu	Yote
2	17	Taratibu za Mchezo	Yote
3	41	Udhibiti wa Wachezaji	Isipokuwa 41:(7,14,16,19,21)
4	42	Udhibiti wa Waamuzi	Isipokuwa 42:(3)
5	43	Udhibiti wa Kamishna	Isipokuwa 43:(3,)
6	44	Udhibiti wa Makocha	Isipokuwa 44:(3,6,7,8)
7	45	Udhibiti wa Viongozi	Isipokuwa 45:(1,2,7,8,9,11,13,14,15,16,17)
	46	Udhibiti wa Klabu	Isipokuwa 46:(5,6,15,16,18)

Kwa minajili ya kufafanua kanuni hizi TFF itakuwa inatoa WARAKA maalum kila inapoonekana inafaa kufanya hivyo kwa lengo la kuleta ufanisi katika utekelezaji wake.

Kamati ya Utendaji ya TFF inaweza kurekebisha kanuni hizi kila inapotokea haja na sababu za msingi za kufanya hivyo, aidha TFF itatoa WARAKA maalum utakaosomeka pamoa na Kanuni hizi kwa marekebisho yoyote yaliyofanyika ambayo hayajaingizwa katika kitabu cha kanuni hizi.


Kanuni hizi zinaweza kufutwa na Kamati ya Utendaji ya TFF pekee.

Mambo yote yasiyokutwemo kwenye Kanuni hizi yataamuliwa na Kamati husika au ya Utendaji ya TFF kwa kuzingatia Kanuni na Katiba ya TFF au Kanuni za FIFA na CAF.

Kanuni hizi zimepitishwa kwa Azimio la Kamati ya Utendaji ya TFF iliyokutana Tanga Agosti 11, 2023.



\_\_\_\_\_  
Wallace Karia  
Rais



\_\_\_\_\_  
Kida Wilfred  
Katibu Mkuu

